

WOOLEĀGŪNOODŪMĀKŪN

TAN TŪLĀ

SANĒKŪ.

MEĜUMOWEESIĀK.



CHEBOOKTOOK :

MEĜŪMAGEĀ' LEDAKŪN-WEEKŪĜEMKĀWĀ MOWEOME.

1872.

KEY TO THE PRONUNCIATION.

The Consonants are sounded as in English, *g* being always *hard*, as in *go*, *egg*, and *c* exactly like *k*: *ch* as in *church*. *H* following a vowel, in the same syllable, (as in *āhk*), is a soft guttural, (like the German *ch* in *ich*).

THE VOWELS are sounded thus:

a as in *father*.
ā as in *fate*.
ǣ as in *fat*.
â as the second *a* in *abast*.
e as in *me*.
ē as in *met*.
ei as *i* in *pine* (*ei* in *height*).
ī (*and i*) as in *pin*.
o as in *no*.
ō as in *not*.
u as in *bugle*, *use*.
ū as in *tub*.
oo as in *food*, (*move*).
ōō as in *good*, *wood*.
ow as in *now*.

When any other vowel is *doubled*, as *aa*, *āā*, *ee*, or when an *o* is marked thus, *ō*, the usual sound of these letters is *prolonged*.

The usual place for the *accent* in Micmac is on the *penult*. When it falls on any other syllable, it is marked. But a prolonged vowel (*aa āā*, *ō*, or *oo'*) always takes the accent; *n* doubled (*nn*) at the end of a word, is *prolonged*; *m* or *n* at the *beginning* of a word, preceded by an accent, (thus: *'m*. *'n*), is sounded *without a vowel*.

ST. JOHN.

CHAPTER I.

1. Tan ūmskwēs' pōktūmkeaak Kūlooswōkūn āhkūp, ak Kūlooswōkūn tēgwāooōb'ūnūl Nīkskamūl, ak Kūlooswōkūn Nīkskamāwīp'.

2. Na Nēgūm tan ūmskwēs' pōktūmkeaak tēgwāooōb'ūnūl Nīkskamūl.

3. 'Msīt kogooā' wēje-kesedāsīksūbūnīgūl Nēgūm ootenīnk, ak tan kogooā' Nēgūm moo kesedooksūp na moo kesedāsenooksūp.

4. Memājooōkūn ootenīnk āhkūp, ak na memājooōkūn memājooenook' oowōsogwēgūmooow' na.

5. Ak wōsogwēk' wōsādēk' bogūnītpaak īk-took, ak bogūnītpaak moo wēswadoogoop.

6. Na cheenūmāk' wējīlkemootūnāk' Nīkskam-āwīktook tanāk tēlooēsībūnāk San.

7. Nēgūm pēgesīnkūp oochīt' ootūlooeđūmās-oodīn oochīt' na wōsogwēgū, koolamān' 'msīt wēnik oowoojīktlāmsūtūmoodīnow' ootenīnk.

8. Nēgūm moo nēg'ūla wōsogwēgū, kadon ēleaboogwēdoomkūs oochīt' ootūlooweđūmās-oodīn oochīt' na wōsogwēgū.

9. Na tēt āhkūp kēdlāwāe-wōsogwēk' tan wōsogwadoōch' 'msīt memājooenoo' tane pēje-daalije oosītkūmookū.

10. Oosītkūmook' āhkūp ak oosītkūmoo' wēje-kesedās'īgūp ootenīnkū, ak oosītkūmoo' moo kējeākoob'ūnū.

11. Pëgesĩnkũp tan ẽtluhtãlegãmĩch' ak tane ẽtluhtãlegãmĩch' mogwãch' wẽswaloogookoob'ũne.

12. Kadoo tan tãselĩje wẽswalũje ĩgũnũmoo-õch' alsoosoode Nĩkskam oonejũnĩnũ ; nũt nẽg'ũla tane kẽdlãmsũtũmoodĩlĩje oowesoounũmkũ.

13. Tanĩk moo wẽjuhskĩjenoolteekw mãldã-wĩktook, kũsna' magei oowõõledãdãk'ũnũm ĩk-took, kũsna' memãjooenoo oowooledãdãk'ũnũm ĩktook, kadoo wẽjuhskĩjenooltijik Nĩkskam-ãwĩktook.

14. Ak Kũlooswõkũn ãwageiwasĩgũp ak ẽtlũgatĩkũp tan ãũmoodeekw, ak nẽmedoo'deẽgũp ookoopmedãdãk'ũnũm, stũgã' Wẽgwĩsĩt Nĩkskam Nãõõktoobĩstãjũl Ookwĩsũl ookoopmedãdãkũnũm, wõjooeẽch' wẽlaltĩmkãwã' ak kẽdlãwãooõkũn.

15. San ẽlooodũmãsĩp oochĩt' Nẽgũm ak ẽlko-mĩktẽgẽp' ããp : Nẽgũm na tan wẽskoomkũp tan tĩlesĩp' tẽlooããp', Tan' wejĩpkesĩnk' noodẽk' ãh-kũp ãskw mũnaak neen ãũmooõnẽk', mũdũ ãjik-pũmããk' moo ẽnkoodã neen.

16. Mũdũ 'msĩt tan tãseekw wẽjuhsooadoo'-goop oowõjooadãk'ũnũm, ak wẽlaltĩmkãwã' oochĩt' wẽlaltĩmkãwã'.

17. Cadoo Utploodãkũn wẽjeĩgũnũmooẽmkũp Mooyeesẽgũ, kadoo wẽlaltĩmkãwã' ak kẽdlãwãoo-õkũn wẽje-choogooeãkũb'ũnũl Sãsoo Goole oote-nĩnkũ.

18. Mã mũnaak wẽn nẽmeagool Nĩkskamũl tan ba tĩlesĩpũ ; Nãõõktoobĩstãjũl Ookwĩsũl Tan ootlãmsẽk Oochũl ãũmũljũl Nẽgũm kesãgũn-emãjũl.

19. Na oola' San ootülooodümäsoodim tan tilesip' Lësweebák' wëjlgimadije Sälóosälámk' padüleas ak Lebeiëk wëdabëksilije oopebanemanow', Wënin keel?

20. Ak pakeiägünöotk' ak moo mïmoogwöd-ook, kadoo pakeiägünootk', āāt: Neen moo Clistāwu'.

21. Tokoo tēlepebanemadijūl: Cogooā' kadoo? keel tū Eleijah? San āāt: Mogwāch': Keel tū nēgēt' neganikchijetēgāwenoo? Usedāboogoo-ēt': Mogwāch'.

22. Na oochit' āladijūl: Wënin keel? koolaman' ūsedēmtimkāwā' keseigünūmooōdēs'ūnēn tanik ēlkimenāmūtübünik'; tālood'ūmūn keel ūktenin?

23. San āāt: Neen ookūlooswōkūnūm tan wën ētlesowēt' baktākūmiktook, tan ētletūlooēt': Ulekokwōjadookw Ukchesakūmow ootowteū, stūgā' tan tēlooēch' neganikchijetēgāwenooāk.

24. Na nēg'ūla tanik kesilkemoojik wējedajik Pālūseāk' ootenāwow iktook.

25. Ak pebanemaadijūl ālaadijūl: Na oochit' kogooā' wējebāpteisāwadēgēn' moo Clistāwuūn, kūsna' Eleijah, kūsna' nēgēt neganikchijetēgāwenoo?

26. Usetēgūlōolāje āāt: Neen meamooch' bāpteisāwadēgā' sǎb'oogwōn iktook, cadoo nadoo wën kakūmit' mēgweiik ūktenāwōk' tan kelow' moo kējeowōk'.

27. Nēgūm na tan wējipkesink' noodēk, ak tan āhkūp āskw neen moo āūmooōnēk, tan oonālkoonāpesoon neen moo tēdoojikpūmāu 'ntāp-kwadooōnū.

28. Na něg'ula kogooā' ētlekeskājeākūbūnīgūl
Bētābūlāāgū, kamāāk Sooldūnū, tan tēt San
ētlebāpteisāwadēgēpū.

29. Na ūmskwēs' adāsāwā' nagwēk San nēme-
ājul Sāsoosūl wēchkooeēlījūl tan āhk, ak San
āāt: Ankaptūmookw'! Ukchenīkskam oochech-
kēlooāoocheejūmūl, tanūl ējīgūladogūl oosītkūm-
oogāwe-padāmsoodel!

30. Na něgūm tan wēskwīmkūp tan tēlooāāp':
Cheenūm wejīpkēsīnk' noodēk' tan ākkūs āskw
neen moo āūmooōnēk', mūdū ājīkpūmāāk moo
ēnkoodā neenū.

31. Ak neen moo kējeagūp, kadoo oochīt' oo-
nāya' dāsīn Islālēk' neen wēchkwe-bāpteisāwa-
dēgāāp' sām'oogwōn īktook.

32. Ak San ēloowedūmāsīt āāt: Nēmeegūp
Nīkskam Oochejakūmījūl [Wējeoole-Nīkskam
na] wējenesasīlījūl wasōgū tan tēl'egīt stūgā' pūl-
ēsū, ak nēnkasīlījūl ootenīnkū.

33. Ak moo nenoogūp, cadoo Nēgūm tan
ēlkemīp' 'ntbāpteisāwadēgēn' sāmoogwōn īktook
na tēlemip': Tan nūmeādūks' Nīkskam Oocheja-
kūmījūl ootoochkwenesasīn ak oonūnkasīn oote-
nīnk, něgūm na tan bāpteisāwadēgēdo' Wēje-
oole-Nīkskam īktook.

34. Ak neen nēmegūp ak ēloowedūmāsī oola'
něgūm Nīkskam Ookwīsūl na.

35. Na wōpk ūmskwēs' ādāsāwā' nagwēk San
āpch kakūmit' ak taboosīlīje tane kēgenoodūm-
ooōje tēgwāāje.

36. Ak San ētleankamājul Sāsoosūl pēmeēlījūl
āāt: Ankamookw'! Ukche-Nīkskam Oochech-
kēlooāoocheejūmūl!

37. Ak nēg'ūla taboosijik noojēkenamoojik noodooadijūl Sanūl ētlewīstoolijū, ak nēg'ūmow noosoogooadijūl Sāsoosūl.

38. Tokoo Sāsoos kewōnskeboogooasīt ak nēmeāje noosoogwōje ak ālāje : Kogooā' kwe-lūmōk' ? Aladijūl : Labei — tan kese kewōnskeesimk tēlooēm'k, Alsoosīt — tame ētlūgād' — ūmūn ?

39. Sāsoos ālāje : Choogwaadikw ak nūmedoodōksūp. Na ankaptūmeedich tan tēt ētlūgādūmūlich' ak tēgwāooadijūl na nagwēk, mūdū nagoosēt ēdook' tabooājeēt tēlittāt' wēlaagwū.

40. Na nāōōktājit nēg'ūla taboosijik cheenūmook' tanik noodooadijūl Sanūl ētlewīstoolich' ak noosoogooadijūl Sāsoosūl, Andūlā' na, Semoo Peāl wijegīdeedijūl.

41. Nēgūm tūmk wājeājūl wijegīdeedijūl Semooūl ak ālājūl : Wājeegūt Memaloot, tan kesekewōnskesimk tēlooēm'k Clīstāwīt'.

42. Ak ālalājūl Sāsoosūl āumūlich'. Sāsoos ankamach' āāt : Keel Seemoo Sona ookwīsūl. Keel tūloosedooksedūks' Sepūs, tan kesekewōnskesimk tēlooēm'k, Peāl, (Condāoo.)

43. Na wōpk Sāsoos kēdooleēt' Nāsalētkū, ak wājeājūl Pelīpūl ak ālājūl : Noosoogooe

44. Na Pelīp tūlāowīt Bētsādēgū, Andūlā' ak Peāl oocheğūnūmooow'.

45. Pelīp wājeājūl Nātāneūlūl' ak ālājūl : Wājeegūt nēgūm tan Mooyeesōk ūtploodākūn iktook ak neganikchijetēgāwenooğwīk āwegadis-ūnūl, nūt na nēgūm Sāsoos Nāsalētk' tūlā', So-sēp' ookwīsūl.

46. Nātān'eūl ālājūl : Mā cogooā' kēloo'lk kes-

etooeūs' Nāsālētķū? Pelīp' ālājūl: Choogoo'yē
ak nūmedoodūks'.

47. Sāsoos nēmeājūl Nātāneūlūl' wēchkooeēl-
ijūl tan āhk, ak tēlāgūnemājūl: Ankamookw'
tan kēdlāwāe-wēdabēksīt Islālēk', tan ootenīnk
ūksūboogwadākūn mogwā' āhtūnook'.

48. Nātān'eūl ālājūl: Tame tēt wējīkchījeen?
Sāsoos ūsedāboogooēt ālājūl: Askw mūnaak
Pelīp wegoomooloogwēk', tan tīlesīp' ūpkāwāāk
menīchkōks' īktook āumūnēk', nēmoolāp'.

49. Nātān'eūl ūsedāboogooēt' ālājūl: Lābei,
Alsoosit, keel Nikskam Ookwīsūl, keel Islāl' oo-
tēlēgāmūl.

51. Sāsoos ūsedāboogooēt' ālājūl: Mūdū tēl-
emoolāp' nēmoolāp' ūpkāwāāk menīchkōks' īk-
took wējīktlāmsūtūmūn? nūmedoodūks' ājīm-
sūgeegūl kogooāl' mooēnkoodā wēg'ūla.

52. Ak ēlp ālājūl: Tēleāk' tēleāk' tēlemool'
ēlmeegūnik' nūmedoodūks' wasōk pantēdēdo' ak
Nīkskam ootānsālām' nēpsedaadāk' ak ūpkāwe-
daadāk' Ulnoo Ookwīsūl ooteninkū.

CHAPTER II.

1. Na sestāwāēk' nagwāāk māleāwōboo egagūs
Cānūk, Gālelētkū, ak Sāsoos ookwījūl nadāāl
āumūlībūnūl.

2. Ak ēlp Sāsoos ak ēlp tanīk wējekenoodūm-
oojīk ootenīnk wējewegoomootūnik' māleāwōboo
īktook.

3. Na tan tīlesīp' mēgobagēk' kakayaak Sās-
oos ookwījūl tēlīmītūb'ūnūl Sāsoosūl: Mogwā'
mēgobagūmeekw.

4. Sāsoos ālājūl : Abīt, tāluhtūmodūmoo'kw
tū kenoo ? 'ntētpūgagūm mā mūnaak eganook.

5. Na Sāsoos ookwijūl ālāje loogowenoo' :
Tan kogooā' Sāsoos tūlemoolok' na tūladaka-
dikw'.

6. Na nadāl' ēbooltījīk ūsookūmtāsījīk sām-
oogwōnogook koondāwāyāāk tēlepesokūlooltījīk
ēdook' tabooīnskūksījīk 'ngālowhkwū, tan Lēs-
weebāk' tēlīnkūlagadoodich ootūlewōkūmalūs-
ooltīnowū.

7. Sāsoos ālāje : Oochoobēgalookw sāmoo-
gwōnogook sāmoogwōnū. Ak wōjoobēgaladije
ak tētpūbēgaladije.

8. Alāje : Oochekoodadookw nūgā' ak lāpel-
ūmookw' ētlesakūmowīt wēgoobaltīm kū. Tokoo
ēlāpelūmoodich.

9. Na tan tīlesīp' ētlesakūmowīt wegoobaltīm k
kwētūk sāmoogwōn tan kese mēgobakāwadāsīk
ak moo kējedookw' tan tēt tūlā', kadoo loogowe-
nook' tanīk' koodadoodīp sāmoogwōn kejedoo-
dich ; tan ētlesakūmowīt wegoobaltīm kū wego-
mājūl moosemāleāhūl,

10. Alājūl : 'Msīt wēn mēltāme-egadōk kēl-
oolk' mēgobaak ak kese-poogwēle-sāmoogoltee-
dich tokoo tan moo tēdooche-kēlooltūnook'ega-
dok. Cadoo keel kesenūkadoon kēloolk' mēgo-
baak mesokoo nūgāch'.

11. Na oola' tūmkāwā' kūnoogwōsoode Sāsoos
kesadōk Cāna īktook Gālelētk' tūlā', ak nāyadōk
ookoopmedālūmooksoodim, ak tanīk wējekeno-
dūmoojīk ootenīk ētlīktlāmsūtūmoodījīk oote-
nīnkū.

12. Na kūlābīs' Sāsoos ēlenesagasīt Cāpūlne-

ũmkũ, nẽgũm ak ookwĩjũl ak wĩjegĩmãje ak tanĩk wẽjekenoodũmoojik ootenĩnkũ, ak ala' tẽt moo kakẽiyesoogoonaktũnook' ẽlkadũmeedijũ.

13. Na Lẽsweebãk oopagãwĩmkãwãũmooow' wẽjooowaasĩk, ak Sãsoos ẽlitkoojooat' Sãloosãl-ãmkũ.

14. Ak wãjeãje ũkchealasoodũmogwõmk nẽg'-ũla tane ẽtlĩntooeskẽdoolĩje wẽnjoodeãmoo ak chechkẽllooãoocheũ ak pũlẽsũ, ak tane noojesasãwadolĩch' sooleãwã', ẽbooltĩlĩjẽ.

15. Ak kesuhchedõk' ũpkoomãkũn ăpchăch-kũl kũldăkpelâk'ũnũl wẽjejĩgũltẽskooõje 'msĩt tan tasĩlĩje ũkchealasoodũmogwõmkũ, chechkẽllooãooche ak wẽnjoodeãmoo; ak koodăgẽch noojesasãwadakadĩlĩje oosooleãwãũmooow', ak kẽtkoojadooõje oobãtaloodĩmooõl'.

16. Ak ălãje tane nẽdooeskẽdoolĩje pũlẽsũ: Jĩgũladookw' nẽg'ũla. Moo ũkmãlsãnogwõma-doop' Nooch week.

17. Ak tanĩk wẽjekenamoojik ootenĩnk mĩg-wedădũmeedĩch ootũlooweegãsĩn: Uksãlsoode oochĩt' keek kẽspaalĩk.

18. Na oochĩt' Lẽsweebãk' ũsetẽgũlloodĩjũl Sãsoosũl ăladijũl: Cogooã' kũnoogwõsoode nã-yadooẽk' tan koojetũladoon wẽg'ũla kogooãl'.

19. Sãsoos ũsedăboogooẽt' ălãje: Kakeiskwĩs-kadookw oola' ũkchealasoodũmogwõm ak 'nsoogoo-naak neen kesadoodẽs'.

20. Na oochĩt' Lẽsweebãk' tẽlooẽjik: Nãoo-ĩnskũgeboonkũk chẽl ũsookũm tẽlĩpkĩjedăsigũp oola' ũkchealasoodũmogwõm, ak keel kesadoodũks' 'nsoogoo-naak?

21. Cadoo Sāsoos weskootkūp ootenīn, oot-
ŭkche-alasoodūmogwōmīnū.

22. Na oochīt' kesemenoonsītēk' nēgūmow
tanīk wējekennoodūmoojīk ootenīnk mīgwedāl-
ūmadījūl ookesetūluhskood'ūmūn wēg'ūla, ak
kēdlāmsūtūmeedich tan tēlooweegāsīk, ak ēlp
wēg'ūla kūlooswōkūn tan Sāsoos tēlooēlīb'ūnū.

23. Na tan tīlēšīp' Sāsoos āhkēk' Sāloosālām-
kū tīlēšīp' pagāwīmkāwā' wegoobaltīm'k', poo-
gwēlkūbūneek kēdlāmsūtūmoodībūneek oowes-
oonūm iktook, tan nēmedoodīb'ūnūl nēg'ūla
kūnoogwōsoodel tanūl kese-tūladēgēlībūnūlū.

24. Cadoo Sāsoos moo ēmkadoo'ōkoob'ūne
oote'nīnū, mūdū 'msīt wēne kējeāje ;

25. Ak moo wēdūmedālūmāgool wēnūl oo-
wōōjeūloowedūmāsīlīn' memājooenoo' ooten'-
āwōk, mūdū kakeinēnkūl tanūl kogooāl' āhkūl
memājooenoo' ootenāwōkū.

CHAPTER III.

1. Na cheenūmāk' āhkūbūnāk' Pālūse-āwīk-
took tanāk' tēlooesībūnāk' Nekodām', tanāk
ētlenoojīt'ploodēgēbūnāk' Lēsweebāwīktook.

2. Nēgūm pēgesīnkūb'ūnūl Sāsoosūl āumūl-
īch' dēpkegū, ak ālābūnūl: Noojekenamooēt',
kējoolēk' keel ŭkoochkooeēn' ŭkwoojeēn' Nīks-
kam-āwīktook ŭknoojekenamooēnū ; mūdū mow
wēn kesetūladoogūl wēg'ūla kūnoogwōsoodeel
tanūl keel tēladoonūl Nīkskam moo ŭtkwāooōk-
wū.

3. Sāsoos ūsedāboogooēt' ak ālājūl: Tēlēāk'
tēlēāk tan tēlemool', moo wēn mīnwuhskīje-

nooikw' ma kesenūmedooōkw' Nīkskamūl ootēl-
ēgāwagīmū.

4. Nekodām' ālājūl : Tālekesuhskijenoōis' wēn
tan kesegooīchū? kесеpejasīs tabooōwā' ookwījūl
ootlāmelook' ak ooskijenoōis' ?

5. Sāsoos ūsedāboogooēt' : Tēleāk' tēleāk' tēl-
emool', moo oochuhskijenoōikw' wēn sāmoogwōn
iktook ak ēlp Wējēoolenīkskam īktook, nēgūm
ma kesepīskwakw' Nīkskamūl ootēlēgāwagīmū.

6. Tan kogooā' wējuhskijenoōik' magei iktook
magei na; ak tan kogooā' wējuhskijenoōik'
'Mchejakūmījooiktook 'mchejakūmīch' na.

7. Moo ūkpakūleiu 'ntūlemoolīn', Meamooch'
dēpkadīk ūkmīnwuhskijenooltīnow'.

8. Oochoosūn wētūk' tan tēleooledātk' ak keel
noo'dūmūn ookoosedāooōksūt' ūnūn, kadoo moo
kējedoon' tan tēt wējeāk' ak tan tēt āleāk'. Na
tēlāāk' msīt tan tāsīt wēn tan wējuhskijenoōit
Wējēoolenīkskam īktook.

9. Nekodām' ūsedāboogooēt' ak ālājūl : Tāle-
keskājēūs' wēg'ūla kogooāl'?

10. Sāsoos ūsedāboogooēt' ak ālājūl : Keel
ēdū ētlēnoojekenamooēn' Islāāl īktook ak moo
kējedoonūl wēg'ūla kogooāl'?

11. Tēleāk' tēleāk' tan tēlemool' wēskoodūm-
ēk' tan kējedooēk' ak wējeūloowedūmāsoolteēk'
tan nēmedoo'deēgūp, ak kelow' 'ntūloowedūmās-
oodenēn' moo wēswaduōk'.

12. Kесе tūlemoolōk' oosītkūmoogāwāl' ak
moo kēdlāmsūtūmooduōk', tālīktlāmsūtūmoode-
dōksūp tūlemoolōk wasogawālū ?

13. Ak mow wēn kесе leonagasīgūp wasōk

pasūk nĕgŭm tan wĕjenesasĭp wasōk ; na na
Ulnoo Ookwĭsŭl tan āhk wasōkŭ.

14. Ak stŭgā' Mooyeesōk tĕleoonagalāb'ŭnŭl
'mtāskŭmool' bāktākŭmĭktook, meamooch' dĕp-
kadĭk ootŭleoonagalooksĭn Ulnoo Ookwĭsŭl,

15. Coolaman' 'msĭt wĕn tan kĕdlāmsŭtkŭl
ootenĭnk moo ŭksŭgawĭs kadoo ooskos' āpche-
memājooōkŭn.

16. Mŭdŭ Nĭkskam tĕlĭksātkŭp oosĭtkŭmoo'
wĕjeĭgŭnŭmooĕdogŭb'ŭnŭl nāōōktoobĭstājŭl Oo-
kwĭsŭl, koolaman' 'msĭt wĕn tan kĕdlāmsŭtkŭl
ootenĭnk, moo ŭksŭgawĭs, kadoo ooskos' āpche-
memājooōkŭn.

17. Mŭdŭ Nĭkskam moo wĕjĭlgemagōōb'ŭnŭl
Ookwĭsŭl oosĭtkŭmoogŭ oochĭt' ootoonmājeĭls-
ood'ŭmŭn oosĭtkŭmoo', kadoo wĕjĭlgĭmāb'ŭnŭl
koolaman' oosĭtkŭmoo' oochuhsŭtān' ootenĭnkŭ.

18. Tan wĕn kĕdlāmsŭtkŭl ootenĭnk moo wĕn-
masoomāt' ; kadoo nĕgŭm tan moo kĕdlāmsŭt-
ŭmook' nŭgāch' wĕnmāsoomoot' ; mŭdŭ moo
kĕdlāmsŭtŭmookw' Nĭkskam nāōōktoobĭstājŭl
ookwĭsŭl oowesoonŭmkŭ.

19. Ak oola' wĕjeĕgak' wĕnmājĕĭlsoodākŭn,
mŭdŭ wōsogwĕk' egak' oosĭtkŭmook' ak memāj-
ooenook' peāmĭksādŭmeedĭch bogŭnĭtpaak moo
ĕnkoodā wōsogwĕkŭ, mŭdŭ ookwĭsedākŭnŭm-
ooōl' moo kĕlooltoenoogŭl.

20. Mŭdŭ 'msĭt wĕn tan padadĕgĕt' na kĕtke-
dātk' wōsogwĕk' ak moo pĕgĕsĭnook wōsogwĕgŭ,
koolaman' ookwĭsedāk'ŭnŭmŭl moo oopĕtkoo-
dāsĭnoonŭ.

21. Mŭdŭ tan wĕn tĕladōk kĕdlāwāooōkŭn
pĕgĕsĭnk' wōsogwĕgŭ koolaman' ookwĭsedākŭn-

ümül ookoojedāsīn ookesadāsīn Nīkskam-āwīk-took.

22. Na kese keskājeak' wēg'ūla cogooā' Sās-oos pēgesīnk' ak ēlp tanīk wējekenamoojīk ootenīnkū pejedajīk makūmegāoo Lēsweepāwagīk, ak na tēt ētlemowkwōdūmoodījīk ak ētlebāpteisāwadakadījīk.

23. Ak ēlp San ētlebāpteisāwadēgēt' Enūnkū kweiīchk Sālēmķū, mūdū pegwēlk' sāmoogwōn' nadāl' tēt āhk, ak pējedajīk ak bāpteisāwadās-ooltījīk.

24. Mūdū San māch mūna' pejalāt' laplesoon-ķū.

25. Tokoo tīlesīp' pebanīmītīmkāwā' egak' Lēsweepāwīktook ak San ķēgenoodūmooōje oo-chīt' wōķūmaltīmkāwā'.

26. Ak pējedadījūl Sanūl ak āladījūl ; Alsoo-sīt, na cheenūm tan tēgwāādeogūp kamāāk Sooldūn ak tan keel wējelooedūmāseep, ankap-tān', nēgūm bāpteisāwadēgēt' ak 'msit memāj-ooenook' pējedaadījūl.

27. San ūsedāboogooēt' āāt : Mow wēn ke-sīmsūnūmook' kogooā' moo oocheīgūnūmooōķ' wasōķū.

28. Kelow' wējelooedūmāsoolteyōķ' neen 'ntūl-emoolenow' neen moo Clīstāwu', kadoo negan-ķemīmk' nēgūm ootenīn.

29. Tan wēskwāooājūl matūmaleāhūl moose-māl'eā na ; kadoo moosemāl'eā we'dabal' tan kakūmīt' ak jīksētājūl lōk weje-ooledasīt moose-māl'eā ootētlewīstūmkāwāūm īktook. Na oo-chīt' oola' neen nooskāwedasoodīm wōjooeāk'.

30. Nĕgŭm meamooch' pŭmeankooasedo', kadoo neen meamooch' pŭmeanĕskasedĕs'.

31. Nĕgŭm tan wĕjeĕt' kăkwăāk moweĕspăāk na. Tan oosĭtkŭmook' tŭlă' oosĭtkŭmoogăwă' na, ak wĕskootk' oosĭtkŭmoo'. Nĕgŭm tan wĕjeĕt' wasōk moweĕspăāk na.

32. Ak tan nĕmedogŭp ak nootkŭp wĕjelooedŭmăsit, ak ootŭloosedŭmăsoodĭm mow wĕn wĕswadook.

33. Nĕgŭm tan wĕswadooōch' ootŭloosedŭmăsoodĭm kese mŭlgekedăwadōk Nĭkskamŭl ookĕdlăwăĭlĭnŭ.

34. Nĕgŭm tanŭl Nĭkskam ĕlĭmăjŭl āajŭl Nĭkskamŭl ookŭlooswōkŭnŭmŭl, mŭdŭ Nĭkskam mowepoogwĕle-ĭgŭnŭmooăjŭl Wĕjeoolenĭkskamŭl.

35. Wĕgwĭsĭt Nĭkskam, Koochenoo', kĕsalăjŭl Ookwĭsŭl, ak ĭgŭnŭmooōch' 'msĭt kogooăl' oopŭt'ŭnkŭ.

36. Nĕgŭm tan kĕdlămsŭtooăjŭl Aoochelĭjŭl Nĭkskamŭl wĕskōtk āpchēmēmăjooōkŭn; kadoo nĕgŭm tan moo kĕdlămsŭtooagool Aoochelĭjŭl Nĭkskamŭl ma nŭmedook' memăjooōkŭn, kadoo Nĭkskam ookweiodĭm ĕdĕk' ootenĭnkŭ.

CHAPTER IV.

Na oochĭt tan' tĭlesĭp' Uksakŭmamenoo' kĕjedōksŭp Pălŭseāk' oonoodŭmadĭnow' Săsoos ookesalan' ak oobăpteisăwalan' ājĕpoogwĕlnĭje noojekenoodŭmooōje moo ĕnkoodă San ;

2. (Tĭlea' Săsoos nĕgŭm moo băpteisăwadĕgĕgoop, kadoo tanĭk wĕjekenoodŭmoojik ootenĭnk băpteisăwadakadĭbŭnĭk ;)

3. Nöktüküp Lëswepāwage ak āleēp' āp Gāle-
lētkū.

4. Ak dėpkadiküp ootūlesāptēs'kūmūn Sam-
ā'lea.

5. Tokoo pēgesīnk' ūkchegūnk' Samāleak'
tūlā' tan tēlooesīk Seikāl, kweiīchk makūme-
gāoochech', tan Sakobōk īgūnūmooōp' ookwīsū
Sosēpō.

6. Na Sakobōk oonakūnōbadīm nadāl' tēt
āhk. Na oochīt' Sāsoos mūdū wējekespūnēt'
tan tēlepūmeēch' na tēlbasīt 'nkūnobadīgū, ak
ēdook' meowlagwēt'.

7. Na Samāleaweesk w pēgesīnk' oonakūn-
abēnū. Sāsoos ālājūl 'Nkūnamooe.

8. Mūdū tanīk kēgenoodūmoojik ēledabūneek
ūkchegūnkū oonājīpkwōdēlūmūnow' mechīp-
chāwāū.

9. Na oochīt' Samāleaweesk w ālājūl : Tālāāk
keel Lëswēpāwīn' kweloodūmooīn nēsāmoo-
gwōmk' neen tan Samāleaweeskwoī, mūdū Lës-
weebak' ak Samāleawak' moo wīgūmagalttool-
teekw.

10. Sāsoos ūsedāboogooēt' ālājūl : Ukchīje-
doo'-sūbūn Nīkskam ootīgūnūmādīmkāwāūm ak
ūkchījeesūbūn tan wēn tēlīmsk' 'nkūna'mooe,
kweloodūmooōkpūn ak nēgūm īgūnūmoolesōk'
sāmoo gwōn' memājīk.

11. Abīt ālājūl : Sakūmow, 'nkūnabōksoon
mogwā' kēkoonowt' ak 'nkūnobade pedālkūk.
Na oochīt' tame tēt ētluhskōdūmūn nūt sām'oo-
gwōn memājīk?

12. Keel ājeēspāīn moo ēnkoodā noochenenāk'
Sakobōk tanāk īgūnūmooenām'ūtūp oola' 'nkūn-

õbade ak wějĩnsǎm'ooḡwõp nĕḡũm ak ělp oone-
jĩnkũ, ak ělp ootooǎmkũ ?

13. Usedǎboogooĕp' Sǎsoos, ǎlǎjũl ǎbĩlĩjũl :
Tan wĕn wějĩnsǎm'ooḡwõt oola' sǎm'ooḡwõn
ǎpch ũktooesǎmoogwõdo' ;

14. Cadoo tan wĕn wějĩnsǎm'ooḡwõt sǎm'oo-
ḡwõn tan neen ĩḡũnũmooõdĕs' ma ũktooesǎm'oo-
ḡwõkw yǎpchooũ. Cadoo sǎmoogwõn tan neen
ĩḡũnũmooõdĕs' 'nkũnõbadedo' ootenĩnk sǎm'oo-
ḡwõn memǎjik poolkũjakũmeǎdo' ǎpchememǎj-
ooõkũn ĩktook.

15. Abĩt ǎlǎjũl : Sak'ũmow, ĩḡũnũmooe neen
nũt sǎmoogwõn koolaman' ma ũktooesǎm'oo-
ḡwowkũsna choogoo'eowoola'tĕt nũnǎkũnabĕnũ.

16. Sǎsoos ǎlǎjũl : Uleyĕ' wegoom' ũkche-
nũmoom' ak choogoo'yĕ'.

17. Usedǎboogooĕt' ǎbĩt ǎlǎjũl : Mogwǎ' wĕ-
cheenũmoomu. ǎlǎjũl Sǎsoos : Wĕletũlooĕn
mogwǎ' wĕcheenũmoomu,

18. Mũdũ nanebũneek ũkchenũmoomkĩḡũ, ak
cheenũm tan nũḡǎ' wĕskwǎũt moo keel ũkcheen-
ũmoom.

19. Abĩt ǎlǎjũl : Sak'ũmow, nĕmedoo' keel
ũkneganĩkchĩjetĕḡǎwenooĩnũ.

20. Noochenagĩk ĕtlealasoodũmadĩbũneek oo-
la' kũmdũn ĩktook, kadoo kelow' tĕlooǎyõk Sǎl-
oosǎlǎmk' na nadǎl' dĕpkadĩk memǎjooenook'
ootĕtlealasoodũmadĩnowũ.

21. Sǎsoos ǎlǎjũl : Abĩt, ũktlǎmsũtooe, tĕt-
pũḡaak kĕdoeḡaak tan tĩlesĩp' ma alasoomow-
ok' Wĕḡwĩsĩt Nĩkskam oola' kũmdũn ĩktook
kũsna' Sǎloosǎlǎmkũ.

22. Kĕlow' alasoodũmok' tan moo kĕjedoodu-

ők'. Neněn' kejeegüt tan alasoомкүт ; мүдү ооһсүтөгүн ыјеа́к' Lēsweebā-wíktook.

23. Cadoo tētpūgaak kēdooegaak ak nūgāch' egaak tan tīlēšip' kēdlāwāyāāk alasoodūmāwe-nook' alasoомā́dāk' Wēgwīšīlījūl Nīkskamūl 'mchejakūmījoo iktook ak kēdlāwāooōkūn iktook. Mūdū Wēgwīšīt Nīkskam na tēloltīlījē kwelooōje ootalasoомkoonū.

24. Nīkskam 'Mchejakūmich' na, ak dēpkadīk tanīk alasoомadijūl ootalasoомanow' 'mchejak-ūmījoo iktook ak kēdlāwāooōkūn iktook.

25. Abīt ālājūl : Kējedoo' Memaloot oo-woochkooeēn,' tan tēlooesīt Clīstāwit ; tan tīlēšip' nēgūm ūpkēsīnk' 'msīt kogooāl' āgūnoo-dūl'.

26. Sāsoos ālājūl : Neen tan wēskwīmool' dūmoolkoonēgūm na.

27. Na ba tīlēšip' kēgenoodūmooōje pējedalīje ak pakūleiooltīlīje oochīt' ooskooman' ābīlījūl. Kadoo mow wēn āākw, Kogooā' kwe'lūmūn ? kūсна'; Cogooā' oochīt' wēskwīmt' ?

28. Na ābīt nakūlājūl oonkūnabōksoon'ūmūl ak ālēēt' ūkchegūnkū ak tēlīmāje memājoo-enooū :

29. Choogwedaakw' ak nūmeā́dōksūp cheen-ūm tan āgūnoodūmooīb'ūnūl 'msīt kogooāl' tanūl tēladēgāāb'ūnūl. Moo tū oola' cheenūm Clīstāwit' na ?

30. Na oochīt' wējetooodajīk ūkchegūnk' ak pējedajīk tan āūmūlījū.

31. Na ba tīlēšip' noojekenoodūmoojīk ēd-āmadijūl Sāsoosūl āladījūl : 'Nsakūmamenēn', mīj'ese.

32. Sāsoos ālāje : Wěškōdūm mechīpchāwā' 'nmālkodūmūn tan kēlow' moo kējedoo'duok'.

33. Na oochīt' pēmekenoodūmoojik tēlīmtoql-tījik : Mā wēn pēgesoodooōch' kogooā' oomālkodūmūlīn' ?

34. Sāsoos ālāje : Na neloo 'ntūladoon nēgūm ootooledādāk'ūnūm tan ēlkīmīp' ak 'nkesadooōn' ootloogowōk'ūnūm.

35. Moo tēlooāooōk' māch nāooījik dēpkūnoosējik ak tokoo tīlesīp' ūpskwēsowoodīm kēgaak ? Ankaptūmookw', tēlemoolōk', sūmkūlābedakw' ak ankaptūmookw' egadākūnūl, mūdū nūgāch' wōbāgūl oochīt' ūpskwēsowoodīnū.

36. Ak nēgūm tan pēskwēsowēt' mēsūnūk' abankūdooōwā', ak mowadogūl kūlūmkool āpchememājooōkūn iktook ; koolaman' nēgūm tan egadagook ak nēgūm tan pēskwēsowēt' mow-uhsūgāwedasiđāk'.

37. Ak wēje-tēleāk' oola' kūlooswōkūn : Nā-ōōktājīt cheenūm egadagook ak āp ūktūk' cheenūm pēskwēsowēt'.

38. Elkemoologūp ūkpēskwēsūmūnow' na tan moo loogowōkūnaloolooōgoob'ūnūl. Uktūkīk chenūmook' loogowōkūnadakadībūnīk' ak kēlow' pīskwēdaēogūp ootloogowōkūnadakadīm kāwāūmoow' iktook.

39. Na pegwēlkīk Samāleawāk' tanīk oola' ūkchegūnk' tūlāowooltījīk kēdlāmsūtūmoodījīk ootenīnkū oochīt' ābīt ookūlooswōk'ūnūm tan tēlelooodūmāsīt tēlooēt : Nēgūm āgūnoodūmoo-ib'ūnūl 'msīt kogooāl tanūl tēladēgāāb'ūnūl.

40. Na oochīt' tīlesīp' Samāleawāk' pējedajīk

āumūlīch' ēdāmadījūl ootoogwāāgoonow', ak na-dāl' tēt tēlīpkītkātk' taboogoonāak.

41. Ak moweājepoogwēlkīk wējiktlāmsūtūm-oodījīk nēgūm ookūlooswōkūn īktook.

42. Ak tēlemadījūl ābīlījūl : Nūgāch' kēdlām-sūtūmoodeēk' moo oochīt' keel ūkūlooswōk' ūn-ūm, mūdū nenēn' noodakūt ak kējeekūt meam-ooch' oola' Oonoojuhsētowedoon' oosītkūmooū.

43. Na kese taboogoonāak Sāsoos wējīpkotūmkasīt oola tēt ak pēgesīnk' Gālelētkū.

44. Mūdū Sāsoos nēgūm ēlooodūmāsīt negan-īkchījetēgāwenoo moo ētlīkpūmedā'dāsīkw nēgūm oomūtīkīgū.

45. Na oochīt' tīlesīp' pēgesīnk' Gālelētkū Gālelētkāwāk' wītkīmadījūl mūdū nēmedoodīb'-ūnūl 'msīt kogooāl' tanūl kesadoolīb'ūnūl Sāloosalāmīk' wegoobaltīmīkū, mūdū nēgūmow' ēledab-ūnīk' wegoobaltīmīkūp.

46. Na Sāsoos āpch pēgesīnk' Cānūk' Gālelētkū tan tēt ētlemēgobakāwadōkūp sāmoogwōn-ēgū. Ak tan wēn ēspesak' ūmow āhk tan ookwīsūl ētlīksenoogwōlījūl Cāpūlneūmkū.

47. Tan tīlesīp' kese noodūmach' Sāsoosūl oopūgīsīlnīn' Lēsweepāwagīk ak oowōōjeēlīn' Gālelētkū, pēgesīnkūl ak ēdāmājul oonesagastlīn' oonūsa'laiīn' ookwīsūl, mūdū kēdooīnpūlījūl.

48. Sāsoos ālājūl : Moo nūmedooōk' kūnoogwōsoodeel ak pakūleioodeel ma ūktlāmsūtūm-ooduōk'.

49. Espesak' ūmow ālājūl : Sakūmow, choogwenesagaase āskw moo 'nkwīs' nāboogū.

50. Sāsoos ālājūl : Upkotūmkaase, memājīt ūkwīsū.

51. Ak cheenüm kēdlāmsūt' kūlooswōkūn tan Sāsoosūl tēlīmchū.

52. Na pēinnesagasich asūgāje oonōkūbēmp-mū, ak tēleāgūnoodūmadijūl, āladijūl : Ukwīs' memājīt.

63. Na oochīt' pebanemāje tālesīp' bokchīp-koonaaājūnāwīs' ? Aladijūl : Oolagoo' nāōōktāje-ēdēk' ēpsīmkāwāēk' boonaltūb'ūnēk'.

54. Na oochīt' oochūl kējedōk' na ba tēlesīp' Sāsoos tēlīmtūp : Ukwīs memājīt. Ak nēgūm kēdlāmsūt' ak ēlp 'msīt tan telīkjīksooijū.

55. Na oola' tabooōwā' kūnoogwōsooode tan Sāsoos kesadōk kes kesuhcheēt' Lēswebāwagīk ak pēgesīnkūp Gālelēt'kū.

CHAPTER V.

1. Na kes keskājeagūl nēg'ūla kogooāl' we-goobaltīm'kūp Lēsweebāwīktook, ak Sāsoos ēlīt-koojooīm'tūmat' Sāloosālām'kū.

2. Na Sāloosālām'k' ūpkoodabēkw' āhk kweīīchk' chechkēlooāoochwe-kagūnadāsīk, tan tēlooesīk Lēsweebāweesīmk, Bētēsda, nankūl toosādeel tūlāl āhkūl.

3. Ak kēse mowepoogwēlkūbūneek ūksenoo-gōwenoogwīk ēlesooltībūneek nēg'ūla toosādeel ; tankīk nēgābegoltībūneek ak ēlp tankīk askasooltībūneek, ak ēlp tankīk nēpkūs'ūnūl ookwōd-ooōgūl ak oopūtūnoōgūl, ētleskebēdoodīp māt-pēga'dāsīn sāmoogwōnū.

4. Mūdū ānsālāwīt chīptooēgāl' pakasasīt ūpkoodabēkw' īktook ak māt-pēgadōk sām'oogwōn. Na oochīt' tan wēn tūmk pakasaasīt kese māt-

pëgadäsik sām'oogwōn wejinsa'dāsīt tan kogooā' kēsenookwōchū.

5. Ak mā wēn cheenūm nadāl' tēt āhk tan kēsenookwōt' kes nāsīnskūgeboonkūk chēl oogūmoolchīn.

6. Sāsoos nēmeāch' ēlesīlnīch' ak kējeājūl ootūlālīn kes saak, ālājūl : Wēledā'dūmūn kūnsalooksīn ?

7. Uksenoogowenoo' tēlēsetēgūlōolājūl : Sakūmow, mogwā' wēn wēskwāuāk' 'npakasaloogoon' ūpkoodabēkw' īktook tan tīlesīp' sam'oogwōn mātpegaadāsik, kadoo tīlesīp' neen nājīpkasasīt neganīpkasasīt āp ūktūkū.

8. Sāsoos ālājūl : Oonagase, oonagadoo kūnpōgūn ak pūmeyē'.

9. Na ba 'nkūseiu cheenūm nēsaloooksīt ak wēnagadōk oonpōgūn ak pēmeēt'. Ak na nāgwēk atlasmoodegīskūk na.

10. Na oochīt' Lēsweebāk' āladījūl cheenūmool tanūl kesīnsaloooksīlījūl : Atlasmoodegīskūk na keskook ; moo wējeūsedālūmooksuūn ūtploodākūn īktook ūkpūmadoon' kūnpōgūn.

11. Cheenūm tēlēsedēmāje : Nēgūm tan nēsālīt na nēgūm tēlemīt', Oonagadoo kūnpōgūn ak pūmeyē'.

12. Na oochīt' wējepebanema'dījūl : Wēn tū nūt cheenūm tan tēlīmsk' Oonagadoo kūnpōgūn ak pūmeyē'.

13. Cadoo cheenūm tan kesīnsaloot moō kējeagool tanūl wēnūl nēsālījūl, mūdū Sāsoos ējīgūlasīp, mūdū mowepegwēlkīk āhkūbūnīk nadālū.

14. Kūlābīs' Sāsoos wājeājūl ūkchealasoodūmōgwōmkū ak ālājūl : Ankaptān' keel kesīn-

salooksīn, moo ūkpadađgow' āpchū, koolaman' moo ājīmtooāak ootegan' ūktenīnkū.

15. Tokoo cheenūm poktūmkaasit ak tēlāgūn-oodūmooōje Lēsweeba: Sāsoos na tan kesīnsaa-līp.

16. Na oochīt' Lēsweebāk' tēbloomadijūl Sās-oosūl mūdū kēsetūladogūl nēg'ūla kogooāl' atlasmoodegīskūgū.

17. Cadoo Sāsoos tēlēusedēmāje: Neen Nooch pēmeloowēt' mesokoo nūgāch', ak ēlp neen ēlookwā'.

18. Na oochīt' Lēsweebāk' ājīkwchenābadijūl Sāsoosūl mūdū moo pasūk sēgwisikadoogoo atlasmoodegīskūk kadoo māch āpch tēlooēp' Nīkskamūl Oochīnū, ak na wējetūla'lūsīt ootēt-poodīnow' Nīkskam'ūlū.

19. Na oochīt' Sāsoos ūsedēmājē ālāje: Tēl-eāk' telēāk' tan tēlemoolōk', Aoochit moo kogooā' kesīnkoode-tūladēgēkw'; pasūk tan nēm-each' Wēgwisīlījūl tēladēgēlīch'; mūdū tanūl kogooāl' Nēgūm tēladogūl, wēg'ūla ēlp Aoochit nāooktā' tēladogūl.

20. Wēgwisīt kēsālājūl Ookwisūl ak kēgēnoo-dūmooōjūl 'msīt kogooāl' tanūl tēladēgējūl, ak nāyadooōdūl' ājīmsūgeegūl loogowōk'ūnūl moo ēnkoodā' wēg'ūla, koolaman' kelow' oochepakūl-eioōltedōksūp.

21. Mūdū stūgā' Wēgwisīt ābijēba'lājē 'npoo-enoo' ak menooalāje, na ēnkoodā Aoochit tēl-emenooalāje tan tēleooleđātkū.

22. Mūdū Wēgwisīt moo ilsoomagool wēnūl, kadoo 'msīt ilsoodākūn īgūnūmooōjūl Ookwisūl.

23. Koolaman' 'msīt wēnik ootūlīkpūmedāl-

ūmanow' Aoochīlījūl stūgāch' Wēgwīsilījūl tēl-
īkpūmedālūmadīch. Nēgūm tan moo kēpme-
dalūmagool Aoochīlījūl na ēlp moo kēpmedāl-
ūmagool Wēgwīsilījūl tanūl ēlkīmālījūl.

24. Tēleāk' tēleāk' tan tēlemoolōk' tan wēn
nootk 'nkūlooswōk'ūnūm ak kēdlāmsūt kūl oote-
nīnk tan ēlkīmīlīb'ūnūl, wēskōtk' āpchememājoo-
ōkūn, ak ma egakw' īlsoodākūn īktook, kadoo
kesucheseowtēskūk 'npooōkūn īktook mesokoo
memājooōkūn īktook.

25. Tēleāk' tēleāk tan tēlemoolōk', tētpūgaak
kēdooeagaak ak nūgāāch egaak, tan tīlesīp' 'npoo-
enook' noodūmooōdāk' Nīkskamūl Ookwīsūl oo-
kūlooswōk'ūnūmūl, ak nēgūmow' tanīkno oōūm-
oodeedīch memājooltedāk'.

26. Mūdū stūgā' Wēgwīsīt wēskōtk memāj-
ooōkūn ootenīnkū, na tēleīgūnūmooōjūl Oo-
kwīsūl ootooskōdūmūlin memājooōkūn ootenīnk.

27. Ak īgūnūmooōch' alsoosoode ootīlsoodēg-
ēlīn' mūdū nēgūm Ulnoo Ookwīsūl na.

28. Moo ūkpakūlastūmūnow' wēgūlahū. Mūdū
tētpūgaak egaak tan tīlesīp' 'msīt tanīk ootkoo-
dākūn īktook āūmoodījīk noodūmooōdāk' oo-
kūlooswōkūn,

29. Ak oochetooōlkedadāk', tanīk kesetūlada-
kadībūneek kēloolkūl kogooāl', (keseooladaka-
dībūneek), memājooōkūnā' ābījebēmāwā' īk-
took ; ak tanīk kesetūladakadībūneek wīnchūgūl
kogooāl' (padadakadībūneek) īlsoodakūnā' ābīje-
bēmāwā' īktook.

30. Moo neen kesuchetūladoo kogooā' neen
'ntenīnkū. Tan tēlenoodūmei' na tēleīlsoodēgā',
ak 'ntīlsoodāk'ūnūm kōkwōjeāk' ; mūdū moo

kwelooedāādūmoo neen nooledādāk'ūnūm kadoo
kwelooedāādūmāk' Nooch tan ēlkemīpū oo-
wōōledāādāk'ūnūm.

31. Oochelooedūmāsean' neen 'ntenīn 'ntūloo-
edūmāsoodīm moo tūleanook.

32. Uktūk āhk tan wējelooedūmāsīp oochīt
neen, ak kējedoo ootūlooedūmāsoodīm ootūlean'
tan tēlelooedūmāsīp oochīt neen.

33. Elkīmoksūbūnīk' memājooenook' Sanēgū,
ak San wējelooedūmāsīp kēdlāwāooōkūn īktook.

34. Kadoo neen moo wējuhsooadoo ūloowe-
dūmāsoode memājooenoo īktook, kadoo tēlooā-
anūl nēgūla kogooāl' koolamān' kelow' ūkoo-
juhsūtadīnowū.

35. Nēgūm San wōsogoonūmākūnīp' ētlām-
kūlēp' ak kēsāsēp', ak kelow' wēledādūmoo-
deyogūp ūktūlīpkīje-ooledasooltīnow' kechka'
oowōsēdēg'ūmkū.

36. Cadoo ājīmsūgeek ūloowēdūmāsoode
wēskōdūm moo ēnkoodā San ootūlooedūmāsoo-
dīm, mūdū loogowōk'ūnūl tanūl Nooch īgūnūn-
ūmooīb'ūnūl 'nkeskājadoon, na na loogowōk'ūnūl
tanūl kesadooōnūl, wēg'ūla tēlelooedūmāsīgūl
Nooch 'ntūlgīmkoonū.

37. Ak Nooch tan elkīmīp' Nēgūm kesuhche-
looedūmāsīp neen 'ntenīn. Kelow mā mūnaa
noodooowōk ookūloosīn tan ba toochooū, kūсна'
mā mūnaa nēmeowōk tan tēlegijū.

38. Ak ookūlooswōk'ūnūm moo wēskodūmoo-
owōk ooteemūd'ūnūn ūkteenāwōk', mūdū moo
kēdlāmsūtūmooduōk' nēgūm ootenīnk tanūl
Nooch kesīlkīmājūl.

39. Kwelooedādūmookw' Nīkskāwāwāal Wee-

gădīgūnūl, mūdū tēledasoolteyōk' nadāl' ūkoo-skōdūmūnow' āpchememājooōkūn, ak wēg'ūla na tanūl wējelooedūmāsīgūl oochit' neen 'ntenīn.

40. Ak kelow' moo wēledādūmooduōk' ūk-oochkwedanow' tan neen āūm koolaman' ūkoos-kōdūmūnow' memājooōkūn.

41. Neen mogwā' wējīmsūn'ūmoo ūkpūmedālūmooksoode memājooenoo īktook.

42. Kadoo kējoolōk' mūdū mogwā' wēs-kōdūmooduōk' Nīkskam ookūsālkoosoodīm ootēemūd'ūnūn ūktenāwōk'.

43. Neen wejīpkēsīn' Nooch oowesoonūnk ak moo wītkīmuogūp. Ap ūktūk oochīpkēsīnk' nēgūm oowesoonūmk na nēgūm wītkīmādōksūp.

44. Tālekesīktlāmsūtūmoodeyōk' kelow' tan tēlīkpūmedāltoolteyok ak moo kwelooedādūmooduōk' na ūkpūmedā'dākūn tan wējeāk' pasūk Nīkskam-āwīktōōk'?

45. Moo ūktūledasooltīp' neen 'nlīmsemoolenow' Nooch ootenīnkū. Tan wēn āhk tan mēsēmoolok, na na Mooyees tan ootenīnk ēlēgāsoolteyōk'.

46. Mūdū ūktlāmsūtūooōk Mooyees, ūktlāms-ūtūooegōk' neenū ; mūdū Mooyees āweegūksūp oochit' neen 'ntenīn.

47. Kadoo moo ūktlāmsūtūmooduōk' tan nēgūm tēloowēekūgēch' tāliktlāmsūtūmoode-dōksūp neen 'nkūlooswōk'ūnūmūl ?

CHAPTER VI.

1. Na külābīs' kes keskājeagūl nēgūla kogoo-
āl' Sāsoos ūsookūmaasīt ūkchīgūm Gālelētkāwā'
tan ēlp tēlooesik Teibeleŭskāwā ūkchīgūm.

2. Ak mowepoogwēlkik memājooenook' noo-
soogoodijūl, mūdū nēmedoo'dijūl nēgūla kūnoo-
gwōsoodeel tanūl kesadoolijūl ūksēnoogowenoo'
ootenāwōk'.

3. Ak Sāsoos ēlitkojooīmūtūmaat kūmdūn
iktook, ak ala' tēt wītpedooōje tane kēgenoo-
dūmooōje.

4. Na pagāwīmk' kēdooegaak, na na Lēswee-
bāk' oowegoobaltīmkāwāūmooow'.

5. Na oochīt' Sāsoos sēm kūlābaasich ak
nēmeach' pegwēlnīje memājooenoo' mowālīje,
tane 'wēchkwedālīje tan āhk, tokoo ālājūl Pel-
īpūl: Tame kesuhtūtēlūmoo'goop pībūnōkūn
wēg'ūla oomālkodūmūnowū?

6. Oola' wējetūlemājūl ookoojenoogwōlan',
mūdū Sāsoos nēgūm kējedōk' tan kēdooetūla-
dēgēch'.

7. Pelīp ālājūl: Kūskīmtūlnākūnīgūl denāleūl,
(sooleāwā' na, ēdook nāōōktīnskaak 'ngādīgūn)
ēldēbowtik pībūnōkūn, moo kesetābeanook oo-
chīt' nēgūmow 'msīt tan tāsīt wēn oosoadōk
āpchāchkū.

8. Nāōōktājīlījūl kēgenoodūmooōje, nūt na
Andūlāhūl, Semoo Peāl wījegūdeedijūl chee-
nūmool ālājūl Sāsoosūl:

9. Ulbadoos oola' tēt āhk tan wēskotkūl nankūl

baleāwāyāl' pībūnōk'ūnūl ak taboosīlīje āpchā-jīlīje nūmājeū. Kadoo nēgēt' kogooāedo' oochīt' tēlepoogwēlkik ?

10. Sāsoos āāt : Loogwōlookw' memājooenook' ootakūmkwēsūmedaanow. Na pookskēk nadālū. Na oochīt' akūmkwēsūmedaajik chenūmook' ēdook tāsījik nan betooimtūlnākūnījik.

11. Tokoo Sāsoos wēswadogūl wēg'ūla pībūnōk'ūnūl ak kese mooewēt' nēnāsātkūnaje tane akūmkwēsūmedaalīje, ak ēlp nūmājwā' tēlepoogwēlk' tan tēlepawōtūmeedijū.

12. Tokoo kesādāloolteedīch Sāsoos ālāje kēgenoodūmooōje : Mowadookw puībūnēgool koolaman' ma kogooā' ūksūganook.

13. Na oochīt' mowadoodijūl ak wōjuhchooadoodijūl nāooktīnskagūl chēl taboo pootāleāwāl' puībūnēgool tanūl wējeskweagool nēg'ūla nan-kūl baleāwāyāl' pībūnōk'ūnūl tanūl wējuhskodūmeedijūl tanīk ētlādālooltībūnīgū.

14. Na oochīt' memājooenook' tăn nēmedoodīch oola' kūnoogwōsoode tan Sāsoosūl kesadoolīch', tēlooējik : Kēdlāwā' iktook oola' cheenūm na Nēgūm neganīkchījetēgāwenoo tan kēdooīpkēsīnkūp oosītkūmoogū.

15. Na oochīt' tan tīlesīp'. Sāsoos kējedōk ookoodooepējedalīn ooekājesooaloogoon' oochīt' ootēlēgāwītāwaloogoon', tokoo āp poktūmkasīt kūmdūnīktook ak ēlīnkoodoogwa'loogwēt.

16. Na wēlaakw egaak' tanīk wējekenoodūmoojik ootenink mētokedaajik ūkchīgūmoogū ;

17. Ak tēbedaajik wēnjoolkoodook ak pēme-

ušoogomajík, ůkchĭgŭmook' Cāpŭlneŭmkŭ ak nŭgāāch bogŭnĭtpakŭyāk' ak Sāsoos mā mŭnaak pēgesĭnoogwe.

18. Tokoo wějepēdātkweāk' oochĭt' oochoosŭn tan tēlkeek.

19. Na kesŭlechemŭdeedĭch ědook' nāsĭsk' meil kŭsna' nāsĭsk' chēl akŭdeiik meil, nēmeadijŭl Sāsoosŭl pēmečlĭjŭl ooskĭtpāktook ůkchĭgŭmoogŭ, ak wějooowasĭlĭjŭl wēnjoolkoodook, ak wāgwōdasooltĭjĭk.

20. Cadoo Sāsoos ālāje : Neen na, moo ůkwāgwōdasooltĭp !

21. Tokoo wēledālŭmadĭjŭl ootēbalanow' wēnjoolkoodoogŭ, ak 'nkŭseiu wēnjoolk' okwaak tan tēt āleādĭjŭ.

22. Na wōpk ěskĭtpook' tan tĭlesĭp' nēg'ŭla memājooenook' tanĭk kakŭmooltĭjĭk kamāāk ůkchĭgŭmook' nēmedoodĭch ůktuk wēnjoolk' mogwā' āhtŭnookŭp nadāl' tēt pasŭk nāōōktāchkŭp, ak Sāsoos moo wĭdooamagoob'ŭne pēmekenoodŭmooōje wēnjoolkoodook, kadoo pēmekenoodŭmooōje boktŭgoogŭmŭlĭb'ŭne ;

23. Cadoo kes uhcheakŭl wēnjoolkool ůktŭgŭl Teibeleŭskŭ, ak okwaagŭl kweiĭchk' nadāl' tēt tan ětlemālkodŭmeedĭp pĭbŭnōkŭn kese mooewētēk' Uksakŭmamenoo' ;

24. Na oochĭt' kesenŭmedoodĭch pegwēlkĭk Sāsoosŭl moo āŭmŭlĭkw nadālŭ, kŭsna' pēmekenoodŭmooōje, nēgŭmow' ělp tēbeda'dĭjŭl wēnjoolkool ak okwaadijĭk Cāpŭlneŭmkŭ nājekweloodĭjŭl Sāsoosŭl.

25. Na wājeadiĭch kamāāk ůkchĭgŭmook' ā-

ladijül: 'Nsakūmamenēn', tan pēgesīnoo'sūp oot?

26. Sāsoos ūsedēmāje ālājē: Tēleāk' tan tēlemoolōk' moo wējekweloowuōk' mūdū tēlnūmedoo'deyōk kūnoogwōsoodeel, kadoo mūdū tēlemālkodūmogūp pībūnōk'ūnkūl ak wējesādāloolteyogūp.

27. Moo ūkoojeloogoodīnow' mechīpchāwā' īktook tan kēdooīksūgaak; kadoo oocheloogoodīkw' nēg'ūla mechīpchāwā' īktook tan nēnkasīk āpchēmēmājooōkūn īktook, tan Ulnoo Ookwīsūl īgūnūmoolōkto'; mūdū Nēgūmūl' koochenoo Nīkskam kesekūnoogwōlājūl.

28. Na oochīt' āladijūl: Tāladakadedēs'ūnēn lookwōdūmakūch Nīkskam ootloogowōk'ūnūmūl?

29. Sāsoos ūsedēmāje tēlīmāje: Oola' Nīkskam ootloogowōk'ūnūm, ūktlāmsūtūmoodīnow' nēgūm ootenīnk tanūl Nīkskam kesīlkīmājūl.

30. Na oochīt' āladijūl: Cogooā' kūnoogwōsoode tēladoon koolaman' kesenūmedoo'degēk' ak ūktlāmsūtoolegēk'? Cogooā' ēlookwōd'ūmūn?

31. Koochenagīk mālkodūmeedībūnēk' manāēk' bāktākūmīktook, stūgā' tan tēlooeegāsīk, Wējeīgūnūmooōbūnegū' pībūnōkūnēk' wasōgū oomālkodūmūlīnū.

32. Na oochīt' Sāsoos ālāje: Tēleāk' tēleāk' tan tēlemoolōk' Mooyeesōk moo īgūnūmoolooōgūnēk' pībūnōkūnēk' wasōk tūlāēkū; kadoo neen Nooch īgūnūmoolok' kēdlāwāyā' pībūnōkūn wasōk tūlā'.

33. Mūdū Nīkskam oopībūnōk'ūnūm nūt na

něgŭm tan wějenesasĭp wasōk ak ĭgŭnŭmooōje
memājooōkŭn tane oosĭtkŭmook tēlāowooltĭlĭje.

34. Na oochĭt' āladĭjŭl: 'Nsakŭmamenēn',
āpchoo nāgow' ĭgŭnŭmooĭn nēg'ŭla pĭbŭnōkŭn.

35. Sāsoos ālāje: Neen na memājooōkŭne-
pĭbŭnōk'ŭnĭ. Nēgŭm tan egat' neen 'ntenĭnk
ma āpchoo kooesĭnook', ak tan kēdlāmsŭtk'
'ntenĭnkŭ ma āpchoo ŭktooesām'oogwōkw.

36. Cadoo tēlemoologŭp kesenŭmeeyogŭp
neen ak moo kēdlāmsŭtŭmooduōk'.

37. Msĭt tanŭl wēnŭl Nooch ĭgŭnŭmooĭjŭl
egado' 'ntenĭnkŭ; ak negŭm tan egat' neen
'ntenĭnk ma jĭgŭlalāk' koojŭmoogŭ.

38. Mŭdŭ wějenesaseāp' wasōk' moo 'ntŭl-
adēgēn' neen nooledādāk'ŭnŭm kadoo 'ntŭla-
dēgēn' nēgŭm ootooledāādāk'ŭnŭm tan elkĭmĭp'.

39. Ak nŭt na Nēgŭm ootooledāādāk'ŭnŭm
tan ēlkĭmĭp' 'msĭt tan ĭgŭnŭmooĭp ma kogooā'
'nwoojĭndoon', kadoo 'nmenooadoon kēspegĭs-
kŭgŭ.

40. Mŭdŭ oola' na Koochenoo' tan ēlkĭmĭp'
ootooledādāk'ŭnŭm, 'msĭt wēn tan nēmeājŭl
Ookwĭsŭl ak skŭmtook kēdlāmsŭtkŭl ootenĭnkŭ,
ootooskōdŭmŭn āpchememājooōkŭn, ak neen
menoalādēs' kēspegĭskŭgŭ.

41. Na oochĭt' Lēsweebāk' āmsēlaboogoo-
adĭjik 'oochĭt' nēg'ŭmŭ, mŭdŭ tēlooēt', Neen
pĭbŭnōkŭnĭ tan wějenesasĭp wasōgŭ.

42. Tēlooējik: Moo nŭt oot Sāsoos? Sosēp
ookwĭsŭl? tan oongeegoo kējeda'gweŭ? na
oochĭt' tālekesetŭlooēs' neen wějenesaseāp'
wasōkŭ?

43. Na oochit' Sāsoos ūsedāboogooēt' ālāje: Moo ūktūmsēlímtooltip.

44. Mow wēn keseēgak' neen 'ntenīnkū Koochenoo tan elkīmip' moo lalākw; ak leonagalādes' nēgūm kēspegīskūgū.

45. Tēlooeegāsik neganīkchijetēgāwenoo iktook: 'Msit tan tāsijik oochekenoodūmóok-sooltedāk' Nīkskam-āwīktook. Na oochit' 'msit wēn tan wējenootkūp Koochenoo' iktook ak ēlp wējenoodūmooksīp ootenīnk, nēgūm egaat 'ntenīnk.

46. Moo mūdū tan wēn kesenūmeājūl Koochenūl', pasūk nēgūm tan wējeēp' Nīkskamā-wīktook; nēgūm kesenūmeājūl Koochenūl'!

47. Teleāk' tēleāk' tan tēlemoolōk nēgūm tan kēdlāmsūt' neen 'ntenīnk wēskōtk' āpcheme-mājooōkūn.

48. Neen memājooōk'ūne-pībūnōk'ūnī.

49. Koochooagīk māl'kodūmeedībūnēk' ma-naēk' bāktākūmīktook, ak nēboodībūne.kk.

50. Oola' na pībūnōkūn tan wējenesasīgūp wasōgū, koolaman' tan wēn māl'kōtk' ma 'npook.

51. Neen 'ntenīn oola' pībūnōkūn memājik na tan wējenesasīgūp wasōk. Tan wēn wējemāl'kōtk' oola' pībūnōkūn āpchoo memājedo'. Ak nūt pībūnōkūn tan neen īgūnūmooēdoodēs' naagei na tan neen īgūnūmooēdoodēs' oochit' oosītkūmoo' oomemājooōk'ūnūm.

52. Na oochit' Lēsweebāk' kwējewāgwam-ādooltījik, tēlímtooltījik: Tālekeseīgūnūmoolkoos oot cheenūm nēgūm waagei ūkmāl'kod-ūmūnēnoo?

53. Na oochit' Sāsoos ālāje: Tēleāk tēleāk'

tělemoolōk' moo mǎlkodūmoo-owōk' Ulnoo Oo-
kwisūl waagei ak oomǎldēm moo 'nsǎmoogool-
duōk', memājooōkūn moo wěskodūmooduōk'
ūktenāwōkū.

54. Nēgūm tan mǎlkōtk' neen naagei ak ēlp
nesǎmoogwōch' nūmǎldēm wěskōtk' āpcheme-
mājooōkūn, ak neen oonagalādēs' kēspegiskūgū.

55. Mūdū neen naagei kēdlāwā' iktook mech-
īpchāwā' na, ak nūmǎldēm kēdlāwā' iktook nēs-
āmoogwōmkāwā' na.

56. Nēgūm tan mǎlkōtk' naagei ak nēsāmo-
gwōch' nūmǎldēm āptūgāt' 'ntenīnkū ak neen
āptūgadūm ootenīnkū.

57. Stūgāach Nooch tan memājīt elkīm kūp
ak neen wēdowsī Nooch ootenīnk, na tēlāāk
nēgūm tan mǎlkomīt' wēdowsīt neen 'ntenīnkū.

58. Oola' na pībūnōkūn tan wējenesasīgūp
wasōk. Moo ēnkoodā koochooagīk tēlemǎlkod-
ūmeedīs manaēk' ak tēlīnpoodīsūneek : nēgūm
tan mǎlkōtk' oola' pībūnōkūn yāpchoo pūmow-
sedo'.

59. Na Sāsoos tēlooējūl wēg'ūla kogooāl'
alasoodūmogwōmkū, tan ētlekenoodūmooēch'
Cāpūlneūmkū.

60. Na oochīt' pegwēlkīk tanīk wējekenoo-
dūmoojīk ootenīnk, tan tēlesīp' noodūmeedīch
wēg'ūla kūlooswōk'ūnūl tēlooējīk : Mēdooāak
kūlooswōkūn na ; wēn kesejīksūs' ?

61. Na Sāsoos wējīkchījedōk' ootenīnkū tanīk
kēgenoodūmoojīk ootūleamsēlāwīstoodīnow' oo-
chīt' oola' ak ālāje : Oot kesaloolōk ūktējak-
ūnjēdēstadīnowū ?

62. Tālāās nūmeyōk' Ulnoo Ookwīsūl oo-
tūleoanagasīn tan tēt āhkūp ūmskwēsū ?

63. 'Mchejakūmīch' na tan memājooadēgēt' ;
maagei moo abogūnūmooēnook ; wēg'ūla kūloos-
wōk'ūnūl tanūl neen tēlemoologūl, nēg'ūla
'mchejakūmīchwāāl ak nēg'ūla memājooōkūnūl.

64. Cadoo alt kelow' moo kēdlāmsūtūmoo-
duōk'. Mūdū Sāsoos kējeābūne wējadēgēm'k'
ūmskwēs poktūmkeaak tane moo kēdlāmsūtūm-
oodīlīgwe ak tanūl kēdookenooalūjūl.

65. Ak āāt : Na oochīt' wējetūlemoologūp
mow wēn keseēgak' neen 'ntenīnkū moo oo-
cheīgūnūmooksīkw Noochūgū.

66. Nēg'ūla toochoo wējadegēm'k' pegwēlkīk
tanīk wējekenoodūmoojik ootenīnkū āpskwēd-
aajik oodēgū ak moogwā' āpch wījāooadīgool.

67. Na oochīt' Sāsoos ālāje nāōōktīnskūk-
sīlīje chēl taboo : Kelow' ēlp kēdoōipkotūmke-
dayōk ?

68. Na oochīt' Peāl ūsīdāboogooēt' ālājūl :
'Nsakūmamenēn', wēn tū ootenīnk ledadēs-
ūnēn ? keel wēskōdūmūnūl kūlooswōk'ūnūl tan-
ūl tūlāl āpchememājooōkūn īktook.

69. Ak nenēn kēdlāmsūtūmmoodeēk' ak
kējedooēk' keel ūk-Nīkskamāwāīn ak ūktūlā-
owīn Nīkskam ootenīnk.

70. Sāsoos tēlēsedēmāje : Moo tū neen
nenasoonoolooōksūp kelow' nāōōktīnskūkseōk'
chēl taboo ? ak nāōōktājīt kelow' mūdooīt.

71. Na āgūnemājūl Soodahūl Iskāleotūl
Semoon ookwīsūl, tānūl kēdookenooalūjūl,
tanūl nāōōktājīlījūl wēg'ūla nāōōktīnskūksīlījē
chēl taboosīlīje āpostālāwīlīje na.

CHAPTER VII.

1. Na külābīs' kes keskājeagūl wēg'ūla kogoo-
āāl Sāsoos yālasīt Gālelētkū, mūdū moo wēledā-
dūmook' ootālasīn Lēsweepāwagik mūdū Lēs-
weebāk' kēdooōnadījūl.

2. Na Lēsweebāk' oowegoobaltimkāwāūm-
ooow' tēboweāk' tan tēlooesik wīgwo mā' wegoo-
baltimk.

3. Na oochīt' Sāsoos wījegīmāje chenūmoo'
ēlche : Oochīpkotūmkase oola' tēt, ak Lēsweepā-
wagik ūleyē', koolaman' tanik kēgenoodūmājik
oonmeedoonow' ūktloogowōkūnūl tanūl kesa-
doonūl.

4. Mūdū mow wēn kemoodook' kogooā' tēla-
dook tan tīlesīp' Kwelooedātk' oomāswik-
chījeegoosīnū. Tūladoonūl wēg'ūla kogooāl'
ūlnāyalūse oosītkūmoogū.

5. Mūdū chēl māch wījegīmāje moo kēdlām-
sūtūmoodīlīgwe ootenīnkū.

6. Na oochīt' Sāsoos ālāje : 'Ntētpūgaagūm
moo māch eganook ; kadoo kelow' ūktētpūgaa-
gūmooow' āpchoo keskājeāk'.

7. Oosītkūmoo māse-chekāje-dāālūmoolōk ke-
lowū ; kadoo neen chekājedāālūmik, mūdū ētle-
loowedūmāsī ookwīsedāk'ūnūmūl moo ookūlool-
tūnūnū.

8. Kelow' lītloojoōīm tūmedaakw oola' wegoo-
baltimkū. Neen mogwā' ēlītloojoōīm tūmaoo
oola' wegooobaltimkū, mūdū 'ntētpūgaagūm moo
keskājeanook.

9. Na kesetülemach' wëg'üla kogooääl mäch nēnkasit Gälelētķū.

10. Cadoo kes wijegimāje keselitkoojoo-
imtūmedalich Sāsoos ēlp ēlitkoojooimtūmat',
kadoo stūgāā kemoodoogū.

11. Na oochit' Lēsweebāk kwelooadijūl Sā-
soosūl wegoobaltīmķū ak tēlooējīk : Tame tū
āhk ?

12. Ak mēskeek āmsēlāwistoodīmķ egaak pe-
gweļķīk memājooenook' mowāāgīk ootenāwōķ'
oochit' nēg'ūmū. Alt tēlooējīk : Nēgum wēl-
cheenūmooit : alt ūktūgīk tēlooējīk : Mogwā',
kadoo pēsogōwteekūmooōje memājooenooū.

13. Kadoo mow wēn māsooetūloomagool,
mūdū chepaladije Lēsweebaū.

14. Cadoo ēdook' akūdewegoobaltīmķ Sāsoos
ēlitkoojooimtūmat' ūkchealasoodūmogwōmķū ak
ķēgenoodūmooēt'.

15. Ak Lēsweebāk' pakūleioooltījīk tēlooējīk :
Tālenēnkūl nūt nēgūm weegād'īgūnūl tan
mūnaak ķēgenamooksīgūp ?

16. Na' oochit' Sāsoos tēlēusedēmāje : 'Nķēg-
enoodūmāsoodīm moo neen 'ntālegēm, kadoo
nēgūm ootālegēm tan ēlķīmīp.

17. Tan wēn ooledātķ' ootūladoon Nīkskam
ootooledādāk'ūnūm nēg'ūm ūkchījēdoodo' kenoo-
dūmooksoode oowōōjeān' Nīkskamāwīktook
ķūsna' neen 'nnoojekūloosīn neen 'ntenīnkū.

18. Nēgūm tan wējekūloosīt ootenīnkū nēg-
ūm ookoopmedālsoodīm kwelooedātķ' ; kadoo
nēgūm tan kwelooedāādūmooōch' ookoopmedāā-
dākūnūm tanūl ēlķīmchūl, nēgūm ķēdlāwīt ak

ěksűboogwadákűn mogwā' āhtűnook' oote-nĩkű.

19. Moo tű Mooyeesők igrűnűmoolooőkűp ũtploodákűn ak mäch kelow mow wěn sáktűm-oook' ũtploodákűn. Kogooā' wějekwelooodādűm-ok' ũknābaenow' ?

20. Memājooenook' tanĩk pegwělemowāgĩk ũseděmadĩjűl tělemadĩjűl : Műndoo wěskwāűt ; wěn kwělooodāatk ũknābagoon ?

21. Sāsoos ũsedāboogooět' ak ālāje : Nā-ōőkťáchk loogowőkűn kesadooāp' ak 'msĩt tan tāseyok' wějepakűleioolteyők'.

22. Na oochĩt' Mooyeesők igrűnűmoologűp mĩmkooskaoosāsĩmkāwā' : moo műdű wějean-oook Mooyeesěgű', kadoo wějeāk' koochenagĩgű', ak kelow' atlasmoodegĩskűk mĩmkooskaoosok' memājooenoo' ;

23. Memājooenoo' mĩmkooskaoosāsĩch atlasmoodegĩskűk oochĩt' Mooyees ootűbloodák' - ũnűm moo oosěgwĩskadāsĩnoonű, kelow' tű we-geiuhťooeők' műdű neen memājooenoo' kakeioo-lĩnsalűgűp atlasmoodegĩskűgű.

24. Moo koojeĩlsoodakadĩp' tan kogooā' těle-ankamkoogű ; kadoo kokwějĩlsoodakadĩkw'.

25. Na tokoo alt Sāloosālāmkāwāk' těloo-ějĩk : Moo tű oot tanűl kwelooodālűmadĩjűl oonābanow' ?

26. Ak, ankaptűmookw', mělkemāswekűloo-sĩt, ak mow wěn kogooā' telĩmakw'. Kějeadij-űl tű noojĩtploodakadijĩk něgűm meamooch' oo-Clĩstāwĩnű ?

27. Cadoo kějeegűt tan tět oola' cheenűm tělā-

owich, kadoo tan tīlesīp' Clīstāwīt ūpkēsīnk' ma wēn ūkchījeagool tan tēt tēlāowich.

28. Na oochīt' Sāsoos ētlekenamooēch' ūkchealasoodūmōgwōmk kēsegowekūloosīt, āāt : Kelow' kējeōk' neenū ak ēlp kējedooōk' tan tēt tēlāowe ; ak moo wējīpkēsīnoo neen 'ntenīnk, kadoo nēgūm tan ēlkīmīp' kēdlāwāit, tan kelow' moo kējeowōk'.

29. Cadoo neen kējeek, mūdū wējeāāp' nēgūm ootenīnk, ak nēgūm ēlkīmīp'.

30. Na oochīt' kwējookokwaladījūl, kadoo mow wēn egadoogūl oopūtūnūl ootenīnk, mūdū ootētpūgaagūm māch mogwāch' eganook.

31. Cadoo pegwēlkīk moweōm īktook kēdlāmsūtūmoodījīk ootenīnkū ak tēlooējīk : Clīstāwīt' tan tīlesīp' ūpkēsīnk' ājīmsūgeegūl kūnoogwōsoodeel tūladoodūl moo ēnkoodā wēg'ūla tanūl nūt nēgūm tēladogūl ?

32. Na Pālūseāk' noodūma'dīje mowepoo-gwēlnīje ootūleāmsēlāwīstoođilīn' oochīt' Sāsoosūl, tokoo Pālūseāk ak ūkchepadūleask' ēlkīmadīje noojekokwadakadīlīje ookokwalalīn' Sāsoosūl.

33. Na oochīt' Sāsoos ālāje : Mājechk' kechka' tēgwāoolōk', tokoo tīlesīp' leēdēs' tan ēlkīmīp' āhk.

34. Kwelooedōksūp ak ma wājeuōk', ak tan tet āum ma kesepējedaooōk.

35. Na oochīt' Lēsweebāk' tēlīmtooltījīk : Tame ēdook' oola' cheenūm kēdooleēt' tan tēt kenoo ma tūlewājeowkw'.? Leēdo' wēgēt' tanīk kes sāsūkādūmoodījīk Glekāwāk' ootenāwōk', ak kenamooōdū Glekāwā' ?

36. Kogooā oot kūlooswōkūn tan tēlemoolkw', kwelooedōksūp ak ma wājeuōk' ak tan tēt āum kelow' ma kesepējedaooōk'?

37. Na nagwēk kēspe-wegoobaltīm'k', ěspāāk nagwēk na, Sāsoos kakūmīt ak kēsegowekūloosīt āāt: Wēn ūktooesām'oogwōch' choogooēch', neen 'ntenīnkū ak 'nsāmoogwōch'.

38. Tan wēn kēdlāmsūt'k' neen 'ntenīnk, tan Nīkskamāwā' Weegād'īgūn tēlooēk': Sebool memājik sāmoogwōn oochetooetūdūl' ootlām-eloogū.

39. Ak tēleāgūnemājūl Wējeoole-Nīkskamūl tanūl nēgūmow' tanīk kēdlāmsūtūmoodījīk kēd-ooīmsūna'dījūl, mūdū Wejeoole-Nīkskam māch mūnaak īgūnūmooēdūmūkū, mūdū Sāsoos māch mūnak' kēpmalooksīkw.

40. Na oochīt' alt nēgūmow tanīk ětlemow-ēējīk noodūmooadīch oot kūlooswōkūn tēloo-ējīk: Meamoooch' ědū oola' cheenūm nūt na neganīkchījētēgāwenoo na.

41. Uktūgīk tēlooējīk: Oola' Clīstāwīt na. Alt tēlooējīk: Wējeēt' ědook' Clīstāwīt' Gāle-lētkū?

42. Moo tū Nīkskamāwā' Weegādīgūn ānook: Clīstāwīt oocheēdo' Dabīdēk' wēdabēksīlīje? ak Bētlām'k' ūkhegūnk' tan Dabīdōk āhkūsū?

43. Na oochīt' nowskaldīm'k' egaak memājoo-enoō' ootenāwow' iktook oochīt' Sāsoosū.

44. Ak alt nēgūmow' kēdoeokowaladījūl, kadoo mow wēn egadoogūl oopūt'ūnūl ooten-īnkū.

45. Na oochīt' noojekowadakadījīk pējedajīk tan ūkchepadūleask' ak Pālūseāk' āūmoodeedījū,

ak Pälŭseák' ak ŭkchepadŭleask' āladīje : Cogooā' oochīt' moo wēchkwalowōk' ?

46. Noojekokwadakadījik ūsedāboogooadījik āājik : Mūnaak wēn tēletŭlāwīstook stūgāā oot cheenŭm.

47. Pälŭseák' ūsetēgŭloolādīje āladīje : Kelow' tŭ ēlp pēsogowteekŭmooksoolteyōk' ?

48. Mā tŭ wēn noojītploodakadījik kūsna' Pālāseák' kēdlāmsŭtŭmoodeedījŭl ootenīnk' :

49. Cadoo wēg'ŭla memājooenook' tanik moo kējedoodīkw ūtploodākŭn wenmājeīlsoomoojik.

50. Nīkodām' ālāje, ——— nēgŭm na tan pēgesīnkŭp Sāsoosŭl āŭmŭlīch' dēpkegŭ, nā-ōōktājīt nēg'ŭmow ———

51. Uktŭbloodākŭnŭmenoo' īlsoomājŭl tŭ wēnŭl āskw mūnaak noodooōk' ak kējedooōk' tan tēladēgēlīch' ?

52. Ūsedāboogooadījŭl āladījŭl : Keel tŭ tēlāowīn Gālelētkŭ ? Kwelāān ak ankaptāān, mŭdŭ mogwā' neganīkchījetegāwenoo wējeēkw' Gālelētkŭ.

53. Tokoo 'msīt tan tāsīt wēn ēlŭmeēt' weekŭ.

CHAPTER VIII.

1. Sāsoos āleēt' kŭmdŭn īktook tan tēlooesīt Olebeā.

2. Ak wōpk ēskītpook āpch pēgesīnk' ŭkche-alasoodŭmogwōmkŭ, ak 'msīt tan tāsījik memājooenook' pējeda'dijŭl ak Sāsoos ēbaasīt ak kēgenamooōje.

3. Tokoo noojeweegīgŭdījik ak Pälŭseák' āla-

laadijül ābīlījül tanül kesusoalooksīlījül āoo-
būleēmķāwā' īktook, ak kakūmala'dījül meawāāk
memājoenoo' āūmūlichū.

4. Ak āladijül : Noojekenamooēt', oola' ābīt
kesuhsoaloot' āoobūleēmķāwā' īktook, ansoo-
ma' tan pēmetūladēgēchū.

5. Na Mooyeesōk tēlītploomoolkoobūnōk'
ūtloodākūn īktook na tēloltījīk ookoondāootok-
sooltīnowū ; kadoo keel na oochīt tālooēn' ?

6. Oola' wējetūlooējīk oochīt' ookoojalanowū,
koolaman' ootooskōdūmūnow' tan kogooā' ooch-
ekesīmseadīsū. Kadoo Sāsoos ogūlūmkwasīt
ak ootūloogūn āweekūgēdōk' makūmegēgū.

7. Ak tan tēlenankūme-pebanemadich senoo-
ōkooboogooasīt ak ālāje : Tan wēn kelow'
mūnaak padadēgēkw' nēgūm mēltāmītkūmach
koondāoo.

8. Ak āpch Sāsoos ogūlūmkwasīt ak āweekūk
makūmegāoo.

9. Cadoo nēgūmow' noodūmeedich ak wēje-
oonmājeīlsoomoojīk ootāledaswōkūnūmoow' īk-
took, tāwedajīk īnkoode-tooedajīk tan tēlepūme-
gesegoolteedich, ak Sāsoos bonaloot oonāōōktoo-
gwalooḡwēn' ak ēlp wēgēt ābīt ētlekūmit' mea-
wāgū.

10. Tokoo Sāsoos senooōkooboogooasich mow
wēnūl nēmeagool pasūk wēgēt' ābīlījül, ak
ālājül : Abīt, tāledatkīk wēgēt' tanīk māses-
kūbūneek ? mow wēn wēnmājeīlsoomoolookw' ?

11. Abīt ālājül : Sakūmow, mow wēn wēn-
mājeīlsoomīk. Sāsoos ālājül : Elp neen mogwā'
wēnmājeīlsoomooloo ; ūpkotūmkase ak mäch
āpch moo ūkpadadēgow.

12. Tokoo Sāsoos āpch kēloolāje memājoo-enoo' āāt : Neen 'ntenīn oosītkūmoo oowōso-gwēgūm na. Tan wēn noosoogooit' ma pūmeēkw' bogūnitpaak iktook, kadoo ooskoto' memājooōkūnā' wōsogwēgū.

13. Pālūseāk' āladījūl : Keel ēloowedūmālsāosīn, ūktūloosedūmāsoodīm moo tēleanook.

14. Sāsoos ūsedāboogooēt' ak ālāje : Tilea' ēloowedūmālsāoose 'ntūloowedūmāsoodīm tēleak', mūdū, kējedoo tan wejeāāp' ak tan tēt ālēā' ; kadoo kelow' moo kējedooduōk' tan tēt wejeā' ak tan tēt ālēā'.

15. Kelow' wēje-īlsoodakadeyōk' magei' iktook. Neen moo ilsoomāk' wēnū.

16. Cadoo ilsoodēgāān' 'ntilsoodāk'ūnūm kēdlāwāis, mūdū moo nāooktoogwaloogwow', kadoo neen āūm ak ēlp Nooch tan ēlkīmīp' tēgwā-ādeēk'.

17. Tēlooweegāsīk ūktūbloodākūnūmoow' iktook, Taboosijīk memājooenook' ootūloosedūmāsoodīmoow' tēlēāk'.

18. Neen na āūm ak ēloowedūmālsāosī ak ēlp Nooch tan ēlkīmīp' ēloowedūmālsāooit'.

19. Na oochīt' āladījūl : Tame āhk Kooch ? Sāsoos ūsedāboogooēt' āāt : Kelow' moo kējee-uōk' neen kūсна' Noochū. Ukchijeeōk'sūbūn neenū ēlp Nooch ūkchijeeagōkpūn.

20. Na Sāsoos ētletūloojūl wēg'ūla kcgooāl' poktūskasīk iktook tan tēt sooleāwā' etleānkō-dāsīk, tan tilesīp' ētlekenoodūmooēdēk' ūkche-alasoodūmogwōmkū ; kadoo mow wēn kokwalagool, mūdū ootētpūgaagūm māch mūnaak eganook.

21. Na oochit' Sāsoos āpch ālāje : Neen pok-tūmkasī ak kwelooedōksūp, kadoo 'npoodedōks-ūp ūktūloowāwoodewow iktook ; tan tēt āleā' kelow ma kesepējedaooōk'.

22. Na oochit' Lēsweebāk' tēlooējik : Nā-basido' tū ? mūdū tēlooēt' tan tēt āleā' kelow' ma kesepējedaooōk'.

23. Ak Sāsoos ālāje : Kelow' tēlāowoolteyok' ūpkāwāgū. Neen kāk-wāāk tēlāowī. Kelow' oola' oosītkūmook' tēlāowoolteyōk' ; neen moo oola' oosītkūmook' tēlāowwu'.

24. Na oochit' wējetūlemoolōk', 'Npoode-dōksūp ūktūloowāwoodewow' iktook ; mūdū moo ūktlāmsūtūmooduōk' neen 'ntnēgūmāwinū 'npoodedōksūp ūktūloowāwoodewow iktook.

25. Na oochit' āladijūl : Wēn tū keel ? Sā-soos ālāje : Neen na tan wējadēgēm' ūmskwēs' poktūmkeāk' tēlemoologūp.

26. Pegwēlkūl kogooāl' wēskodūmānūl 'ntūl-āgūnemoolīnowū ak 'ntīlsoomoolīnow' kelowū ; kadoo nēgūm tan ēlkīmīp' kēdlāwāit ak tanūl wējenoodūmānūl ootenīnk wēgūla ētletūloo-āānūl oosītkūmoogū.

27. Cadoo nēgūmow' moo nēstūmeedīkw ootagūnoodūmagoonow' oochit' Wēgwisīlijūl Nik-skamūl.

28. Na oochit' Sāsoos ālāje : Tan tīlesīp' keseeonagalādōk' Ulnoo Ookwīsūl ūkchījedoo-dōksūp neen 'ntnēgūmāwinū, ak moo 'nwōōje-kesadoon kogooā' neen 'ntenīnkū, kadoo Nooch tēlekenoodūmooīp' wēg'ūla kogooāl' tanūl kēloo-seānūl.

29. Ak nēgūm tan ēlkēmīp' tēgwāādeēk'.

Moo boonalikw' 'nnāooktoogwaloogwēnū. Mūdū neen nāgow teladōōnūl tanūl nēgūm wēledāt-kūl.

30. Tan etletūloojūl nēg'ūla kogooā' pegwēlkik kēdlāmsūtūmoodījīk ootenīnkū.

31. Na oochīt' Sāsoos ālāje Lēsweeba tane kēdlāmsūtūmoodīlīje ootenīnkū : Kelow' ēdook mūlgūnādūmoodeyōk 'nkūlooswōkūnūm īktook kēdlāwā' īktook oochekenoodūmooksooltedōk-sūp 'ntenīnkū.

32. Ak ūkchījedoodōksūp kēdlāwāooōkūn, ak kēdlāwāooōkūn āpkwalnōktō', (tūlalnōktō' ūktal-soomsooltīnowū).

33. Usetēgūloola'dijūl āla'dijūl : Nenēn' Abalahamēk' wēdabēkseēk' ak mäch mūnaak wējekestāooltuēk' wēnū. Kogooā' wējetūlooēn' Apkwalnōktēn' ?

34. Sāsoos ūsetēgūlōolāje āāt : Tēleāk' tēleāk' tan tēlemoolōk' 'msīt wēn tan ūloowāwoode tēladēgēch' na ūloowāwoode wējekestāooīch'.

35. Ak kestējoo moo āptūgadūmookw' wēnjeegwōmk, kadoo Alsoosīt ookwīsūl āptūgadūmūlijūl.

36. Na oochīt' Aoochīt āpkwaloolōk' kēdlāwāe-āpkwalnōktēn ; (tūlaloolak ūktal-soomsooltīnowū kēdlāwaealsoomsooltedōksūp).

37. Kējoolōk' kelow' Abalahamēk' wēdabēkseōk' kadoo kwelooedāādūmōk' ūknābaenow', mūdū 'nkūlooswōk'ūnūm moo āhtūnook' ūktenāwōkū.

38. Neen wēskoo'dūm tan kogooā' wējīnmeed-ooāp' neen Nooch īktoogū, ak ēlp kelow' tēlada-kadeyok' tan kogooā' wējenoodūmōk koochooow' īktook.

39. Usedäboogooadījīk āladījūl : Ablaham' na Noochenēn'. Sāsoos ālāje : Kelow' Ablaham' oonjūnich ūktenāwow' Ablaham' ootloogowōk'ūnūmūl tūladakadegōkpūn.

40. Cadoo nūgāā kwējenābaeok' neenū, (kwel-ooedādūmōk ūknābaenow' neenū,) memājooenoo tan tēlemoologūp kēdlāwāooōkūn. Ablahamōk moo na tēladēgēkoobūnok'.

41. Kelow' tēladakadeyok' koochooowōk ootloogowōkūn. Tēlīmadījūl : Moo sēgāwuhskijenooltuēgūp : nāooktājīt noochenēn', Nīkskam na.

42. Sāsoos ālāje : Nīkskam oochēōk' ūksālegōk' neenū, mūdū neen wējeāāp' Nīkskamāwik-took ak pēgesīnāp', ak neen moo ēlkīmsu kadoo Nīkskam elkīmīt.'

43. Tālāāk moo nēstūmoodūok' tan tēlooā' ? mūdū moo kesejīksūtūmooduōk' 'nkūlooswōk'-ūnūm.

44. Kelow' tēlāowoolteyōk' koochooow' ; mūndoo na : ak ēlp koochooow' oowōōledādak'ūnūm wēledādūmoodeyōk' ūktūladakadīnowū. Wēj-adēgēmīk' ūmskwēs' poktūmkeaak nēgūm nooj-enābadēgēp', ak moo mēlkūn-ādūmoogūp kēdlāwāooōkūn iktook, mūdū kēdlāwāooōkūn moo āhtūnook' ootenīnkū. Eksooēch' wējekūloosīt nēgūm ookwōmlamoonkū. Mūdū kēlooskābā-wīt' na ak ēksooōgūn oochīch'.

45. Kadoo mūdū neen kedlāwāeboogooā' kelow' moo kēdlāmsūtoo'wuōk'.

46. Tēgēn' kelow' wējīntāgāooīt padasood' īktook ? Kadoo kēdlāwāe-aboogooāān' kogooā' oochīt' moo kēdlāmsūtoo'wuōk' ?

47. Nēgūm tan tūlā' Nīkskam ootenīnk jīk-

sütümooøjül Níkskamül ookülooswöökünül. Na oochit' kelow' moo wějejiksütümooduöök' müdü moo tēlaowooltuöök' Níkskam ootenínkü.

48. Na oochit' Lēsweebák ūsedāboogooadījik āladījül : Moo tū wēletūlooāwēk' keel Samāleā-wajooīn ak mündoo wēskwāūt ūktenínkü ?

49. Sāsoos ūsedāboogooēt' āāt : Mündoo moo wēskwāuāk' ; kadoo kēpmedālūmāk' Noochū, ak keelow' kēnskedāālūmeöök' neenū.

50. Ak neen moo kwelooedāādūmoo neen 'nkūpmedāālsoodīm. Kadoo wēn āhk tan kwelooedātk' ak tan īlsoodēgēt'.

51. Tēleāk' tēleāk' tan tēlemoolöök' tan wēn külötk neen 'nkülooswöökün, 'npooöökün ma nūmedookw' yāp'chooū.

52. Na oochit' Lēsweebák' āladījül : Nūgāāch kējedooöök' keel kooskwāooōn' mündooū. Ablahamök nēpkūsünök' ak ēlp negānīkchījetēgā-wenoogwīk, kadoo keel tēloqēn Tan wēn külötk 'nkülooswöökün ma ūkwūtūmookw' 'npooöökün āpchooū.

53. Keel tū ājeēspāīn moo ēnkoodā koochen-ooöök' tanök' nēpkübünök' ? ak negānīkchījetēgā-wenoogwīk tankīk nēboodībūneek' ? Wēn keel kesalūsīn ?

54. Ūsedāboogooēt' Sāsoos āāt : Ukpūmedāl-seān' 'nkūpmedāādāk' ūnūm mogwājooīs. Nooch na tan kēpmedālūmīt, tan kelow' tēlooāyök' nēgūm Uknīkskamooow' na.

55. Kelow' moo kējeowöök Nēg'ūmū, kadoo neen kejeek. Tūlooāān', moo kējeāk' tūlekēlooskābāwīk' stūgā' kelowū. Kadoo kējeek ak ookülooswöök' ūnūm kēlodūmāk'.

36. Ablahamōk koochooowōk' wēledasībūnōk' oochīt' ookoodooīnmedoon' neen 'ntnagwēg'-ūmū : ak nēmedogūbūnēk' ak wēskāwedasi-būnek'.

57. Na oochīt' Lēsweebāk' āladījūl : Keel mā mūnaak nanīnskēgeboonamoon, ak nēmeesūb-ūnōk' Ablahamōk'?

58. Sāsoos ālāje : Tēleāk' tēleāk' tēlemoolōk' āskw mūnakw' Ablahamōk' āūmoogwēk' neen āūm.

59. Na oochīt' wēswadoo'dījūl koondūl oochīt' ootūkūmanow'. Kadoo Sāsoos mīmoogwōsīt ak' wējetooeēt' ūkchealasoodūmogwōmkū.

CHAPTER IX.

1. Na pēmeseowasīch Sāsoos nēmeājūl chee-nūmool tanūl nēgābegwā'lījūl wējadegēm' wēskijenooīledēgū.

2. Tokoo tanīk wējekenoodūmoojīk oote-nīnk pebanemadījūl Sāsoosūl āājīk : 'Nsakūma-menēn', wēn padadēgēs' ? oot cheenūm ? kūsna' oongegoo ? nēgūm wējīnkābegwaat ak ootūluhskījenooīnū ?

3. Sāsoos ūsedāboogooēt' āāt : Oola' chee-nūm mogwā' padadēgēksūp kūsna' oongegoo, cadoo wejetūlāāk oochīt' Nīkskam ootloogowōk'-ūnūmūl oonāyadāsīn ootenīnkū.

4. Meamooch' dēpkadīk 'ntūlookwōdūmūn tan ēlkīmīp' ootloogowōk'ūnūm tan tēlīpkije-

nagwëgũ. Dëpkeek wëchkooëâk' tan tîlesip' ma wën keselookwëkw'.

5. Tan tëlîpkîtkadũm oosîtkũmook' neen 'ntenîn oosîtkũmoo oowôsogwëgũm na.

6. Kesetũlooëch' wëg'ũla kũlooswõk'ũnũl ëlooskwõdamît' makũmegëgũ ak wëjekesedõk' seskoo looskwõdigũn îktook ak amakëntũmooõjũl oopũkîgool' nëgãbegwããlijũl, seskoo ãook.

7. Tokoo ãlãjũl : Leyë, kũsegwaase ãpkoodabëkw' îktõõk Seilõmk tũlã' ——— tan kesekewõnskeesîk tẽlooëk Elkemoot ———. Na oochît' nëgãbegwããk ãleëť ak kũsegwasît tokoo ãbãjasîch wëchkwenũmedëgëť.

8. Na oochît' wîdegëdooltîjîk ak tanîk nẽmeadîbũnũl oonootowõktũmalîn' ããjîk : Moo tũ nũt oot tan ëbît' ak ëdowëť ?

9. Alt tẽlooëjîk : Nũt na nëgũm. Alt tẽlooëjîk : Alãdeedîjũl. Nëgũm ããť : Neen na nëgũm.

10. Na oochît' ãladîjũl : Tãle-kese-pãntadas'-îgũl ãkpũkegool' ?

11. Usedãboogooëť' ak ããť : Cheenũm tan tẽlooeedooksît Sãsoos kesedogũp seskoo ak amakëntũmooîb'ũnũl 'npũkîgool ak tẽlemîp', Leyë kũsegwaase ãpkoodabëkw' îktook Seilõmk tũlã', Tokoo ãleããp' kũsegwaseãp', tokoo nẽmedëgããp'.

12. Nëgũmow' ãladîjũl : Tame ãhk nũt cheenũm ? Tẽlooëť : Moo kẽjeãk'.

13. Na ãlaladîjũl tanũl nëgãbegwãlib'ũnũl Pãlũseak' tan ãũmoodeedîjũ.

14. Na atlasmoodegîskũgũp tan tîlesîp' Sãsoos kesedõk' seskoo ak pãntadooõdëk' oopũk'-îgool'.

15. Na oochīt' āpch Pālūseāk' pebanemadijūl tan tēlīmsūnūmūlīch' nēmedēgēm̄k' : cheenūm ālāje : Egadogūp seskoo 'npūk'īkwū, ak kūse-gwaseāp' ak nēmedēgāāp'.

16. Na oochīt' alt Pālūseāk' tēlooējīk : Oola' cheenūm moo tūlā' Nīkskamāwīktook, mūdū atlasmoodegīskūk moo kēlōdūmook. Alt tēloo-ējīk : Tālekesadoos tēlamooḡūl kūnoogwōsoo-deel cheenūm padatēgāwenoo? Ak nowskal-dīm̄k egaak ootenāwōk'.

17. Tokoo āpch tēlīmadījūl nēgābegwāālījūl : Keel tāloomt'? mūdū pantadūskūl ūkpūk'īgool. Cheenūm āāt : Amooch' neganīkchijetēgāwenoo na.

18. Cadoo Lēsweebāk moo kēdlāmsūtūmoo-deedīkw ookwīsīnkābegwālīn ak ookesuhsoo-adoon' nēmedēgēm̄k' mesokoo wegoomadičh oongegoo tan kesīmsūnk' nēmedēgēm̄k'.

19. Tokoo pebanemadije āladīje : Oot nūt ūkwīsooow' tan tēlooāyōk' nēgābegwāāḡū tan tēluhskījenooīp'?

20. Oongegoo tēlēsedāboogooēlīje : Kējee-gūt oola' 'nwoogwisenēnū ak tēluhskījenooīp oonūgabegwāinū ; wēskījenooīdēk' nēgābegwāā-gūp :

21. Kadoo tan tēle-kesenūmeedēgēch' nūḡ-āāch moo kējedooēk, kūсна' wēn kesepānta-dooōjūl oopūk'īgool moo kējeagūt. Nēḡūm tēbe-boonaat ; nēḡūm pebanemookw', āḡūnīmsīdo'.

22. Oongegoo wējetūlooēlīje nēḡ'ūla kogooāl' mūdū chepaladije Lēsweebā ; mūdū Lesweebāk kes āḡūnoodūmājīk tan ba wēn pakeiāḡūnootk'

něgŭm Ooklĭstāwĭn' oochetooalooksĭs alasoo-
dŭmogwŏmkŭ.

23. Na oochĭt' oongegoo wĕjetŭlooĕlĭje : Nĕg-
ŭm tĕbeboonaat : nĕgŭm pebanemookw'.

24. Na oochĭt' tabooŏwā' wegoomadĭjŭl chee-
nŭmool tanŭl nĕgābegwālĭb'ŭnŭl āladĭjŭl : Nĭks-
kam ĭgŭnŭmoo' ŭkpŭmedāādākŭn : kĕjedooĕk'
oola' cheenŭm oopadatĕgāwenooĭnŭ.

25. Na oochĭt' ŭsedāboogooĕt' āāt : Moo
kĕjeāk' oopadatĕgāwenooĭnŭ. Nāŏŏktāchk ko-
gooā' kĕjedoo, nŭt na, neen nĕgābegwāĕāp' kadoo
nŭgāch' nĕmedĕgā'.

26. Tokoo āpch āladĭjŭl : Tālalŭskŭs ? tāle-
kesepāntadŭskŭl ŭkpŭk'egool ?

27. Tĕleŭsedĕmāje : Kes kese tŭlemoologŭp
ak moo jĭksŭtŭmooduogŭp. Cogooā' wĕjĭktoo-
enoodŭmŏk' āpchŭ ? Pawŏtŭmoodeyŏk' tŭ ŭk-
ŭgenamagoonowŭ ?

28. Tokoo ālmemadĭjŭl ak āladĭjŭl : Keel
kĕgenoodŭmŭsk', kadoo nenĕn' Mooyees' kĕg-
enamooenāmŭt.

29. Nenĕn' kĕjedooĕk' Nĭkskam wĕskwĭmas'-
ŭnŭl Mooyeesŏ', kadoo oola' cheenŭm moo kĕje-
agŭt tan tĕt tŭlāowĭch.

30. Na cheenŭm ŭsedāboogooĕt' āāt : Pākŭlei-
oode na moo kelow' ŭkŭjejeedoonow' tan tŭlā-
owĭch tĕlea' pāntadooĭb'ŭnŭl 'npŭkĭgool.

31. Kĕjedooĕekw Nĭkskam moo oojĭksŭtooŏn'
padatĕgāwenoo'ŭ ; kadoo tan wĕn booskealasoo-
mach' Nĭkskamŭl ak tŭladĕgĕch' oowŏŏledādāk-
ŭnŭm, na tĕlālĭjŭl Nĭkskam jĭksĕtooŏjŭl.

32. Tan tĕlesĭp' oosĭtkŭmooĭgŭp māch mŭnaak
noodŭmamŭk wĕn oopāntadooŏn' wĕnŭl oopŭk-

igool tanül nĕgābegwālīb'ünül tan tĕluhskijenoo-ilipū.

33. Oola' cheenūm moo oocheēk'sūbūn Nīkskamāwīktook mogwā' kogooā' kesetūladĕgā-wīsōk'.

34. Usedāboogooadijīk āladijūl : Keel kakuhchuhskijenooeep padaswōkūn iktook, ak kĕgenoodūmooeēk' tū nenēn' ? Tokoo tāwaladijūl alasoodūmogwōmkū.

35. Sāsoos noodūmat' ookwīsetooalanow' ak wajeāch' ālājūl : Kĕdlāmsūt'ūmūn tū Nīkskam Ookwīsūl ootenīnk ?

36. Cheenūm ūsedāboogooēt' āāt : Wĕn tū nĕgūm, 'nsakūmam, koolaman' neen ūktlāmsūt-ūmook' ootenīnk ?

37. Sāsoos ālājūl : Nĕmeetūp ak nūt na nĕgūm tan wĕskoosk'.

38. Nĕgūm āāt : 'Nsakūmam, kĕdlāmsūtūm ; tokoo alasoomājūl.

39. Tokoo Sāsoos āāt : Wĕjīpkēsīn' oosītkūm-ook' īlsoodākūn iktook, koolaman' tanīk moo nĕmedakadeekw oonĕmedakadīnowū, ak tanīk nĕmedakadijīk ootūlīnkābegwadīnowū.

40. Ak alt Pālūseāk tanīk tĕgwāooadijūl Sāsoosūl noodūmeedijūl nĕg'ūla kogooāl' ak āladijūl : Nenēn' ĕlp nĕgābegolteēk ?

41. Sāsoos ālāje : Nkābegolteōk' moo pada-soode wĕskodūmooduōk'. Kadoo nūgā' tĕlooā-yōk', Nĕmedakadeēk', na oochīt' ūktūloowāwoodewōl āhkūl ūktenāwōk'.

CHAPTER X.

1. Těleák' těleák tan tělemoolők', tan wěn moo wějepiskwakw' kagün iktook chechkělooā-oochwe-owepiskadákün iktook kadoo wějtko-jooat' āp nadāme, nējūm kūmootūněsooit' ak noo-jekūmootūnět'.

2. Kadoo tan wěn wějepiskwat' kagün iktook na nējūm chechkělooāoochwe-noojeankotēgā-wenoo oochīt' wěg'ūla chechkělooāoochūk.

3. Noojeeskágūnět' pantadooōdo' ka'gūnū ak chechkělooāoochūk jīksětooadijūl tēlāwistoolich', ak oochechkělooāoochūm āweedāje ak tāwe-neganowtegūmooōje.

4. Ak tīlesip' kesetooalach msīt oochechkěl-ooāoochūm neganowtegūmooōje ak chechkěloo-āoochūk noosoogooadijūl mūdū nēstooadijūl.

5. Kadoo pelooāl moo noosoogooadiģōōl ka-doo owoona' wēsēmooktooadijūl, mūdū moo nēstooadiģwe pelooāhū (moo nēnoostooadiģwe pelooāhū.)

6. Na tēlepēsloodooōje Sāsoos, kadoo moo kējedoodiģool tanūl kogooāl tēlemājū.

7. Na oochīt Sāsoos apch tēlemāje: Těleák' těleák' tan tělemoolők' neen checkělooāoochūk ookagūnūmooow'.

8. 'Msīt tankik pējedabūnik' āskw moo neen pēgesīnooōněk', kūmootūněstūbūnik' ak nooje-kūmootūnadibūnik', kadoo chechkělooāoochūģik moo jīksětooadegoobūniģū.

9. Neen na kagūn. Wěn oocheπισkwach' neen 'ntēniŋkū oosūtādo', ak oocheπισkwado ak oochetooeēdo' ak wājedoodo' mijesimkū.

10. Cūmootūnēs' wějipkesīnk' pasūk ookūmoo-tūnēnū ak oonābadēgēnū, ak ookakeiskwīskadēgēnū. Neen wějipkesīn' ootooskōdūmūnow' memājooōkūn ak mäch ootāje-pegwēle-ooskōdūmūnowū.

11. Neen kēdlāwāe-chechkēlooāoochwe-nooje-ankotēgāwenooī. Kēdlāwāē-chech-kēlooāoochwe-noojeānkotēgāwenoo egadōk oome-mājooōk'ūnūm oochīt' chechkēlooāooche.

12. Kadoo cheenūm tan pasūk noodabankūdooksīt ak tan moo chechkēlooāoochwe-noojeankodēgēkw', ak tan moo ootooām' chechkēlooāooche, na nēmeāch' bōktūs'ūmūl wēchkooeēlich', tokoo nakūlāje chechkēlooāooche ak wēsemoogwōt' ak bōktūsūm mēsūnāje ak sāsēdēsksōōje chechkēlooāoocheū.

13. Tan noodabankūdooksīt wējusēmoogwōt' mūdū pasūk noodabankūdooksīt, ak moo sēs-pēdālūmagwe chechkēlooāooche.

14. Neen kokwōje-chechkēlooāoochwe-noojeānkotēgāwēnooī, ak kējeegīk 'nchechkēlooāoochūmk' ak wējīkchījedāsī 'nchheckēlooāoochūmk ootenāwōkū.

15. Tan tēlikchījeet Nooch na tēlikchījeek Noochū, ak 'nmemājooōk'ūnūm egadoo oochīt' chechkēlooāoochūgū.

16. Ak ūktūgīk chechkēlooāoochūk wēs-kwāakīk tanīk moo tūlāāk ola' akabīskadāsīk. Nēgūmow dēpkadīk 'npūgesoolan', ak noodooedāk' 'ntētīlāwīstūmkāwāūmū, ak nāooktā' mowkwōtāk' ak ēnkoodā'jido chechkēlooāoochwe-noojeānkotēgāwenooū.

17. Oochīt' na Nooch wējīksālīt' mūdū egadoo

'nmemājooōk'ūnūm koolaman' āpch noosoo-
adoonū.

18. Mow wēn wēsua'dooīkw, kadoo neen
tēla'lūsī 'ntegadoonū, Alsoosoode wēskōdūm
'ntegadoon ak alsoosoode wēskōdūm āpch
'nnoosooadoon. Ooola ūtploodākūn wējīmsūn-
ūmāp' Noochūgū.

19. Na āpch nowskaldīm k egaak Lēsweebāk
ooteenāwōk oochīt' nēg'ūla kūlooswōkūnūl.

20. Pegwēlkīk nēg'ūmow tēlooējīk : Mūndool'
wēskwāooājūl ak ēloowāweēt'. Kogooā wēje-
jīksūtōōk'?

21. Uktūgīk tēlooējīk : Wēg'ūla moo ookūl-
ooswōk'ūnūl wēn tan wēskwāooājūl Mūndool'.
Mūndoo tū kese pāntadooōs' oopūkīgool' tanūl
nēgābegwā'lījūl?

22. Na nēg'ūla kogooāl' keskājeagūl Sāloosāl-
āmīk' elājīmkāwā' wegoobaltīmīkū, ak tokoo
kēsīk.

23. Ak Sāsoos pēmeēt' lāmīgwoōmk' ūkche-
alasoodūmogwōmk Sōl'ūmūn ootoosādīmīkū.

24. Na oochīt' Lēsweebāk' kuhtogwōdēskoo-
adījūl, āladījūl : Tālīpkījāāk ēlookwōlēēk' 'ntas-
wedasooltenēnū? Clīstāwīn', pakeitūlemīn'.

25. Sāsoos ūsetēgūlōlāje ālāje : Kesetūlemoo-
logūp ak moo kēdlāmsūtūmooduōk. Loogo-
wōk'ūnūl tanūl tēladēgāānūl Nooch oowesoōnūm
īktook nēg'ūla ēloowedūmāsīgūl oochīt' neen.

26. Kadoo kelow' moo kēdlāmsūtūmooduok'
mūdū kelow' moo neen 'nchechkēlooāoochūmk,
stūgā' tēlemoologūp.

27. 'Nchechkēlooāoochūmk jīksūtūmeedīch
'nkūlooswōkūn, ak kējeegīk ak noosoogoojīk.

28. Ak igünümagik āpche-memājoočkün, ak ma āpchoo kēskadāsoolteekw, ak ma wēn āpkwīlchadooigwe.

29. Nooch tan igünūmooib'ūne ājimsūgilk' ājeēspāak moo ēnkoodā 'msit tan tāseedich, ak moo wēn kesuhche-āpkwīlchalagwe Noochūgū.

30. Neen ak Nooch nāōōktājeēk'.

31. Na oochit' Lēsweebāk' āpch wējuhsooa-doodijūl koondūl ookoondāootanowū.

32. Sāsoos ūsedēmāje āāt: Poogwēlkūl kēl-oolkūl loogowōk'ūnūl wējenāyadoologūl Nooch iktoogū. Tēgēn nēgēt' loogowōk'ūnūl wēje-koondāootāeyōk'?

33. Lēsweebāk' ūsetēgūl loo adijūl tēlooējik: Moo wējekoondāootōlooēk' kēloolk' loogowōkūn iktook, kadoo oochit' padaboogooēm' oochit' Nīkskam, ak mūdū keel tilea' pasūk cheenūm-ooīn' tēla'lūsīn ūk-Nīkskamāwīnū.

34. Sāsoos tēlēsedēmāje: Moo tū tēloowee-gāsīnook' ūktūbloodākūnūmooow' iktook, Tēloo-āāp', Nīkskam-āwoolteōk'?

35. Tūlooeedāsūn nēgūmow' Nīkskamk tan-kjk ootenāwōk' Nīkskam ookūlooswokūn egaa-gūp, ak nīkskamāwāāl weegādīgūnūl moo kese-skwiśkadāsēnook',

36. Tēlīmōk tū nēg'ūm tan Wēgwīsīt Nīkskam kese elalājūl ak tanūl keseūlgīmājūl oosit-kūmoo'gū, Padaboogooēn' oochit' Nīkskam, mūdū tēlooāāp' neen Nīkskam Ookwīsūl?

37. Moo tūladēgāooōn' Nooch ootloogowōk'-ūnūmūl, moo ūkūdłāmsūtooip'.

38. Cadoo tūladēgāānūl, tileach' moo ūkt-lamsūtoowōk' neenū, loogowōk'ūnūl ūktlām-

sütümoow' ; koolaman' ūkchijedoodōksūp
Nooch ooteemūn neen 'ntenīnkū, ak neen
'nteemūn Nooch ootenīnkū.

39. Na oochit' āpch kwējekookwaladijūl, ka-
doo nēgūm wējipkotūmkasit oopūtūnoōkū.

40. Ak āpch āleēt' kamesebook' Sooldānkū
tan tēt Sanōk tūmk ētlebāpteisāwadēgēp' ; ak
na tēt ētlūgāt'.

41. Ak pegwēlkik pējedadijūl ak tēlooējik :
Sanōk moo kesedoogoobūnēk' kūnoogwōs-
oodeēk' ; kadoo 'msit kogooāl tankūl Sanōk
tēlāgūnemāp' wēg'ūla cheenūmool', tēleagūl.

42. Ak poogwēlkik nadāl' tet kēdlāmsūtūm-
oo'dijik ootenīnkū.

CHAPTER XI.

1. Na cheenūmōk' kēsenookwōbūnōk' Lasal-
ōk tēlooesibūnōk', Bētānik' tēlāowibūnōk', oo-
chegūncheejūmoow' Male ak wijegideedijūl
oomesūl Maltūl.

2. Na nūt oola' Male tan amakēnābūnūl
Uksakūmamenūl' amakēnsodeēgū, ak wēje-
kasūmoōb'ūnūl ookwōdūl oosaboon' iktoogū,
tan wijegūdeedidū Lasalō kēsenookwōlib'ūnūl.

3. Na oochit' wijegimātkū ābilītkū pējeabooadi-
būnēk' kūlooswōkūnēk' Sāsoosūl, tēlooēbūneek' :
'Nsakūmamenēn', ankaptān' na cheenūm tan
kēsālt' kēsenookwōt'.

4. Na Sāsoos nootk āāt : Oola' ūksenoo-
gowōkūn moo wējēhtūnook 'npooōkūn iktook,
kadoo wējēhk' Nīkskam ookoopmedālūmook-

soodim iktoogŭ, oochit' Niskam Ookwisŭl
ookoopmedā'dāsīn.

5. Na Sāsoos kēsālāje Maltŭl ak ookwājeejŭl
ak Lasalŭl.

6. Na oochit' kesenoodŭmāch' ookŭsenoo-
gwŭlīn' māch nēnkasit taboogoonak tan tēt
āhkŭ.

7. Na kŭlābīs' ālāje kēgenoodŭmooōje: Leda-
nēch āpch Lēsweepāwagigŭ.

8. Kēgenoodŭmooōje ēlche: 'Nsakŭmame-
nēn', Lēsweebāk' kējegowīgāl' kwēje-koondāoo-
tāskŭbŭnik', ak āpch tŭ āleēn' nadāl'?

9. Sāsoos ūsedēmāje ālāje: Moo tŭ 'mtīltās-
ājeēk chēl taboo nāōōktegiskŭk? Wēn pŭme-
ēch' nagwēk moo jakŭnjēdēstowīs, mŭdŭ nŭme-
doos' oositkŭmoo' oowōsogwēgŭmŭ.

10. Cadoo wēn dēpkek' pŭmeēch' jākŭnjēdēs-
tŭs', mŭdŭ mogwā' wōsogwēnook ootenīnkŭ.

11. Nēgŭla kese tŭloōēch, tokoo āpch ālāje:
Kīgŭmanooōk' Lasalōk nābŭtāk', kadoo neen
āleā' nājetoogwalŭk.

12. Na oochit' kēgenoodŭmooōje ēlche:
'Nsakŭmamenēn', 'npāch oolādo.

13. Kadoo Sāsoos wēs-koodŭmooōp' oonpoo-
ōk'ŭnŭ; kadoo nēgŭmow' tēledasooltījīk ooskoo-
dŭmŭlīn' atlasmoodeā' nābamkŭ.

14. Na oochit' Sāsoos pakeitŭlemāje: Lasal-
ōk nēpkāk.

15. Ak wējeooledasī oochit' kelow' ūktenā-
wōk nadāl' moo 'nteemŭnŭ, koolaman' ūkŭdlām-
sŭtŭmoodīnowŭ. Cadoo ledanēch āhkŭ.

16. Na oochit' Tooma, tan ēlp tēlooesit Utko-
bāch', ālāje wījekenoodŭmooksoolteedīje: Elp

kenoo ledaněch, koolaman' wijñpoo' dedűksűnoo.

17. Na tan tělesřp' Sāssoos pėgesřnk' wăjedők' ooteeműlin' ootkoodákűn įktook kes nāoogoo-naak.

18. Na Bětāne kweiichk' Sāloosalām' āhk, wėjadegěmk' ědook' 'mtīln chěl nan stā'dēei, [ědook' taboo meil].

19. Na oochīt' pegwělkik Lěsweebāk kese pějedaajik tan Malt ak Male āūmeedich ootīlkwijalanowű oochīt' wijegīmadedűű.

20. Na oochīt' Malt tēdoojenoodűmāch' Sāssoosűl oowöochkooeělīn' āleēt' nājeasoogooűűl ; kadoo Male māch ěbīt' wěnjeegwömkű.

21. Tokoo Malt ālājűl Sāssoosűl : Nsak' űmam keel eűmoo'sűbűn oola' tět, wijegīdeěgök' moo 'npooesök'.

22. Cadoo kějedoo tilea' nűgā' keel tan kogooā' Nįkskam tamch, įgűnűmoolto' Nįkskamű.

23. Sāssoos ālājűl : Wijegīdeők' abįjebědo'.

24. Malt ālājűl : KějEEK ootābįjeběn' tělesřp' abįjeběďimk' kěspeģiskűgű.

25. Sāssoos ālājűl : Neen na abįjeběmk' āwāř ak memājooők' űnī. Tan wěn kědlāmsűtk' 'ntenīnkű, tilea' 'npűk, memājedo'.

26. Ak ělp 'msīt wěn tan memājīt ak kědlāmsűtk' 'ntenīnkű ma 'npook yāp'chooű. Kědlāmsűt' űműn oot ?

27. Alājűl : Aā, 'nsak' űmam, kědlāmsűtűm keel Uklįstāwīnű, Nįkskam Ookwīsűl, tan kědoo-įpkesřnkűp oosīt kűmoogű.

28. Kese tűl'ooěch wěg'űlű Malt poktűmkasīt ak wegoomājűl wijegīdeedįűl Maleűl kemoo-

doogŭ, ālājŭl : Noojekenamooēt' pēgesīnk' ak wegoomsk'.

29. Tokoo Male tēdoojenootk' wēg'ŭla nōkse-oonagasīt, āleējŭl.

30. Na Sāsoos mā mŭnaa pēgesīnook ŭkche-gŭnchechkŭ, kadoo māch āhk nadāl' tan tēt Malt ētleasoogooōpŭ.

31. Na oochīt' Lēsweebāk tanīk tēgwāooadijŭl lāmīgwōmk', tanīk ētleīkwījaladijŭl, nēmeadih Maleŭl oonōkse-oonagasīlīn' ak ootooeēlīn', noo-soogooa'dijŭl, tēlīmtooltijīk : Ootkoodākŭn īk-took ālēēt' nājeūtke'dēmīt' nadālŭ.

32. Na tīlesīp' Male pēgesīnk' Sāsoosŭl āŭm-ŭlich' mēskŭnadēsīnk' kweīichk ookwōtkŭ, āl-ājŭl : 'Nsak'ŭmam, eŭmoo'sŭbŭn oola' tēt wīje-gīdeēgōk' moo 'npooesōk'.

33. Na Sāsoos nēmeāch' ūtkedēmīlich' ak ēlp nēmeāch' Lēsweeba tanīk tēgwāooadijŭl ētleūt-kedēmooltilich', ēbēdōksīt oochejakŭmījoo īktook ak wēnmājedasīt.

34. Tokoo āāt : Tame tēt kese egalogwōk' ? Aladijŭl : 'Nsakŭmamenēn' choogoo'yē ak ankaptān'.

35. Sāsoos ūtkedēmīt'.

36. Na oochīt' Lēsweebāk āājīk : Anka-mookw' tēdoojīksālājŭl !

37. Ak alt nēg'ŭmow āājīk : Oot cheenŭm tan pantadooōb'ŭnŭl nēgābegwālīb'ŭnŭl oopŭk-īgool' moo tŭ kesetŭlalowīsōk' wēgēt' ehee-nŭmŭ moo oonbŭlīnŭ ?

38. Na Sāsoos āpch ētŭlbādōksīt ootenīnkŭ pēgesīnk' ootkoodākŭn īktook. Elmŭnāsīk na, ak koondāoo wēskītēk'.

39. Sāsoos āāt : Jīgūladookw' koondāoo. Malt 'npooenool' wijegīdeedijūl ālājūl : Nsak'ūmam, nūgāach chēl kes pelooemaat, mūdū kes nāoogoo-naak oonbūnū.

40. Sāsoos ālājūl : Moo tū tēlemoolooōs' ūktlāmsūt'ūmūn nūmedoodūks' Nīkskam ookoopmedādāk'ūnūm ?

41. Tokoo wējejīgūladoodīch koondāoo, ak Sāsoos sēmkūlābasīt āāt : Noo, moewōlool' mūdū jīksētooīn.

42. Ak kējedoo keel yāpchoo jīksētooīn, kadoo oochīt' oola' moweōm īktook kweīchk' kakūmooltijik wējetēlooāāp', koolaman' nēg-ūmow' ookoodlāmsūtūmoodīnow' keel ūktūl-gīmīnū.

43. Tokoo kesetūlooēch' wēg'ūla, kēsīntowēt' āāt : Lasaal ! choogwe-too'yē !

44. Tokoo tan nēpkūp wēchkwetooēēt' ook-wōdūl ak oopūtūnūl tētpākpedēgūl 'npooenooāl' asoonūl ; ak oosīskw' okoonokoopedēk' moosooā' īktook. Sāsoos ālāje : Apkwalookw' ak ūsedāl-ūmookw' oopoktūmkasīnū.

45. Na oochīt' poogwēlkīk Lēsweebāk' tanīk pējedadīb'ūnūl Maleūl' āūmūlījū tan tīlesīp' nēmedoodīch tan Sāsoosūl kesetūladēgēlīch', kedlāmsūtūmoo'dijik ootenīnkū.

46. Cadoo alt nēg'ūmow āledajik Pālūseā' āūmoodīlījū, ak āgūnoodūmooadīje tanūl kogoo-āl' Sāsoosūl kesetūladēgēlījū.

47. Na oochīt' ūkchepadūleask' ak Pālūseāk' mowaladīje noojītploodakadīlīje ak āājīk : Tāladakadedūk'sūnoo ? mūdū oola' cheenūm pegwēlkūl kūnoogwōsoodeel tēladēgējūlū.

48. Usedälümookw' na ootüläin 'msit tan täseedich üktlämsütümoodedäk' ooteninkü, ak Lomkāwāk' pējedadāk' ak kookwadoolkoodāk' kūmūtkenooü ak kokwaloolkoodāk' tēlīnkoodāk-ümikseekwü.

49. Na nāooktājīt nēg'ūmow, tēlooesit Keieeb, tan ētlikchepadūleasāwīt' na pēmeboonkük, āļaje: Mogwā' kogooā' kējedooduōk'.

50. Ak moo tēleānkedādūmooduōk' kooche-kaneāwooltenēnooü nāooktājīt cheenūm oochīnpūk' oochīt memājooenoo iktook, koolaman' 'msit nāookt ükūmiksijik moo ookakeiskwiskadāsooltinowü.

51. Cadoo moo wējetūlooēk' wēg'ūla nēgūm ooteninkü, kadoo ētlikchepadūleasooīch' na pēmīnkoodāboonkük neganeāgūnōōtk' Clistāwīt' oowōōjīnpūn' oochīt' nēg'ūla nāōōktūkūmiksīlījeü.

52. Ak moo pasūk oochīt' nēg'ūla nāōōktūkūmīksīlījeü, kadoo ēlp oochīt' oomowalan' nāōōktā' 'msit Nīkskam oonejīnn tanik kes sāsedēs-koojīk.

53. Na oochīt wējadegēmīk' na nagwēk' mow-āgūnoodūmadījīk oonābanowü.

54. Na oochīt' Sāsoos nūgoo'ch moo māswep-ūmeēkw' Lēsweebāwīktook, kadoo poktūmkasīt ak ālēēt' makūmegāoo kweīīchk bāktākūmiktōōk ükchegūnk' tan tēlooesik Eplām, ak nadāl' ētlit-kwāooōje kēgenoodūmooōje.

55. Na Lēsweebāk oopagāwīmīkāwāūmooow' kēdooegaak. Tokoo pegwēlkīk Lēsweebāk ēlit-koojooīmītūmedaajīk Sāloosālāmīkū, tanīk wējedajīk oola' tēt oomūtkuōkū, oowōkūmalūsooltinowü āskw moo wegoobaltimūgū.

56. Na 'oochit' kwelooadijül Sāsoosül, 'ak kāmoolteedich ūkchealasoodūmogwōmkū tēlim-tooltijik: Tāledasoolteyōk'? ma tū ūpkesīnook' wegōobaltīnk?

57 Na ūkchepadūleask' ak Pālūseāk' kesetül-ītploodakadijīk 'nadoo wēn ūkchijeäch' tan tēt āūmūlich', āgūnemūs', koolaman' kookwalaadis.

CHAPTER XII.

1. Na Sāsoos ūsookūmtāsoogoonak āskw moo pagāwimūgēk' Bētānik pēgesīnkūp tan tēt Lasalū āūmūlijū, tanūl Sāsoos menooalāb'ūnūl.

2. Nadāl tēt ētlewegoobaladijūl. Tokoo Malt ētleēloogwāooōje tane ētlemījesooltilije, kadoo Lasal' nāōōktājīt nēg'ūmow tanīk weboomaadijūl Sāsoosül.

3. Tokoo Male wēswardōk 'ngādīgūn amakēnsode tēlooesik speiknald bōktūkūyāk', kēsīm-kōdik, ak amakēntūmooōjūl' Sāsoosül ookwōdūl, ak wējekasūmooōjūl ookwōdūl oosaboōn' iktoogū: ak wēnjeegwōm wōjooīpkūdaasik tan tēlemaak amakēnsod' iktoogū.

4. Na oochit nāōōktājīt nēg'ūmow tanīk wējenoodūmoojīk ootenīnk, tan tēlooesit Soodaa Iskāleot', Sēmoo ookwīsūl, tan kēdooekūnooalājūl Sāsoosül, āat:

5. Cogooā' oochit' oot amakēnsode moo nēd-oōiskēdūmooksūp oochit' kūskīmtūlnākūnīgūl denāleūl, (ēdook nāooīnskēgāgīgūl), ak igūnūm-oōēmūksūp āoolājooenoo iktook?

6. Moo wējetūlōōč' wēg'ūla mūdū sēsēpēdāl-

ümäje āoolājooenooū ; kadoo wējetūlooēt' mūdū kūmootūnēs'ooit, ak wēskōtk sooleāwāyā' kūm-oode, ak pēmadōk tan kogooā' pejadāsīkū.

7. Tokoo Sāsoos āāt: Boonājīm' ābīt; kesean-kōtk oola' oochīt' na nagwēk tan tīlesīp' neen ootkoodaledēn'.

8. Mūdū āoolājooenook' nāāgow wēskwāuōk, tēgwāādoolteyōk', kadoo neen mogwā' yāpchoo wēskwāwuōk'.

9. Na mowepoogwēlkīk Lēsweebāk kējeadijūl Sāsoosūl nadāl' ooteūmūlīnū, ak pējedaanjik moo pasūk oochīt' nēg'ūmū, kadoo ēlp oochīt' oonme-anow' Lasalūl, tanūl Sāsoos menooalāb'ūnūl.

10. Cadoo ūkchepadūleask' mowāgūnoodūm-adijīk ēlp oonābanow Lasalūl.

11. Mūdū oochīt' nēgūm pegwēlkūbūneek Lēsweebākīk poktūmkedatkīk ak kēdlāmsūtūm-oodībūneek Sāsoosūl ootenīnkū.

12. Na wōpk ūmskwēsāwā' nagwēk mowe-poogwēlkīk memājooenook' tanīk pējedaajīk wē-goobaltūmkū, noodūmaadih Sāsoosūl oochikoo-eēlīn' Sāloosālāmū,

13. Wēswadoo'dijūl ūpsētkoonūl kūmooch' īk-took tūlāāl tan telooesīk penīks, (kūsna' pam), ak ēledaajīk ootasooogooōnowū, ak nēdowoodijīk, āājīk: Hōsānna (oosētoweedēgē' nūgāājū l) wēl-alooksīlījūl Islāāl ootēlēgāmūl tanūl wēchkooc-ēlījūl Ukchesāk'ūmow oooweesoonūmkū.

14. Tokoo Sāsoos wājēāch' nootkwālījūl jāk-asūl' kākoobasījūl, stūgā' tēlooweegāsīk:

15. Moo ūkwāgwōdasu', keel' Seūn ootoosūl; ankaptān', ūktēlēgām' wēchkoocēt', kākoobijūl nootkwālījūl jākasūl.

16. Nēg'ūla kogooāl' kēgenoodūmooōje moo nēštūmoodilīgoob'ūnūl tūmkū. Kadoo kes kes-ikpūmedālūmooksich Sāsoos mīgwedādūmee-dijūl nēgūla kogooāl' ookeseweegāsīnū, ak Sāsoosūl ookesetūladēgēlīn' wēgūla kogooāl.

17. Na oochīt' nēg'ūla mowepoogwēlkik tēg-wāooadib'ūnūl Sāsoosūl tan tilesīp' wējetooōl-kūgemādēk' Lasalūl oowootkoodākūnūmk ak menooalādēk', wējelooedūmāsooltījīk.

18. Ak na oochīt' mowepoogwēlkik wējeasoo-gooa'dijūl, mūdū kese noodūma'dijīk nēgūm ookesetūladēgēlīn' oola' kūnoogwōsoode.

19. Na oochīt' Pālūseāk' tēlīmtooltījīk: Moo nēmedoo'duōk' moo ūkaneāwooltīnowū? Ankaptān', oosītkūmoo' poktūmkasīk noosoogooōjūl.

20. Na alt Glekāwāk' āūmoodījīk tanīk kese choogwīt-kojooīmtūmedaajīk Sāloosālām' oon-āje-alasoodūmadīnow' ētlewegoobaltīm kū.

21. Nēg'ūmow pējedaajīk Pelīpēgū, tan Bēt-sādīgāwach' na, Gālīlētk' tūlā', pebanegēmee-dijūl, tēlooējīk: Sakūmow', kēdooenūmeegūt Sāsoos.

22. Pelīp pēgesīnk' ak āgūnoodūmooājūl Andūlāhūlū; tokoo Andūlā' ak Pelīp āgūnoodūm-ooadījūl Sāsoosūl.

23. Sāsoos ūsedēmāje āāt: Tētpūgaak egaak Ulnoo Ookwīsūl ookoopmedālūmooksīnū.

24. Tēlēāk' tēlēāk' tan tēlemoolōk nāōōktōps-kēk koolūmkw' moo 'npooenook tan tilēsīp' ēl-neseāk' makūmegāoo īktook, tēpkestēk; kadoo 'npūk, pegwēlegwēs'.

25. Tan wēn kēsātk' oomemājooōk'ūnūm

ndoodo; kadoo tan segăjedătk' oomemăjooők-
 ũnũmcola' oosĩtkũmook', ankōdo ăpchememăjoo-
 őkũn iktook.

26. Wẽn loogowich' noosoogooich', ak tan tět
 ăũm nadāl' tět nũnők' ũbēm ělp eedo. Wẽn loo-
 gowich', Nooch ũkpũmedălũmădũl'.

27. Nũgă' 'nchejakũmich' wẽnăjedaasit, ak
 tălooədēs' ? Tũlooədēs tũ' Noo', oochuhsětowee
 oola' nagwěk' [Amooch' mogwă'], mũdũ oochĩt'
 oola' wějĩpkēsĩn' oola' nagwěk.

28. Noo', ũkpũmedădăn' ũkwesoonũmũ. To-
 koo kũlooswőkũn wėjeăk' wasōk tēlooěk' : Kes-
 ĩkpũmedădũm ak ăpch ũkpũmedătēs.

29. Na oochĩt' Mowepoogwělkik tanĩk kwei-
 ichk' kakũmooltĩjik noodũmeedĩch tēlooějĩk :
 Kăktoogowik'. Uktũgik tēlooějĩk : Ansălăwĩt'
 kēloolajũl.

30. Săsoos ũsedăboogooēt, ăăt : Oola' kũloos-
 wőkũn wėjeēgaak moo oochĩt' neenũ, kadoo oo-
 chĩt' kelowũ.

31. Nũgă oola' oosĩtkũmoo ootĩlsoodăk' ũnũm
 egaak : nũgă oola' oosĩkũmoo ootēlēgămũl tă-
 waadoojũl.

32. Ăk neen oocheoonagalĩmk makũmegēgũ
 'msit memăjooenook' choogwalădēs' neen 'nte-
 nĩnkũ.

33. Nēgũla wějētũlooějũl ookũgenoodũmooẽn'
 tan kogooă' 'npooookũn kēdoowuhchĩnpũgũ.

34. Mowepoogwělkik ũsĩdēma'dĩjũl : Weje-
 noodũmoodeēgũp ũtploodăkũn iktook Clĩstăwĩt'
 ăpchoo ooteemũn. Ăk kogooă' wějētũlooẽn'
 ũlnoo Ookwĩsũl oodēpkadĩn oonagalooksĩn'
 Wẽn tũ nũt ũlnoo Ookwĩsũl?

35. Na oochit' Sāsoos ālāje : Wōsogwēk' kechka ājīpkītkalnōkto'. Pūmedakw' tan tīlesīp' ētluhskodūmōk' wōsogwēgū, koolaman' bogūnītpaak moo ūktūbūnōlenow'; mūdū nēgūm tan pēmeēt' bogūnītpaak īktook moo kējedook' tan tēt ālcējū.

36. Tan tēlīpkījānk wēskodūmoodeyōk' wōsogwēk', ūktlāmsūtūmook' wōsogwēk' īktook, koolaman' wōsogwēk' oonjūnīn ūktenāwow'. Kese tūl'ooēch wēg'ūla kogooāl Sāsoos poktūmkasīt ak mīmoogwōsiktoōje.

37. Kadoo tilea' tēlepoogwēlkūl kūnoogwōsoodeel ooska'looōk kesadogūl, nēgūmow' moo kēdlāmsūtūmoodeekw ootenīnkū.

38. Na wējetūlēak' neganīkchījetēgāwenooōk' Isaiahōk okūlooswōk'ūnūmū : Ukchesakūmow, wēn kēdlāmsūtūk' 'ntāgūnoodūmākūnūmenēn' ? Ak wēn ootenīnk ēlenāyadāsīk Ukchesak'ūmow oopūtūnōgūm ?

39. Na oochit' moo kesīktlāmsūtūmoodeekw, mūdū Isaiah āpch āāt :

40. Kesīnkābegwadooōjūl oopūkīkooōlū, ak kesemūlgīgwijadiōōjūl ookwōmlāmoonooōlū, koolaman' moo oojīnmedakadīlīn' oopūkīgoōow' īktoogū, ak moo oojīnsūtūmoodīlīn' ookwōmlamoonooōw' īktook, ak moo ookewōnškaloosooltīlīn', ak neen moo nūnsalanū.

41. Nēg'ūla kogooāl Isaiahōk tēlooēbūnīgūl, mūdū nēmedoo'dēek' Sāsoosūl ookoop-medālūm-ooksoodīm ak agūnīmāb'ūnūl.

42. Kadoo poogwēlkīk noojītploodakadījīk kēdlāmsūtūmoo'dījīk ootenīnkū, kadoo moo pakeiāgūnoodūmoodeekw, mūdū chepaladīje Pāl-

úseá' koolaman' moó oochetooaloogünow' alasoo-
dümögwömkü.

43. Müdü äjksädümeedich chenümook'
ookoopmedādākünümboōl' moo ěnkoodā Nīks-
kamül ookoopmedādāk'ünüm.

44. Kadoo Sāsoos nēdowēt', āāt : Nēgüm tan
kēdlāmsüt'k' 'ntenīnk moo kēdlāmsütümook'
neen 'ntenīnk, kadoo kēdlāmsütkül tanül ělkīm-
ilij'ülü.

45. Ak tan wēn nēmeet nēmeājul tanül ěl-
kīmīlīb'ünül.

46. Pēgesin' neen oosītkümook' oochīt 'nwös-
ogwēnū, koolaman' 'msīt wēn tan kēdlāmsüt'k'
'ntenīnkü moo pūmeāwīs bogünītpaagū.

47. Ak tan wēn moo jīksētümooīkw', ak moó
ūktlāmsütümookw' 'ntenīnkü, nēgüm neen moo
wēnmājeīlsoomāk', müdü moo wējīpkesīnoo
noonmājeīlsood'ümün oosītkümoo', kadoo wējīp-
kēsin' noostowedoon' oosītkümoo :

48. Tan wēn ěsaaīt neen ak moo wēswadoogül
'nkūlooswōk'ünümül, wēskwāājül tanül wēnmāje-
īlsoomchül. Kūlooswōkūn tan wēskoodümāp'
na oochē-oonmāje-īlsoomkoodo' kēspegīskügū.

49. Müdü neen moo wējēkūloosuāp' neen
ntenīnkü, kadoo Nooch tan ělkīmīp' tēbloomīp'
tan tūlekūloosīk ak tan tūlooēkü.

50. Ak kējedoo' ootūbloodāk'ünüm ootāpche-
memājooōk'ünīn. Na oochīt' tanül kogooā'
tēlooāânül, stūgā' Nooch tēlekūloolīp' na tēle-
kūloosī.

CHAPTER XIII.

1. Na āskw mūnaakw pagūwīmūgēk' wegoo-baltīmūgēk', Sāsoos mūdū kējedōksūp ootētpūg-agūm ootegaaneowōōjetooēēn' oositkūmoogū, ak ootūlēēn' Oochūgū, ak mūdū kēsālābūne wīgūmā' tane āumūlīje oositkūmook', meesokoo kēspeak: kēsālāb'ūne ;

2. Ak wēlogwōdūlooltīmkāwāēk' keskājāgēk, ak mūdoo kessepejadooōdēk' Sooda-Iskaleotō Semooō ookwīsūū ookwōmlamoonkū ookūgenoo-alalīn'.

3. Sāsoos' mūdū kējedōksūp Oochūl ootegada-goon 'nsīt kogooā' oopūtūnkū, ak nēgūm ookesuhcheēn' Nikskam-āwīkttook ak ootūlēēn' Nikskam-āwīktōōk ;

4. Wējeonagasīgūp wēlogwōdūloolteededēgū ak egadogūb'ūnūl ootokwōnūl ak wēswadōkūp kasegōsoode ak ālākpesasīp.

5. Kūlābīs' pootēgoodadogūp sāmoogwōn' ūksīspalūsoodeōk īktoogū, tokoo bokchīksīspadoo-ōbūnegūl ookwōdooōgūl kēgenoodūmooōtkūū, ak wējekasūmooōbūnīgūl kasegōsoodeēk' tanēk ālākpesīp.

6. Tokoo pēgesīnkūl Semoo Peālūl, ak Peāl' ālājūl : 'Nsakūmam, kēsīspadoonūl 'nkatūl ?

7. Sāsoos ūsedāboogooēt' ālājūl : Tan kogooā' tēladēgā' nūgāch' moo kējedoon', kadoo ēlmee-gūnik' ūkchijedoodūks'.

8. Peāl' ālājūl : Keel ma ūksīspadoowuūn yāpchoo. Sāsoos ūsīdēmājūl, tēlooēt : Moo ūks-ī aloolooan' ūktātkūnwōk'ūnūm moo wīje-ee-ītūnook' 'ntenīnkū.

9. Semoo Peāl ālājūl : Nsakūmam, moo pasūk 'nkatūl kadoo ēlp 'npūt'ūnūl ak nūnooche.

10. Sāsoos ālājūl : Tan wēn kesiksispadāsīt pasūk wēdūmedātk' ookoosīspadoon ookwōd'ūlū, tokoo toochoo kakeiwōkūmāk'. Ak kelow' wōkūmolteyōk', kadoo moo 'msitū.

11. Mūdū Sāsoos kējeājūl tanūl kēdooekūn-oalūj'ūlū, na oochīt' tēlooēt' : Moo 'msit kelow' wōkūmoltuōk'.

12. Na kesiksispadooōeh' ookwōdooōl ak kesuhsooadogūl ootokwōnūl ak keskātpaasīch,ālāje : Kējedoodeyōk' tū tan kesetūlalnōk'?

13. Tēlooēdeyōk' noojekenamooēt' ak 'nsakūmamenēn' : ak wēltēdābooe-tūlooāyōk', mūdū na tēlāi.

14. Na oochīt' neen tan wēsakūmamoolteyōk' ntenīn ak noojekenamoolōk ūksīspadoolōk ūkādooōl, amooch dēpkadik ēlp kelow' ūkūsispadād-ooltīnow' kelow' ūkādooōlū.

15. Mūdū aseēdīm keseīgūnūmoolōk' ūktūladakadīnow' tan kese tūlalnōkū.

16. Tēleāk' tēleāk' tan tēlemoolōk tan wēn alsoomkooosīt moo ājeēspāikw moo ēnkoodā oosakūmamūl, kūсна' tan ēlkīmoot' moo ājeēspāikw moo ēnkoodā nēgūm tan ēlkīmchūl.

17. Na ūkchījedoo'deyōk' wēg'ūla, oololtegōk' tūladakadeyōkū.

18. Moo wēsloomoolooōk' 'msit tan tāseyōk. Kējeek tanīk nenasoonkīk ; mūdū koolaman' tan tēlooegāsīk ootūlean', Nēgum tan wedādāloomit pībūnokūn iktook ēleoonagalājūl ookoonūl 'ntenīnkū.

19. Na neganāgūnoodūmoolōk' koolaman'

keseëgaak üktlämsütöksüp neen 'ntnëgüm-
āwīnū.

20. Tēleāk' tēleāk' tan tēlemoolōk tan wēn
wēs-walājul tanūl neen ēlkīm-kūl ēlp neen wēs-
walit; ak tan neen wēs-walit wēs-walājūl tanūl
ēlkīmīlīb'ūnūl.

21. Na Sāsoos kesetūloočch' wēg'ūla, wēnmāj-
ēdasīt oochejakūmichikū, ak āgūnoodumoōje
āāt: Tēleāk, tēleāk' ian tēlemoolōk nāōōktājīt
kelow' kūnoonaledo.'

22. Na oochit' kēgenoodūmoōje ankamtool-
tīlīje mūdu aswēdālūmadījūl tanūl wēnūl wēs-
koomalīj'ūlu.

23. Na nāōōktājīt kēgenoodūmoōje tanūl
Sāsoos kēsālājūl akūmkwēsīnkūl Sāsoosūl oo-
pūskoönkū.

24. Na oochit' Semoo Peāl mātkwēdooōjūl
oopebaneman' tanūl wēnūl wēs-kīmalījūl.

25. Tokoo nēgūm tan akūmkwēsīnkūl Sāsoo-
sūl oopūskoönkū, ālājūl: 'Nsakūmam', wēn tū
nūt nēgum?

26. Sāsoos ūsīdāboogoočt' āāt: Nēgūm ēdū
tan īgūnūmoōōdēs' pībūnōksīgūn kese nīgūne-
gadūmānū. Tokoo kese nīgūnegātk' pībūnōk-
sīgūn īgūnūmoōōch' Soodahūl Iskāleōtūlū.

27. Kesīmsūnk' pībūnōksīgūn tokoo mūndoo
pīskwaajūl. Na oochit' Sāsoos ālājūl: Tan
kogooā' kēdooetūladēgēn' kūsetūladēgē.'

28. Na mow wēn nēg'ūmow tanik webōma-
dījūl kējedookw' kogooā' wējetūlīmājūl wēg'ūlaū.

29. Kadoo alt tēledasooltījīk mūdū Sooda
wēs-kōtk sooleāwāyā' kūmoode Sāsoos ookese-
tūlīman', Upkwōlēlāān tanūl kogooāl' wēdūme-

dādūmoogūl oochīt wegoobaltimkü; kūsna' ootīgūnūmooōn' kogooā' āoolajooltilijeū.

30. Na kesusooadōk pībūnōksīgūn 'nkūseiu tāwcēt', ak nūgāā kes dēpkeek.

31. Na kesetooeēlich' Sāsoos āāt: Nūgoo' nūgāā Ulnoo Ookwīsūl kēpmedālūmooksīlījūl, ak Nīkskam wējikpūmedālūmooksit ootenīnkū.

32. Ak mūdū Nīkskam wējikpūmedālūmooksīt Ulnoo Ookwīsūl ootenīnkū, Nīkskam ēlp ūkpūmedālūmādūl' Ulnoo Ookwīsūl, ak nan-kūmikpūmedālūmādūl'.

33. Nejīntoot', mājechk' kechka' tēgwāoolōk. Kwelooedōksūp ak stūgā' tēlimkūp Lēsweebāk' tan tēt āleā' kelow' ma kesepējedaoōōk', na ēnkoodā nūgāā tēlemoolōk' kelowū.

34. Pelā' ūtploo'dākūn īgūnūmoolōk', koolamān' ūkūsālooltīnowū. Stūgā' tēlikšāloolōk' kelow' ēlp ūktūlikšāltooltīnowū.

35. Na oochīkchījedoodāk' 'msīt wēnīk kelow' koojkenoodūmooksooltīnow' neen 'ntenīnkū, ūksāltooltegōkū.

36. Semoo Peāl ālājūl: Nsak'ūmam, tame āleen? Sāsoos ūsedēmājūl: Tan tēt āleā' ma kesenoosoogoo'wuūn nūgāājū; kadoo ēlmegūnīk' noosoogooedūks'.

37. Peāl' ālājūl: Nsakūmam, kogooā' oochīt' moo kese noosoogooloo nūgāājū? 'nmemajooōk'ūnūm egadoodēs' oochīt keelū.

38. Sāsoos tēlēsedēmājūl: Egadoodūks' tū ūkmemājooōk'ūnūm oochīt' neenū? tēlēāk' tēlēāk' tan tēlemool' sest līptogwōsidūks' moo ūkūjejeenū āskw mūnaakw kegūleegwēch ūk-tookū.

CHAPTER XIV.

1. Moo oonmăjedasīnooch' ūkamlamoonooōlū.
Kēdlāmsūtūmoodeyōk' Nīkskam ootenīnkū, ēlp
neen 'ntenīnk ūktlāmsūtūmoodīkw'.

2. Lāmīgwōmk Nooch week pegwēlkūl etlūg-
adūmoodīmkūl āhkūl. Moo tūlāānooksūbūn
tūlemoolegōkpūn ; mūdū ālēā' nāje-negane-ela-
doolōk' etlūgadadūmoodīmkū.

3. Ak leāan' ak eladoolōk' etlūgadūmoodīmk
āp ūpkēsīntēs' ak luhsooalooltōksūp 'ntenīnkū,
koolaman' tan tēt āūm kelow' ēlp eūmoode-
dōksūp.

4. Ak kējedoo'deyok' owhte tan tēt ālēā'.

5. Tooma ālājūl : Nsak'ūmam, moo kējedoo'-
duēk' tan tēt ālēēn' ak ; tālekesīkchijedooḡwēk'
owhte ?

6. Sāsoos ālājūl : Neen na owhte ak kēdlā-
wāooōkūnī ak memājooō'kūnī. Mow wēn pēgesīn-
oogūl Noochūl tan moo oochīpkēsīnook' neen
'ntenīūkū.

7. Ukchījeōk' neen ēlp Nooch ūkchījēagōk' ;
āk nūgā' wējadēgēmīk' kejeyōk' nēgūm ak
kesenūmeyōk'.

8. Pelīp ālājūl : 'Nsakūmam, nāya'dooīn
Kooch ak tabeādo' oochīt nenēnū.

9. Sāsoos ālājūl : 'Tēlīpkījāāk tēḡwāoolōk',
Pelīp, ak mā mūnaak kējeusūp ? Tan wēn
kesenūmeet ēlp kesenūmeājūl Noochūl ; ak
kooōā' wējetūlooēn' Nāyadooīn Koochū ?

10. Moo tū kēdlāmsūtūmoon' neen 'nteemūn
Nooch ootenīnkū ak Nooch ooteemūn neen
'ntenīnkū ? Kūlooswōk'ūnūl tanūl tēlemoologūl

moo wějetūlooāooōnūl neen 'ntenīnkū' kadoo
Nooch tan ētlūgātk' 'ntenink Nēgūm tēladēgējūl
loogowok'ūnūl.

11. Uktlāmsūtūmooīkw' neen 'nteemūn
Nooch ootenīnkū ak Nooch ooteemūn neen
'ntenīnku, kūсна' oochiktlāmsūtooīkw' loogo-
wōkūn īktook.

12. Tēleāk tēleāk' tan tēlemoolōk tan wēn
kedlāmsūt' 'ntenīnkū, nēgūla loogowōūnūl
tanūl tēladooōnūl nēgūm ēlp tūladēgēdūl', ak
ājīmsūgeegūl loogowōkūnūl moo ēnkoodā nēg'ūla
tūladēgēdūl', mūdū āleā' Noochūgu.

13. Ak tan kogooā wēje-kweloodūmoodeyōk
neen 'nwesoonūm īktook na tūladēgēdēs', koola-
man' Nooch oowōōjīkpūmedālūmoo ksīn Oo-
kwīsūl ootenīnkū.

14. Kweloodūmoodeyok' kogooā' neen 'nwes-
oonūm īktook na tūladēgēdēs'.

15. Uksālēok, 'ntūbloodākūnūmūl skūdūm-
ookw'.

16. Ak oochekweloodūmooōdēs' Noochū ak
īgūnūmoolōkto' ūktūk Nooje-īlkwījadēgēt', ak
nēgūm ūtkwāoolōkto' yāpchooū.

17. Nūt na Kēdlāwāit 'Mchejakūmīch' tan
oosītkūmoo' moo kesuhsoalagool, mūdū moo
nēmeagool kūсна' nēnooagool; kadoo kelow'
nēnooōk' mūdū nēgūm tēgwāoolōk ak ehto'
ūkteenāwōk'.

18. Ma 'nkūloolooōk' ūksīsūmīnsītūnōkūn-
ooltīnow': ūpkēsīntēs' āūmoodeyōkū.

19. Na mājēch kechka' oosītkūmoo ma āpch
nūmeenook, kadoo kelow' nēmeeyōk; mūdū

neen pēmowsī ělp oochepūmowsooitēdōksūp kelowū.

20. Na nagwēk ūkchījedoodōksūp neen 'ntee-mūn Nooch ootenīnkū ak kelow' ūkteemoo-dīnow' neen 'ntenīnkū, ak neen 'nteemūn kelow ūktenāwōkū.

21. Tan wēn wēskotkūl 'ntūbloodākūnūl ak saktūkūl, nēgūm na kēsālīt' ; ak nēgūm tan kēsālīt' neenū na oochīksālkoosido' Noochūgū, ak neen ūksālādēs' ak lenāyalūsedēs' ootenīnku.

22. Sooda ālājūl : ——— moo Sooda Iskāleot ——— 'Nsakūmamenēn', tālekeskajeūs' tū ūktūlenāyalūsīn nenēn 'ntenīnāk' moo nāyalūs-uan' oosītkūmoogū ?

23. Sāsoos ūsedāboogooēt' ak ālājūl : Wēn ūksālīch neenū skūto' 'nkūlooswōk'ūnūm, ak Nooch ūksālādūl nēgūmūl', ak ūpkēsīntēsūnēn āhkū, ak ūtkwāooōdēsūnēn nēgūmū.

24. Tan moo kēsālīkw neenū 'nkūlooswōk'ūn-ūmūl nēgūm moo sāktūmoogūl. Ak kūloos-wōkūn tan noodūmoodeyōk' moo neen 'nkūloos-wōkūnūm na, kadoo Nooch ookūlooswōk'ūnūm na tan ělkīmīp'.

25. Wēgūla kogooāl' tēlemoologūl tīlesīp' tēgwāoolōk'.

25. Cadoo Noojeīlkwiādēgēt' na na Nīkskam-āwāe-'mchejakūmīch (Wējeoolenīkskām) tanūl Nooch ūlgīmādūl' 'nwesoonūm īktook, Nēgūm kakeīkenoodūmoolōktūl' 'msīt kogooāl', ak ke-salnōkto' ūkakeīmīgwedādūmūnow' 'msīt kogoo-āl' tanūl neen kesetūlemoologūl.

27. Wōntūkōde nōktūm ūktenāwōk'. 'Nwōn-tūkōdīm īgunūmoolōk'. Moo tēlēīgūnūmoolooōk'

stŭgā' oosŭtkŭmoo tēleŭgŭnŭmoočk.' Moo sēs-
pedasīnooch' ŭkamlamoonooł', kŭsna' moo
wāgwōdasīnooch'.

28. Noodŭmoodeyōk' 'ntŭlemoolīnow' Pok-
tŭmkasī ak āpch ŭpkēsīntēs' tan āŭmoodeyōk'.
Uksāleyōk' ooledasooltegōk, mŭdŭ tēlooāāp'
āleā' Noochŭgŭ.

29. Na nŭgāāch kesetŭlemoolōk' āskw moo
keskājeanook, koolaman' tan tīlesīp' keskājeāk'
ŭktlāmsŭtŭmoodedōksŭp.

30. Nŭgāāch nŭgooch' ma pegwēluhskwīm-
oolooōk', mŭdŭ oosŭtkŭmoo ootēlēgāmŭl wēch-
kooeēlŭl ak mogwā' kogooā' wēskōdŭmook'
neen 'ntenīnkŭ.

31. Cadoo oochīt oosŭtkŭmoo ookōōjejedoon'
neen 'nkŭsālān' Noochŭ ak tan tēlŭtploomich,
Nooch na 'ntŭladēgēnŭ. Oonakedakw'! kāā!
ŭpkotŭmkedanēch.

CHAPTER XV.

1. Neen kēdlāwāe-alogomanōkse na, ak neen
Nooch Noojeēgadagook.

2. 'Msīt tan tāsŭk ŭpsētkoon' 'ntenīnkŭ tan
moo mīnenook nēgŭm ējŭgŭladōk, ak 'msīt
ŭpsētkoon' tan mīnīk moosegadōk, koolaman'
mā ootājemīnīnŭ.

3. Nŭgāch' kelow' wējewōkŭmolteyōk' oola'
kŭlooswōkŭn ŭktook tan kesetŭlemlooōkŭ.

4. Mŭlgŭnādŭmookw'(nakedaakw') 'ntenīnkŭ,
ak neen mŭlgŭnādēs' kelow' ŭktenāwōkŭ.
Tēlāāk stŭgā' ŭpsētkoon' moo koskedanook
alogomanōks' ŭktook moo kese kesuhchemīne-

nook' ootenĩnkũ, na tēlāāk ansooma' keelow' moo nakedaoōōk 'ntenĩnkũ ma [keseooladaka-duōk'.]

5. Neen alogomanōkse na, nūt keelow ūpsēt-koonũl. Tan wēn mēlgūnātk' neen 'ntenĩnk, ak ēlp neen mēlgūnādūm ootenĩnk, nēgūm pegwēleminīt ; mūdū chēladakadegōk' keelow neen moo abogūnūmoolooōk'.

6. Tan wēn moo nēnkasīkw neen 'ntenink tēlejīgūlalooksīt stūgā' ūpsētkoon' ak sāwīptēk' ak mowodās'īgūl ak kāsodāsīgūl ak noogwadās'īgūl.

7. Mūlgūnādūmoodeyōk' neen 'ntenĩnkũ ak 'nkūlooswōk'ūnũl mūlgūnātk' kelow' ūktenāwōk', kweloodūmoodedōksūp tan tēleoledādūmoodeyōk' ak keskājadāsēdo' oochīt' kelow'.

8. Na Nooch wējīkpūmedālūmooksīt ūkpoo-gwēle-mīnooltenowū, ak na kelow' oochewōōle-kenoodūmook-soolteedōksūp neen 'ntenĩnku.

9. Stūgā' Nooch telīksālīch' neenū, na neen ēlp tēlīksālōolōk' kelowū : mūlgūnādūmookw' 'nkūsālsoodīm īktook.

10. Ooleskūdūmoodeyōk' neen 'ntūbloodāk'-ūnūmūl mūlgūnādūmoodedōksūp 'nkūsālsoodīm īktook. Stūgā' neen tēleskūdūmānūl Nooch ootūbloodāk'ūnūmūl ak mēlgūnādūm nēgūm ookoosālsoodīm īktook.

11. Wēg'ūla kogooāl' kesetūlemoologūl oochīt' neen nooskāwedasoodīm ooteemūd'ūnūn kelow' ūktenāwōkũ, ak oochīt' kelow' kooskāwedasoodīmooōw' oochooadās'īnũ.

12. Oola' na 'ntūbloodāk'ūnūm, kelow

üküsältooltinowü; stügā' neen tēlekesiksäloolōk' kelowü.

13. Mow wēn ājīksälōōēkw' moo ēnkoodā oolaū, (mow wēn ājīmsūgeek ūksälsoode wēs-kotk' moo ēnkoodā oolaū,) memājooenoo' ooteg-adoon oomemājooōkūnūm oochīt' wīgūmow ik-toogū.

14. Kelow' ak neen wīgūmādoolteekw, kelow' tūladakadeyōk' tan telītploomoolokū.

15. Na mā mūnaa tēlooedoolooōk' nēnākūb-ēm̄k, 'mūdū tan wēnōkūbēmīm̄k' moo kējedook' tan alsoomchūl tēladēgēlījū; kadoo tēlooedoolōk' nīgūmak', mūdū 'msīt kogooāl' tanūl wējenoodūmānūl Nooch iktook kelow' kēgenooadoologūl.

16. Kelow' moo nenasoonuogūp, kadoo neenasoonoologūp kelowü, ak mēgūnoologūp ūktūledanow ak ūkmīnenow', ak tan tēlemīneyōk' ootāpchīnūgasīnū; koolaman' 'msīt kogooāl' tan oochekweloodūmōk Noochūk neen 'nwesoonūm Iktook na īgūnūmoolōkto'.

17. Wēgūla kogooāl' wējetulītploomoologūl koolaman' ūkūsāltooltinowü.

18. Oosītkūmoo sekājedālūmoolōk, kējedoodeyōk' 'nsekājedālūmkoon'neen āskw mūnaak sekājedālūmoolooōk kelowü.

19. Oola' oosītkūmook' tūlāowoolteyōk' oola' oosītkūmoo' ūksās' ootālegāmū. Kadoo mūdū moo tēlāowooltuōk' oola' oosītkūmook', kadoo neen wējenenasoonoologūp oosītkūmoogū, na oochīt' oosītkūmoo' sekājedālūmoolōk'.

20. Mīgwedādūmookw' na kūlooswōkūn tan tēlemoologūp: Tan alsoomoot moo ājāēēspīk

moo ěnkoodā oosakũmamũl. Kestāwāooĩjik neen ělp kestāwāoolõktāk' kelowũ. Skũdũmee-dišũn neen 'nkũlooswõk'ũnũm, ělp kelow' ũkũl-ooswõkũnũmooõl' skũdũmoolõksok !

21. Kadoo 'msĩt nẽgũla kogooāl' tũlalnoõktũl' oochĩt' neen 'nwesoonũm, mũdũ moo nẽnooadĩg-ool Nẽgũmũl tanũl elkĩmilĩj'ũlũ.

22. Moo ũpkesĩnooõsũn ak ooskwĩmāk'sũbũn, moo koo'koonũmeeduĩsõk'padasoode ootenāwõk'; kadoo nũgā' ějeluhche-moosegalũsooltĩjik ootũl-oowāwoodewow' iktoogũ,

23. Tan wẽn sekājedālũmĩt neenũ ělp sekāje-dālũmājũl Noochũl.

24. Moo tũladẽgāooõsũn ootenāwõk' loogo-wõk'ũnũl tanũl mũnaa āp wẽn ũktũk tẽladẽgẽkw, moo kookoonũmeeduĩsõk' padasoode oooten-āwow' iktook. Kadoo nũgā' kese nũmeenām'ũjik ak kese sekājedālũmenāmũjik neen ak ělp Noochũlũ.

25. Kadoo koolaman' ootũlean' na kũloos-wõkũn tan āweegāsik ootũbloodākũnũmooow' iktook, Sekājedālũmĩbũnik' oochĩt' sākũ.

26. Kadoo tan tĩlesĩp' Noojeĩlkwĩjadẽgẽt' ũpkesĩnk', Tan neen oochĩlgemādẽs Noochũk āũmõk', Kẽdlāwāooõk'ũne-'mchejakũmĩch' na, tan wẽjĩpkotũmkasĩt Noochũgũ, Nẽgũm ũloo-wedũmāsĩdo' oochĩt neenũ ;

27. Ak ělp kelow' oocheloowedũmāsooltedõk-sũp, mũdũ tẽgwāooeõk' wẽjadẽgẽmk' tan ũm-skwẽs' poktũmkeak'.

CHAPTER XVI.

1. Na wējetūlemoologūl wēg'ūla kogooāl' koolamān' ma nābedabōktēs kūmaduōk'.

2. Oochetooalnōktāk' alasoodūmogwōmūl, ak tētpūgaak egaado tan tīlesīp' tan wēn nābolōkto tīledasīdo' ootūloogowōn' Nikskamūlū.

3. Kadoo wēg'ūla kogooāl' tūlalnōktūl' mūdū moo nēnooadīgool Noochūl kūсна' neen.

4. Kadoo wējetūlemoologūp wēg'ūla kogooāl' koolaman' tan tīlesīp' tētpūgaak egaak mīgwe-
dādūmoodedōksūp. 'nkesetūlemoolīnowū. Kadoo wēg'ūla kogooāl' moo tēlemoolooōgūbūnūl wēja-
dēgēm' ūmskwēs' poktūmkeaak mūdū, tēgwāoo-
logūp.

5. Ak nūgāāch āleā' tan tēt āhk tan ēlkīmīpū,
ak mow wēn kelow' tēlepebanēmīkw' Tame
ā'leēn?

6. Kadoo mūdū kese tūlemoologūb'ūnūl wēg'-
ūla kogooāl' oonmājedaswōkūn wōjooadogūl
ūkamlamoonooōl'.

7. Kadoo tēleāk tēlemoolōk' kelow' wējekane-
āwōpkeoyōk' 'npoktūmkasīnū; mūdū moo ūpko-
tūmkasuan' Noojeīlkwījadēgēt' ma ūpkēsīnook'.
Kadoo ūpkotūmkasean' ūlgīmādēs' tan āūmoo-
deyōkū.

8. Ak tan tīlesīp' ūpkēsīnk' ūpkwōmādū
oosūkūmōogāwa' oochīt' padasoode ak kokwōja-
dākun ak īlsoodākūn.

9. Oochīt' padasoode mūdū moo kēdlāmsūt-
ūmqoodeekw neen 'ntenīnkū.

10. Oochīt' kokwōjadākūn mūdū Noochūk
āleā' ak kelow' ma nūmeeuōk māchū.

11. Oochit' ilsoodákūn mūdū oola' oositkūmoo ootēlēgāmūl kese ilsoodāsīlījūl.

12. Pegwēlkūl kogooāl māch wēskodūmanūl 'ntūlemoolenow', kadoo moo kese kūmoodūmooduogūl nūgājū.

13. Kadoo tan tīlesīp' Kēdlāwāooōkūne- 'Mchejakūmīch' ūpkēsīnk' Nēgūm neganowhte- kūmoolokto' 'msīt kēdlāwāooōkūn iktook. Mūdū ma nēgūm ootenīnk oochekūloosīkw, kadoo tan kogooā' nootk āgūnooto', ak kenoodūmoolōktūl' tanūl kēdooegaagūl.

14. Nēgūm neen ūkpūmedālūmedo' mūdū oosooadoodo' neen 'ntāl'egām ak āgūnoodūmoolōkto'.

15. 'Msīt kogooāl tanūl neen Nooch wēskotkūl neen 'ntāl'egam na. Na oochit' tēlemoolōk nēgūm sooadoodo' neen 'ntāl'egam ak āgūnoodūmoolōkto'.

16. Mājech kechka' ak ma nūmeeuōk' ak āpch kechka' mājechk ak nūmeedōksūp ; mūdū ālēā' Noochūgū.

17. Na oochit alt kēgenoodūmooōje tēlīmtool- tīlīje: Kogooā tū oot tēlemoolkw? Mājechk kechka' ak ma nūmeuok' ; ak āpch kechka' 'mchechk' ak tokoo nūmeedōksūp? ; ak, Mūdū ālēā Noochūgū?

18. Na oochit tēlīmtooltījīk : Kogooā tū oot tan wēskootk' ? Mājechk kechka' ? moo kēje- dōōkw' tan tēlooējū.

19. Sāsoos kējedōk' ookūdooepebanīmkoonū, tokoo ālāje: Pebanīmtoolteyōk' mūdū tēlemoolok' mājechk kechka' ak neen ma nūmeeuōk, ak āpch kechka' 'mchechk ak nūmeedōksūp ?

20. Těleák' těleák' telemoolōk' kelow' ūtked-
ēmooltedōksūp ak ōonmāje-ūtkedēmooltedōksūp,
kadoo oosītkūmoo' ooleda'sedo ; ak kelow' oon-
mājedasooltedōksūp, kadoo ūktoonmājedaswōk-
ūnūmoow' lekewōnskadāsedo' oosūgāwedas-
wōkūn īktook.

21. Abīt tan tīlesīp mījooājejumīch' sēspēdaa-
sīt mūdū ootētpūgaagūm kese egaak ; kadoo
mījooajech kesuhskījenooīch moo māch mīgwe-
dāādūmook' ootoonmājōdākūnūm tēleooledaasīt
memājooenool ooskījenooīlīn' oosītkūmoo'gū.

22. Ak na oochīt' kelow' nūgāāch wēskodūm-
oo'deyōk' oonmājedaswōkūn ; kadoo āpch nūm-
ooltōksūp ak ūkamlamoonooōl oosūgowhkwīja-
dāsooltēdūl', ak kooledaswōkūnūmoōl' ma wēn
oochuhssoadoolooōgūl.

23. Ak nūt na nagwēk ma kogooā' pebane-
muōk'. Těleák' těleák' telemoolok' tan kogooā'
kweloodūmoodeyōk' Nooch neen 'nwesoonūm
īktook, Nēgūm īgūnūmoolōkto'.

24. Meesokoo nūgāāch mā mūnaa kogooā'
kweloodūmooduogūp neen 'nwesoonūm īktook.
Kweloodūmookw' ak 'msūnūmoodedōksūp, koo-
laman' ūkooskāwedasoodīmoow' oochooa-
dāsīnū.

25. Wēg'ūla kogooāl' tēlemoologūl pēsloodēg-
ēmkāwā' īktook. Kadoo tētpūgaak kēdooeagaak
tan tīlesīp' ma kūloolnooōk' pēsloodēgēmkāwā
īktōōk, kadoo pakeiagūnoodūmooltōksūp oochīt'
Noochū.

26. Na nagwēk towoodedōksūp neen 'nwe-
soonūm īktook'. Ak moo tēlemoolooōk 'ntalasoo-
dūmēlsāoolīnow' Noochūgū ;

27. Mūdū Nooch Nēgūm kēsālnok' kelowū, mūdū kelow' keskēsāleōk' neenū, ak kesīktlām-sūtūmoodeyōk neen 'nwōōjeēn' Nīkskam-awik-took.

28. Wējeāāp' Noochūgū ak pēgesīnāp' oosītkūmoogū ; āpch nōktūm oosītkumoo' ak āleā' Noochūgū.

29. Na tanīk wējekenoodūmoojīk ootenīnk tēlīmādījūl : Ankaptān', nūgāāch pakeiwīstoon ak moo pēsloo'dēgāoon.

30. Nūgāāch kējedoo'deēk ūkakeikchījedoon' 'msīt kogooālū, ak mogwā' wēdūmedādūmoon' wēn ūkpebanīmcoon'. Oochīt oolā' wējīktlām-sūtūmoodeēk' keel ūkwoojeēn Nīkskamāwīk-took.

31. Sāsoos tēlēūsīdēmāje : Nūgāāch kēdlām-sūtūmoodeyōk' ?

32. Ankaptūmookw' tētpūgaak kēdooegaak ak nūgā' egaak tan tīlesīp' sāsaloosooltedōksūp 'msīt wen weekū ak 'nkūledōksūp neen 'ntnāooktoogwalōōgwēnū ; kadoo moo nāōōk-toogwaloogwow' mūdū Nooch tēgwāooīt'.

33. Wēg'ūla kogooāl' tēiemoologūp koolaman' neen 'ntenīnk ūkooskōdūmūnow' wōntūkōde. Oosītkūmook' ooskōdūmoodedōksūp woonmājāooōkūn ; kadoo oolkwījōltīkw ! neen kese wīswīgūnēdūm oosītkūmoo'.

CHAPTER XVII.

1. Na kesetūlooējūl Sāsoos wēg'ūla kūloos-wōk'ūnul ēlesūmkūlābasīt wasōk ak āāt : Noo', tētpūgaak egaak : ūkpūmedālūm Ukwīsū, koolaman' Ukwīs' ūkūpmedālūmkoon' keelū.

2. Stügā' tēleigūnūmat' ootālsod'ūmūn 'msīt magei oochīt' ootīgūnūmooōn' āpchememājooōkūn tan tāsīlīje tane igūnūmāje.

3. Ak uūt na āpchememājooōkūn, Uknēn-agoon keelū ūknāōōktājīn Ukēdlāwāe-Nīkskam-āwīnū, ak oōkoojejeanow' Sāsoo Gooleūl' tanūl ēlkimtūb'-ūnūl.

4. Apchīkpūmedālūmoolāp' makūmegēgū. Keskājadooāp' loogowōkūn tan Igūnūmooeep 'ntūladoonū.

5. Ak nūgāāch, Noo, wējīkpūmedāālūme ūktenīnkū oōlā' ūkpūmedādākūn iktook tan tokuskodūmoogoop āskw mūnaak oosītkūmooenoo-gwēgū.

6. Kēgenooadākūbūnīk' ūkwesoonūm nēgūla memājooenook' tanīk' wējeigūnūmooeebūnīk' oosītkūmoogū. Negūmow' keel ūktālegāmtūb-ūnīk' ak igūnūmooeebūnīk' ak kēlodūmeedīp ūkūlooswōkūnūm.

7. Nūgāāch kējedoodeedīch 'msīt kogooāl' tanūl kese igūnūmooeebūnūl oowōōjeān' keel ūktenīnkū.

8. Mūdū kūlooswōk'ūnūl tanūl keel igūnūmooeebūnūl neen igūnūmagūl nēgūmowū, ak nēgūmow' wēs-wadoodījūl' ak kējedoodeedīch' kēdlāwā' iktook neen 'nwoojeān' keel ūktenīnkū, ak kēdlāmsūtūmoodījīk keel ūktūlgīmīnū.

9. Neen alasoodūmēlsāowhkwīk.* Moo alasoodūmēlsāowtūmoo oosītkūmoo, kadoo alasoodūmēlsāowkwīk nēgūmow tanīk igūnūmooeebūnīk ; mūdū nēg'ūmow keel ūktālegāmk.

10. Ak 'msīt tan tāsūk neen 'ntāl'egām keel wēdāl'egāmin ; ak keel ūktāl'egām neen wēdāle'-

gāmī, ak neen wējīkpūmedālūmooksī nēgūmow ootenāwōkū.

11. Ak nūgāch' moo ēlmīpkītkadūmoo oosītkūmoo'gū, kadoo nēg'ūmow āūmoodījīk oosītkūmoogū, ak neen pēgesīn' tan āūmūnū. Nooch' Ukchesābāwīn, ankwāu nēg'ūmow ūkwesoonūm īktook tanīk īgūnūmooeebūnīgū, koolaman' nēg'ūmow tūlīnkoodāowooltedāk' stūgā' kenoo tēlīnkoodāoweeekwū.

12. Tan tīlesīp' tēgwāagīk' oosītkūmook' neen wējeānkwāagūbūnīk' ūkwesoonūm īktook. Tan-kīk īgūnūmooeebūnīk ānkwāagūbūnīk' chēl moo nāōōktājīkw kēskaakw; pasūk ūksūga'dākūn ookwīsūl [kēska'lijūl] koolaman' tan āweegāsīk [Nīkskamāwe-weegādīgūn īktook] ookeskājeanū.

13. Ak nūgāach pēgesīn' tan tēt keel ā'ūmūn, ak tēlemoolānūl wēg'ūla kogooāl' oosītkūmoogū, koolaman' nēgūmow' ooskōdūmūnow' neen nooskāwedasoodīm oowōōchooadāsīn ootenāwōkū.

14. Neen īgūnūmagūbūnīk' ūkūlooswōkūnūm, ak oosītkūmoo segājedālūmābūne mūdū moo tēlāowoolteekw oosītkūmoo'gū, ansooma' stūgā' neen moo tēlāowu oosītkūmoo'gū.

15. Mogwā' ēdāmooloo koojuhsooalan' oosītkūmoo'gū, kadoo ēdāmool' koojeānkwāuan' wīnsood' īktook.

16. Moo tēlāowoolteekw oosītkūmook' stūgā' neen moo tēlāowwu, oosītkūmook'.

17. Oochesābāwal' nēg'ūmow ūkedlāwāooōk'-ūnūm īktook. Ukūlooswōk'ūnūm kēdlāwāooōkūn na.

18. Stügā' keel tēlīgīmeep neen oosītkūmook' na neen tēlīgīmīk nēg'ūmow oosītkūmoo'gū.

19. Ak oochīt' nēg'ūmow sābāwa'lūse koolaman' nēg'ūmow oochesābāwadāsooltedāk' kēd-lāwāooōkūn īktōōk.

20. Ak moo pasūk wēg'ūla alasoodūmelsāoo-agīk, kadoo ēlp alasoodūmēlsāooowkwīk 'msīt tanīk oochīktlāmsūtūmoodedāk' 'ntenīnkū oo-kūlooswōkūnūmooōw' īktook.

21. Koolaman' 'msīt nēg'ūmow ootēnkoodā-owooltīnowū; stügā' keel, Noo', ā'ūmūn neen 'ntenīnk ak neen keel ūktenīnk āūm, nēg'ūmow ootūlīnkoodāowooltīnowū ūktenēnākū; koolaman' oosītkūmoo' ookoodlāmsūtūmūn keel ūktūlgīmīnū.

22. Ak ūkpūmedā'dākūn tan keel īgūnūmooeep, neen kese īgūnūmagīk nēgūmowū, koolaman' nēg'ūmow ootēnkoodāowooltīnowū stügā' kenoo tēlīnkoodāoweekw.

23. Neen ootenāwow' īktook ak keel 'ntenīn īktook, koolaman' ookeskājadāsooltīnow' oon-ōōktāowooltīnowū, koolaman oosītkūmoo' ookūj-ejedoon' keel ūktūlgīmīnū, ak keel ūktūlīksalan' nēg'ūmow stügā' tēlīksālīn neenū.

24. Noo', mēsoonedādūm tanīk īgūnūmoeebūnīk' 'ntoogwāagoon tan tēt āūm koolaman' oonūmeedoonow' 'nkūpmedālūmooksoodim tan keel īgūnūmooeep, mūdū kēsāleep āskw mūnaak kesetāsenoogwēk' oosītkūmooū.

25. Noo' ūkchesābāwīn, oosītkūmoo' moo nēnoolookoop' kadoo neen nēnoolāp', ak' wēg'ūla kējedoo'dīp ūktūlgīmīnū.

26. Ak kēgenooadākūbūnīk' ūkwesoonūm ak

kūnooadooōdēs', koolaman' ūksālkoosoode tan
wējīksālīn' ooteemūd' ūnūn ootenāwōkū, ak neen
'nteemūn ootenāwōkū'.

CHAPTER XVIII.

1. Na Sāsoos kese tūlooēch' wēg'ūla kūloos-
wōk'ūnūl mowīpkotūmkedadīje tane kēgenoo-
dūmooōje, ak ūsookūmedaajīk chīboochēech'
tēlooesīk Kēdlūn, tan tēt egadākūnchech āhk,
tan nēgūm ēlepīskwat' ak ēlp tanīk wējekenoo-
dūmoojīk ootenīnk.

2. Ak ēlp Soodaa tan kēgenooalājūl kējedōk
oola egadākūnchech', mūdū Sāsoos ak tanīk
wējekenoodūmoojīk ootenīnk seowwu ētlemow-
edaajīk nadaālū.

3. Na oochīt' Soodaa kesuhsooalāje mowoo-
maadije cheenūmoo', ak ūkchepadūleask' ak
Palūseak' oonōkūbēmooō', pēgesīnk' nadāl' tētū
pētāsēnūmadījīk ak wōsogoonūmākūnoltījīk ak
wēpkoomākūnoltījīk.

4. Na oochīt' Sāsoos mūdū kējedogūl 'msīt
kogooāl' tanūl kēdoogaagūl ootenīnk, āleēt' ak
ālāje : Wēn kwelooōk' ?

5. Usedēmadījūl āladījūl : Sāsoos Nāsalēt-
kāwach'. Sāsoos ālāje : Neen na nēgūm. Ak
Soodaa tan kēgenooalājūl wījeboogoodooāje.

6. Na oochīt' tēdōojīnkūsiu tēlemach' Neen
na nēgūm, ēsēdēbūmedaajīk ak mēskūnadēsool-
tījīk makūmegēgū.

7. Na oochīt' āpch pebanemāje : Wēn kwe-
looōk' ? Tēlooējīk : Sāsoos Nāsalētkāwach'.

8. Sāsoos ūsedēmāje, āāt : Tēlemoologūp Neen

na nĕgŭm. Na oochĭt' kwelooeĕk' neen, ũsedāl-
ũmookw' wĕgŭla oopoktũmkedanowũ.

9. Koolaman' kũlooswĕkũn ootũlean' tan tĕl-
ooĕp': Nĕg'ũla tanĭk ĭgũnũmooeebũnik' mow
wĕn āānak.

10. Na Semoo Peāl ĕspoogwĕsĭkaak ; ak nāl-
kwagaadĕk ak takũmājũl ũkchepadũleasũl oon-
ĕkũbĕmũl ak mĕntāmooĕch' enākũnā' oosĭtoo-
ĕkũnũ : oola' oonĕkũbĕmũl tĕlooesĭt Mālkũs.

11. Na oochĭt' Sāsoos ālājũl Peālũl : Pejadoo
āpch ũktespoogwĕs'ĭgũm petũlan' ĭktĕĕk.
'Nkũneepsũmoon tan Nooch ĭgũnũmooĭbũn,
ma tũ oochĭnsām'oogwow ?

12. Tokoo mowomājĭk chenũmook' ak ũkche-
kĕptĭn ak Lĕswĕebāk oonĕkũbĕmeoĕ' kokwala-
dĭjũl Sāsoosũl ak kĕlpeladĭjũl.

13. Ak tũmk ālalaadĭjũl Anũsĕgũ, mũdũ
Anũ Keieeb oochĭlchũl, ak Keieeb ũkchepa-
dũleasāwĭt oola' pĕmeboonkũgũ.

14. Na Keieeb nĕgũm na tan tĕlkĩmāb'ũne
Lĕswĕeba' mowāgũnoodũmadedĕgũ oochekeane-
āwĩnĕs' nāooktājĭt cheenũm oochenāboksĭn
oochĭt memājooenoo'ũ.

15. Cadoo Semoo Peāl ak ũktũk pĕmekenoo-
dũmoot' noosoogooadĭjũl Sāsoosũl. Na oola'
ũktũk pĕmenoodũmoot' wĕjĭkchĭjeegoosĭt ũkche-
padũleas-āwĭktook, ak pĭskwe-wĭjādeedĭjũl Sā-
soosũl ũkchepadũleasogwĕm.

16. Cadoo Peāl koojũmook' kakũmĭt kagũnũgũ.
Na oochĭt' oola' ũktũk pĕmekenoodũmoot' tan
wĕjĭkchĭjeegoosĭt ũkchepadũleas-āwĭktook, tā-

wečt' ak kēloolājūl ābitāsūl noojeeskagūnčlijūl, ak piskwēgemājūl Peālūl.

17. Na oochīt' ābitās' noojeeskagūnēt' ālājūl Peālūl: Keel nūt moo tū nāōōktājuūn oot cheenūm pēmekenoodūmooōje? Peāl āāt: Mogwā'.

18. Na tanīk wēnōkūbēmīmkik ak noojeko-kwadakadijīk kakūmooltījīk, ak kesuhcheūtkūsa-doo'dīch booktāoo booksētāwiktoogū, mūdū tēgāāk, ak ētleoo'sooltījīk, ak Peāl wijeboogoo-dooāje ak āoo-oo'sīt.

19. Na oochīt' ūkchepadūleas' pebanemājūl Sāsoosūl oochīt' tane kēgenoodūmooōje ak oochīt' ookūgenoodūmāsoodīmū.

20. Sāsoos ūsedēmājūl: Māswuhskoodūmāp' oosītkūmoo'; āpchoo kēgenoodūmooāāp' alasoodūmoogwōmkū ak ūkchealasoodūmogwōmkū, tan tēt Lēsweebāk āpchoo ētlemowedaadīch, ak mūnaa kogooā' tēlooow' kemoodoogū.

21. Kogooā' wējepebanemīn' neenū? pebanīm nēg'ūmow tanīk jīksētooībūnīk' tan tēlīm-kūp: ankāptān', nēgūmow' kējedoodēdīch tan tēlīm-kūp.

22. Kese Sāsoos tēlooēch' nāōōktājīt nēg'ūla kokwadakadijīk, tanīk kweiīchk' kakūmooltījīk, takūmājūl Sāsoosūl ooseskook, ālājūl: Nūt tēle-ūsedēmt' Ukchepadūleas?

23. Sāsoos ūsīdēmājūl: Obūlaboogooāān' ūl-oowedūmāse oochīt' na wīnsode; kadoo oolaboogooāān' kogooā' tū wējītkūmīn'!

24. Na Anūs aboogwēdōgūb'ūnūl Sāsoosūl keltōkpeselijūl ūkche-padūleas-ooīktōōk Keieebēgū.

25. Ak Semoo Peāl kakūmīt' ak āoo-oo'sīt. Na oochīt' āladījūl : Moo tū keel nāōōktājīt tane oola' kēgenoodūmooōje ? Peāl pētkwōsīt, āāt : Mogwā'.

26. Nāōōktājīt ūkchepadūleas' oonōkūbēmp-mū, wogūmāl' nēgūm tan oosītoōōkūn Peāl mēntāmooōp', ālājūl : Moo tū ētlenūmoolooōs' egadākūncheech īktook, tan tēgwāāduōksūp oot cheenūm ?

27. Na oochīt' Peāl āpch pētkwōsīt, ak ūn-kūseiu kegūleegwēch kēdook.

28. Tokoo wējīpkotūmkaladijūl Sāsoosūl Keiebēgū, ak ālala'dijūl Gūbūlnol-āwīgwoōmkū, ak nūgāā ēskītpook', ak nēgūmow' moo piskwēd-āagwīk Gūbūlnol-āwīgwoōmkū, oochīt' moo oomējegadāsooltinowū, kadoo koolaman' oomālko-dūmūnow' pagāwīmkāwā' wegooobaltīmū.

29. Na oochīt' Pelaat tāweēt'. ālēēt' āūmoodīl-īch', ak āāt : Kogooā' mēsīmtīmāwā' pēgesoo-dooōk oot cheenūm ootenīnkū ?

30. Usetēgūloola'dijūl āladījūl : Moo ēdū padatēgāwenooīk'sūbūn moo īgūnūmoolegēkpūn ootenīn.

31. Na oochīt' Pelaat ālāje : Oosooalookw' nēgūm ak oocheīlsoomookw' ūktūbloodākūn-ūmoow' īktook. Na oochīt' Lēsweebāk tēlēuse-tēgūlooladijūl : Moo ūsedālūmooksooltuēk' nenēn' 'nntābanēn' wēnū.

32. Koolaman' Sāsoos ookūlooswōkūn ootūle-an' tan tēlooēp' tan kēgenoodūmooēdēk' tan tēlāāk 'npooōkūn īktook kēdoowuhchinpūgū.

33. Na oochīt' Pelaat āpch ēlepiskwat'

Gübŭlnöl-āwīgwoṃkŭ ak wegoomājŭl Sāsoosŭl ālājŭl : Keel tŭ Lēsweebāk ootēlēgāmooōl'?

34. Sāsoos ūsetēgŭloolājŭl āāt : Keel tŭ wēje-tŭlooēn' oot keel ūktenīnkŭ? kŭsna' ūktŭgīk tēlīmskŭsŭnik' oochīt neenŭ?

35. Pelaat ūsedāboogooēt' : Neen tŭ Lēsweepāwī? Keel kīgŭmak' ak nāōōktŭkŭmīkseyōk ak ūkckepadŭleask' pēgesoolskŭbŭnik' ūktenīn 'npŭtŭnkŭ : kogooā' kese tŭladēgēn?

36. Sāsoos ūsedāboogooēt' āāt : Neen 'ntēlēgāwagīm moo tŭlā' oola' oosītkŭmoogŭ. Ntēlēgāwagīm tŭlāowīk oola' oosītkŭmoogŭ nēnōk-ŭbēm' oochemātŭnadakadeedīs moo neen 'ntegalooksīn Lesweebāk oopŭtŭnook'. Cadoo nŭgāā 'ntēlēgāwagīm moo tŭlāowenooōk' na-dāālŭ.

37. Na oochīt' Pelaat ālājŭl : Keel tŭ ēlēgāwīn? Sāsoos ūsedāboogooēt' : Keel kokwōjetŭlooēn', mŭdŭ neen ēlēgāwītāwī. Na oochīt' wēg'ŭla kogooā' iktook wējhuskījenooēāp', ak wēg'ŭla kogooā' iktook wējīpkēsīnāp' oola' oosītkŭmoogŭ, 'nwoojelooedŭmāsīn kēdlāwoōōkŭn. 'Msīt wēn tan tēlāowīt kēdlāwāooōkŭn iktook jīksētōoit' tan tēlooāŭ.

38. Pelaat ālājŭl : Kogooā' tŭ kēdlāwāooōkŭn? Ak kesetŭlooēch oola' āpch tāweēt' tan Lēsweebāk' āŭmoodīlījŭ, ak ālāje : Mogwā' wājedoo' kogooā' padasoode nēgŭm oootenīnk.

39. Cadoo tēlkŭmīkseyōk' neen 'ntoowōlka-doolīnow' nāooktājīt kestējoo tās pagāwīmkŭ. Wēledādŭmoodeyōk' 'ntoowōlkalan' Lēsweebāk' ootēlēgāmooōl' oochīt' kelow'?

40. Tokoo āpch 'msīt kēsegowējīk, āājīk : Moo oola' cheenūm, kadoo Balabaas. Na Balabaas noojēkūmootūnēt'.

CHAPTER XIX.

1. Tokoo Pelaat wēswalājūl Sāsoosūl ak māt-aajūl.

2. Ak sūmagūmūnīsk' moweskūnwōtūmee-dīch āptūgōpesoode kowīksowāū ak āptūgope-soodūlaadīch, ak mēgwāāk 'mtokwōn' nasodūlaadīch.

3. Tokoo pējedaadijūl ak āājīk : Wēska-gūlēmoolek', keel ētleēlēgāwītāwin' Lēsweebāwīktook ! ak takūmaadijūl ooseskoogū.

4. Na Pelaat āpch tāweēt ak ālāje : Ankamookw', ēletoalūk aūmoodeyōk' oochīt' ūkūje-jeedoonow' neen moo 'nwājedoon' padasoode ootenīnk.

5. Sāsoos wēchkwetooeēt' āptūgōpesoode kowīksaū ak mēgwēgūnaak. Ak Pelaat ālāje : Ankamookw' na cheenūm.

6. Na oochīt' tan tīlesīp' ūkchepadūleask' ak nooje-kokwadakadijīk nēmeadīch, kēsegowe-kūloosooltījīk, āājīk : Cloocheowhtē' ! cloocheowhtē' ! Pelaat ālāje : Kelow oosooalookw' ak cloocheowhtē' ! mūdū neen moo wājedoo padasoode ootenīnk.

7. Lēsweebāk ūsedēmaadijūl ālaadijūl : Ut-ploodākūn wēskodūmēk', ak tan 'ntūbloodākūn-ūmenēn' tēleāk' dēpkadīk oonbūnū, mūdū tēla-lūsīp Nīkskam ookwīšnū.

8. Na oochit' tan tilesip' Pelaat nootk wëg'ûla külooswöckün äjewägwödasit.

9. Ak äpch ëlepiskwat' gübülnöl-äwëgwömk ak äläjül Sāsoosül: Tame telāāowin? kadoo Sāsoos moo üsedëmagool

10. Tokoo Pelaat äläjül: Moo kelool'uun? moo këjedoo neen noosködümün alsoo'soode 'nkloocheowhtölin ak noosködümün alsoo'soode 'nboonaloolin?'

11. Sāsoos üsedëmäjül äläjül: Moo kese kesuhsködümoon' alsoo'soode 'nteninkü moo oochëgünümoolimük' kāk wāägü. Na oochit' nëgüm tan egalit ükpüt'ünkü äjimsügeek pada-soode wëskötk.

12. Wëjadëgëmk' na tilesip' Pelaat kwejeboonaläjül. Cadoo Lësweebäk' kësegowe-küloosooltjijk, äājik: Boonalüch' na cheenüm moo Sesal wedābā'wewün: Tan wën tēlaalūsit ootëlëgāwītāwinü kënskülümäjül Sesülülü.

13. Na oochit' tan tilesip' Pelaat nootk oola' külooswöckün', tāwaläjül Sāsoosül ak ëbaasit ilsoodākünā' koodpoodeü tan tēlooesik Coondā-wowhte, kadoo Lësweepāweesimk tēlooesik Gabata.

14. Na nagwëk ëtle-elājooltimk' pagāwimk' ak ëdook meowlagwët'. Pelaat äläje Lesweeba: Ankamookw' üktëlëgā'mooow!

15. Cadoo nëgümow kësegowe-sowoodijik äājik: Jīgüla! jīgüla! cloocheowhte': Pelaat äläjë: Cloocheowhtadës üktëlëgā'mooow? Ukchepadüleask' üsedäboogooadijik: Moo wëskwāooagüt ëlëgāwit' pasük Sesül.

16. Na oochit' tokoo tilesip' egadooäjül Sā-

soosül oopütünooow' iktook ookloocheowhta/-līnū. Ak nēg'ūmow wēs-walaadijūl Sāsoosül ak ālala'dijūl.

17. Ak Sāsoos pēmnegātk' ookloocheāwāūm, ak ālēēt' nadāl' tēt tan makūmegāoocheech tēlooesik Oosūgātpāwākade, tan tēlooeđāsik Lēsweepāweesimk, Gōl'gota :

18. Ak nādāl' tēt ētlekūloocheowhtaadijūl, ak āp ūktūge taboosilije wije-kūloocheowhtadije ēdoowuū ak Sāsoos meawāāk.

19. Tokoo Pelaat āweegūk wesoonasik ak okskedaadōk kloocheāwā' iktook, ak na tēlooweegāsik : SASOOS NASALETKAWACH' LESWEEBAK OOTELEGAMOOOL'.

20. Na oochīt' oolā' wesoonasik pegwēlkik Lēsweebāk ēgedūmoodeedich, mūdū nadāāl tan tēt Sāsoos ētlekūloocheowhtōt kweiichk' ūkchegūnk āhk, ak tēlooeegāsik Lēswebāweesimk ak Glekāweesimk ak Lātūneāweesimk.

21. Na oochīt tanik ētlīkchepadūleasāwooltijik Lēsweebāwiktook āladijūl Pelaatūl : Moo ūktūlooweekūmoo, Lēsweebak ootēlēgāmooōl ; kadoo tūlooweegān', Tēlooēp' neen Lēsweebak ootēlēgāmooōl.

22. Pelaat ūsetēgūlōolāje ālāje : Tan kogooā' keseweekūm, na keseweekūm.

23. Na sūmagūnisk' tan tīlesip' kesekūloocheowhtadich Sāsoosül, wēs-wadoodijūl ootokwōnūl ak nāoonēmegadoodijūl ootatkūnwōk'-ūnūm ādāsu sūmagūnisū, ak ēlp ootlāmkwōnūm. Na ootlāmkwōnūm mogwā' tame ēleesāsīnook, kadoo mēsekesetāsik kakeiūltūktaasik wēja-dēgēm' kāk-wāākū.

24. Na oochit' tēlīmtooltijik : Tīlea' moo skwīskēnadookw, kadoo lakadenēch' tan wēn ootālegāmedo'. Koolaman' tan tēlooweegāsik [Nīkskamāwā' Weegādigūn iktook] ootūlean' : 'Ntokwōn' atkūnasoolteedich ak oochit' 'ntlām-kwōnūm ēlakadeedich. Na wēg'ūla kogooāl' sūmagūnisk' tēladakadeedijūl.

25. Na kakūmooltijik kweiīchk' Sāsoos ookloochēawāūmk Sāsoos ookwījūl, ak ookwījūl wījēgideedijūl ābīlījul, Male Cleopūs ootā-bitēmūl, ak Male Mādlan.

26. Na oochit' Sāsoos nēmeāch' kweiīchk' kakūmūlich' ookwījūl ak neg'ūla kēgenoodūmooj-ūl tanūl kēsālājūl, ālājūl ookwījūl : Abīt, ankam' keel ūkwisū.

27. Tokoo ālājūl kēgenoodūmoojūl : Ankam keel ūkechū. Na wējadēgēm' na tīlesip' oola' kēgenoodūmoot' nēgūm week ēlmalājūl Sāsoosūl ookwījūl.

28. Na kūlabīs Sāsoos, mūdū kējedōk' 'msit kogooāl' nūgāā ookesedāsīn, koolaman' tan tēlooweegāsik ootūlekeskājean', āāt : Kēdoo'sām-ookwei'

29. Na ēptākūn wōjoo'bēt tēbūnāāgūl kese egadāsip nadāālū. Tokoo wējuhchoobēgadoodich pesow tēbūnāāgūlū, ak nebetokūmedich ak egadoodich Sāsoosūl ootoonkū.

30. Na tan tīlesip' Sāsoos kese okūlēmaasich tēbūnaagūl, āāt : Keskājeāk'; tokoo īgūnūm-oōēdogūl oochejakūmijūl.

31. Na oochit' Lēsweebāk' koolaman' ooten-āwōl' moo oonūnkadāsīnoon' kloocheawā' iktook atlasmoodegiskūk—mūdū nūgāā elājooltīmāwā'

nagwëk na, ak oola' atlasmoodegĩskūk ěspāak
nagwëk na—ědāmadĩjūl Pelaatūl ookwōjegūn-
ocōl' oosoogwĩskadāsīnū, ak ootējīgūladāsool-
tīnowū.

32. Na oochīt' sūmagūnĩsk' pějēdaajĩk ak
sĕgwĩskadōoa'dĩjūl ookwōj'īgūnūl ūmskwēsāwāāl
ak ūktūgūl tanūl wĩjekūloocheowhtojūl Sāsoosūl.

33. Cadoo tan tĩlēsip' pějēdaadich Sāsoosūl
ak nĕmeadich ookesīnpūlĩn', moo sĕgwĩskadōo-
adĩgool ookwōje'gūnūl.

34. Cādoo nāōōktājīt nĕg'ūla sūmagūnĩsk'
sabājūl ěpmĕbegalich' pĩjĕchkājichk, ak ūnkūseīu
māldāoo ak sūm'oogwōn wĕjetōoeĕk'.

35. Ak nĕgūm tan nĕmedōk' wĕjĕlooodūmāsīt,
ak ootūlooodūmāsoodīm tĕleāk'. Ak kĕjedōk'
ookokwōdaboogooēnū; koolaman' kelow' ūkūd-
lāmsūtūmoodīnow'.

36. Na wĕjekeskājeagūl wĕg'ūla kogooāl'
koolaman' tan teloowĕcgāsĩk ookeskājadāsīn,
nūt na: Chĕl ma 'nkoodāchtūnook' oowōkūndēm'
skwĩskadāsēnook.

37. Ak ūktūk' tan tĕlooweegāsĩk tĕlooeĕk :
Ankamādāk' tanūl kese sabadīb'ūnūl.

38. Na kūlābīs' kes' keskājeagūl nĕg'ūla
kogooāl' Sosĕp, tan Alamatea tūlā', Sāsoos kĕge-
noodūmoojūl', kadoo kemoodook' mūdū chĕpa-
lāje Lĕswēebāū, ědamājūl Pelatūl oowōrĕjejīgūla-
dooōn' Sāsoos ootenĩn; ak Pelaat ūsedālūmājūl.
Na oochīt' pĕgesīnk' ak poktūmkadōoōch'
Sāsoosūl ootenĩn.

39. Ak ělp Nĩkodām', tan tūmk pĕgesīnkūb'-
ūnūl, Sāsoosūl dĕpkegū, pĕgesīnk', ak pĕgesoo-
dogūl 'mpesonūl, mūl ak alos weagadās'īgūl,

ědook kűskĩmtűlnákűnik' 'ngád'ígűn tělĩksoo-kool.

40. Tokoo wěswadoodĩch Sāsoosűl ootěnin ak tět pogwaladijűl atlawěgűn iktook, ak egadoodedijűl mĩlemagāwāl' ; stűgā' tělĩnkűlagadoodĩch Lěswėebāk' ootelalanow' 'npooenoo' oochĩt' ootkoodaltĩmk.

41- Na tan tět Sāsoos ětlekűloochewhtōt egadākűnchech āhk, ak egadākűnchech' iktook pelā' ootkoodākűn āhk, tan tět műnaak memājoo-enoo' egalājű.

42. Na oochĩt' nadāāl tět pejaladijűl Sāsoosűl, műdű na nagwěk Leswėebāk' ělājooltĩmkāwā' oonagwěgűmoow' na, ak ootkoodākűn kweiichk' āhk.

CHAPTER XX,

1. Na ůmskwěsāwā' nagwěk kes atlasmoode-gĩskűk, Male Mādłān pėgesĩnk' ootkoodākűn iktook tan kěseěskĩtpook', mā chěl bogűnĩtpaak, ak nēmėdők' koondāoo wějejĩgűla'dāsĩk ootkoodākűn iktook.

2. Tokoo ětkwėek ak pėgesĩnkűl Semoo Peālűl ak na ůktűgűl kěgenoodűmoojűl tanűl Sāsoos kěsālāb'űnűl, ak tělĩmāje : Kesuhchejĩg-űlaladedű' Uksakűmamenoo' ootkoodākűn iktook, ak moo kějėdooěk' tan tět' egaladijű.

3. Na oochĩt' Peāl poktűmkasĩt ak oola' ůktűk' kěgedoodűmoot' ad pėgesĩnkĩk' ootkoodākűn iktook.

4: Ak kĩtk tokwepűmėebĩjĩk, kadoo ůktűk

këgenoodümoot' äjiksegowaasit moo ênkoodā Peālū ak mëltāmipkesink' ootkoodākūn iktook.

5. Ak ogülümkwaasit poo'töptük ak nêmedogül atlawëg'ünül ëlagwaagül, kadoo moo piskwakw.

6. Tokoo Semoo Peāl pëgesink', noosoodës-kooäjül, ak piskwaat ootkoodākūn iktook, ak nêmedogül atlawëg'ünül ëlagwaagül.

7. Ak Moosooā' tan ãooneskwo'tpëbesilip' moo weäktënook' atlawëgün iktook, kadoo ëlän-kadāsik ak tēpkestēk'.

8. Na oochit' oola' üktük këgenoodümoot' piskwat', tan tūmk pëgesinküp ootkoodākūn iktook, ak nêmedök' ak këdlämsüt'k',

9. Müdü mäch mūnaak nēstūmeedikw tan tēlooweegāsik ; na na, Oodēpkadīn oomenoon-sinū.

10. Na oochit' këgenoodūmoojik āpch ëlmedaajik wīgwo'kü.

11. Cadoo Male kakūmit' koojūmook' kwei-ichk' ootkoodākūn iktook, ak ütkedēmīt' ; ak āskw ütkedēmich' ogülümkwaasit ak pootöptük ootkoodākūn.

12. Ak nêmeäje taboosilije ānsälāwilije wōb-egūnamūlije ëbilije, nāooktājilijül tan tēt ëlkwēs-ilnīp', ak üktügül tan tēt ëlkadēsilnīp' tēt Sāsoos ootenin ëdëgüp.

13. Ak tēlimche : Abit, kogooā' wëjeüt'kedēm-in' ? Aläje Müdü poktūmkaladedū' 'Nsakūmamū, ak moo këjeāk' tan tēt egaladijū.

14. Kese tēlooëch' nēgūla kogooāl āpskwëb-oogooaasit ak nêmeäjül Sāsoosül kakūmilijül, kadoo moo këjeagool oo-Sāsooswilinū.

15. Sāsoos ālājūl : Abīt, kogooā' māwe'dūm-ūn ? wēn kwelūt ? Male tēledasīt noojeēgadagook na, amalēgadākūn iktook tūlā' ; na oochīt' ālājūl : Sakūmow', kesīpkotūmkalūch, kenoodūmooe tan tēt keseēgalūchū, ad neen ūpkotūmkaladēs'.

16. Sāsoos ālājūl : Male ! Male kewōnskeboogooasīt, ak Lēsweebāweesīm k ālājūl : Lābone ! (Rabboni !) tan tēlooēk, Noojekenamooēt' !

17. Sāsoos ālājūl : Moo ūksamalu ! mūdū mā mūnaak ēleoonagasu Noochūgū. Cadoo leyē' wījēgīm k k āūmoodeedīch ak tūlīm nēg'ūmow, neen nājeoonagase neen Noochūgū ak kelow Koochooōkū, ak neen 'Nnīkskamūmk ak kelow' Kūnīkskamooōkū.

18. Na Male Mādlān pēgesīnk' ak āgūnoo-dūmooōje kēgenoodūmooje ookesenūmean' Uksakūmamenūlū, ak ookesetūlīm koon' wēg'ūla kogooālū,

19. Mā na nagwēk wēlaakw, ūmskwēsāwā' nagwēk kese atlasmoodegīskūk, ka'gūnūl wējīk-pūskūdēgūl tan tēt ētlemowedaadīch kēgenoodūmoojīk, mūdū chepaladije Lesweebaū, Sāsoos pēgesīnk', ak meawāāk kakūmīt', ak ālāje : Wōntūkōde eech ūktenāwōkū.

20. Ak kese tūlīmāch' wēg'ūla kogooāl' nāyadooōjūl oopūtūnūl ak ēpmēbegāch'. Tokoo wēje-ooledasooltījīk kēgenoodūmoojīk tan tīlesīp' nēmeadīch Uksakūmamenūl'.

21. Tokoo na oochīt' āpch Sāsoos ālāje : Wōntūkōde eech ūktenāwōkū. Neen tēlīgīmīp' Nooch, neen tēlīgīmoolōk' kelowū.

22. Na kese tūlooēch' wēg'ūla kogooāl' kam-

lamoodooöje ak ālāje : Nīkskamāwā' 'Mcheja-kūmich' oosooalookw.

23. Tanik wēnik ootūloowāwoodewōl' kelow' abīksiktūmooögül na abīksiktūmoojül ; ak ēlp tanik wēnik ootūloowāwoodewōl' kelow' kēlnūmooögül, na kēlnās'īgül ootenāwōkū.

24. Cadoo Tooma nāooktājīt nāooktīnskūk-sījīk āpostālāwījīk chēl taboo, tan telooesīt ēlp Utkobāch, moo tēgwāooagoob'ūne tan tīlesīp' Sāsoos pēgesīnkēgū.

25. Na oochīt' ūktūgīk kēgenoodūmoojīk āladījūl : Uksakūmamēnooōk' nēmeegūtōk'. Cadoo Tooma ālāje : Moo nūmedooōk' oopūtūn iktook chiltēgūl plēgool, ak moo pejadooōn' 'ntūlooīgūn chiltēgūl plēgool, ak moo pejadooōn' 'npūtūn ēpmēbegāchū, ma ūktlāmsūt'ūmoo.

26. Na ēlooīgūnūk' kese tāsoogoonāak kēgenoodūmooöje āpch mowe-eeūmoodilīje lāmīg-wōmkū ak Tooma tēgwāooōjē. Tokoo Sāsoos pēgesīnk', kēpsāktēgūl ka'gūnūl, ak meawāāk kakūmīt' ak āāt : Wontūkōde eech ūktenāwōk'.

27. Tokoo ālājūl Toomahūl : Oola' egadoo ūktūlooīgūn ak ankaptān' 'npūt'ūnūl ; ak egadoo ūkpūtūn ak pejaadoo ēpmēbegeiū ; ak moo ūkmēktūmoo, kadoo ūktlāmsūtāān.

28. Tokoo ūsedāboogooēt' ālājūl : 'Nsakūmam ak 'Nnīkskamūm !

29. Sāsoos ālājūl : Tooma, mūdū kesenūmeen na tū wējīktlāmsūt'ūmūn ? Wēloltījīk nēgūmow tanik tīleach' moo nēmedoodeekw kadoo kēdlām-sūtūmoodījīk.

30. Ak poogwēlkūbūnīgūl ūktūgīgūl kūnoo-gwōsoodīgūl Sāsoos kesadogūnīgūl ooskalooōk

këgenoodūmooōtkūū, tankūl moo āweegāsīn-oogūl oola' weegādīgūn iktook.

31. Cadoo nēg'ūla wējeweegāsīgūl koolaman' kelow' ūkoodlāmsūtūmoodīnow' Sāsoos Ooclīstāwīnū ak Nikskam Ookwīsinū ; ak koolaman' kooskōdūmūnow' āpchememājooōkūn tan tēlik-tlāmsūtūmoodeyōkū.

CHAPTER XXI.

1. Na kūlābīs' Sāsoos āpch ēlemāswasīje këgenoodūmooōje kaske-ūkhīgūmoogū, Teibel-eūskāwāū. Ak na tēlēnāya'lūsit.

2. Mowkwōdūmoodījīk Semoo Peāl, ak Tooma, tan ēlp tēlooesit, Utcobāch', ak Natāneāl', Cānāk tūlā' Gālelētkū, ak Sēbūde taboosīlīje ookwīsū, ak taboosīlīje ūktūge këgenoodūmooōje.

3. Semoo Peāl ālāje : Nājenūmājwāgā. Alad-ijūl : Ak ēlp nenēn wijāoolēk'. Na poktūmke-daaīk ak tēbedaajīk wēnjoolkoodook ; ak na dēpkek' mogwā' kogooā' nābādoodīkw.

4. Na wōpk ēskītpook' Sāsoos kakūmīt' kas-kāāgū ; kadoo këgenoodūmooīk moo kējeadīgool oo-Sāsoos-welīnū.

5. Na oochīt' Sāsoos ālāje : Nejīntoot', wēs-kodūmōk' mechīpchāwā' ? Usedēmadijūl : Mogwā'.

6. Alāje : Upkasabealookw enākūnēgāl' ak wājedoodōksūp. Na oochīt' pakasabealaadijūl, ak nūgā' māsenatkabealaadijūl tēlepoogwēlīp-too'goodījīk nūmāājūk.

7. Na oochīt' oola' këgenoodūmoot' tanūl Sās-

oos kēsälājül ālājül Semoo Peālülü : Uksakūm-amenoo' na. Na oochit' Semoo Peāl noodūm-ach' ootüksakūmamenooilīnū, nūsadōk ooto-kwōn', mūdū āmiskāāk, ak paktāstēsīnk' ūkchīg-ūmoogū.

8. Ak ūktūgik kēgenoodūmoojik okwaajik wēnjoolkoojaagik, mūdū moo amaskadūmeedikw makūmegāoo, pasūk ēdook' taboo kūsķimtūlnāk-ūn mooskūn'īgūn egaloochū, natakūmadējemaadījül aabeel nūmājooilījül.

9. Na tan tīlesīp' natakūmadīch nēmedoodīch booksētāwā' booktāoo ak nūmājwā' ēdēk, ak pībūnōkūn.

10. Sāsoos ālāje : Choogwalookw' alt nūmāājūk tanik nūgāāch nābōgwīkū.

11. Semoo Peāl tēbaasit ak natakūmaadējemājül aabel wōjooeēlījül mēskīlooltīlīje nūmāājeū, kūsķimtūlnākūnīlīje chēl nanīnskūsīlīje chēl seest. Ak tīleach' tēlepoogwēlkik kadoo aabe moo sēgwīskaasīkw.

12. Sāsoos ālāje : Choogwedaakw ak ēspoo-gwōdālooltīkw. Ak mow wēn kēgenoodūmoōje kese mūlgedaakw ootūlepebaneman' ootūle-man' : Wēnīn keel ? mūdū kējeadijül ootüksak-ūmamenooilīnū.

13. Tokoo pēgesīnk' Sāsoos ak wēswardōk pībūnōkūn ak īgūnūmoōje ak ēnkoodā ēlp nūm-ājwā.

14. Nūt na oola' sestāwā' Sāsoos ēlenāyaalūs-īch' kēgenoodūmoōje tan tīlesīp' kese menoa-looksīpū.

15. Na kesadāloolteedīch Sāsoos ālājül Semoo Peālül : Semoo, Sona ookwīsūl, ājīksālīn'

neen moo ěnkoodā wěg'ŭla ? Alājŭl : Aā, 'Nsak'-'
ŭmam, kějedoon' 'nkŭsāl'nīnŭ. Alājŭl : Sŭm
'nchechkělooāoocheejŭmkŭ.

16. Apch ālājŭl tabooŭwāŭ : Semoo, Sona oo-
kwīsŭl, kěsāl'n ? Alājŭl : āā 'nsak'ŭmam, kějedoon'
'nkŭsāl'nīnŭ. Alājŭl : Ankwāoo 'nchechkěloo-
āoochŭmkŭ.

17. Sestāwā' ālājŭl : Semoo, Sona ookwīsŭl,
kěsāl'n' ? Peāl' wějeonmājedaasit ootŭlīm'koon'
sestāwā' kěsāl'n', tokoo ālājŭl : 'Nsakŭmam,
kakeikchijedoo'nŭl 'msit kogooāl' ; kějedoon'
'nkŭsāl'nīnŭ. Sāsoos ālājŭl : Sŭm 'nchechkělooā-
oochŭmkŭ.

18. Těleāk' těleāk' tēlemool' : nootkwāiněk'
kěspesaseep keelŭ, ak pěmeāap tan tět tēleo-
ledādŭmoopŭ ; kadoo tan tilesīp' kesegooeč'n'
sebīnskasīdŭks' ak ŭktŭk' ŭkspesodŭloolto' ak
ālaloolto' tan tět ma ooledādŭmoonŭ.

19. Na wějetŭlooēt' Sāsoos oola' ookŭgenoo-
dŭmooen' tan tēlāāk' 'npooōkŭn iktook Peāl
kědoo-chīkpŭmedālŭmājŭl Nikskamŭl. Kese
tŭlooēch' Sāsoos wěg'ŭla, ālājŭl : Noosoogooe!

20. Peāl kewōnskeboogooasīch' nēmeājŭl na
kěgenoodŭmoojŭl tanŭl Sāsoos kěsālājŭl noo-
soogooōjŭl, tan ělp akŭmkwēsīlnīb'ŭnŭl oopŭs-
koonkŭ wělogwōdŭlooltīm'kěgŭ ak āap : 'Nsāk-
ŭmam, tēgēn' nēgŭm tan kedooekŭnooalŭsk' ?

21. Na Peāl' nēmeāch', ālājŭl Sāsoosŭl :
'Nsak'ŭmam, tālāado oot cheenŭm ?

22. Sāsoos ālājŭl : Neen wōōledādŭmān' oo-
nŭnkasīn meesokoo ŭpkēsīntēs', keel tāluhtŭm-
edādŭmŭn nŭt ? keel noosoogooe.

23. Na oochīt' wějīpkotŭmkeaak oola' kŭloos-

wőkün tan sāsaašik wijegĩdooltijik ootenāwōk' oola' kēgenoodūmoot' moo oonbūnū. Cadoo Sāsoos moo tēlemagoob'ūnūl, moo oonpūlīnū, kadoo ālāb'ūnūl : Ooledādūmān' neen oonūnkasīn meesokoo ūpkēsīntes', keel tāluhtūmedāādūmūn nūt ?

24. Na oola' na kēgenoodūmoot' tan wējelooedūmāsīt wēg'ūla kogooāl, ak āwekūgūl wēg'ūla kogooāl' ; ak kējedooēk' ootūloowedūmāsoodīm ootūleānū.

25. Ak ēlp āhkūl poogwēlkūl ūktūgūl kogooāl' tanūl Sāsoos tēladogūb'ūnūl, tanūl weegāsīk 'msīt tēlēdāādūm oosītkūmoo' ēdook' moo kesekakeiledūmūgūl weegād'īgūnūl tanūl weegāsīsū. Amen.